

ქვეყნის გზები



საქართველოს
მხარეთმცოდნეო
კავშირის
გაზეთი
№5 (301)

15 მაისი -
15 ივნისი 2023

ფასი 150 ლარი

გაეწიოს
თვეში ერთხელ

გვესაუბრება რევაზ მიშველაძე

- ბატონო რევაზ, ორიოდე სიტყვით როგორ შეაფასებდით თანამედროვე ვითარებას?

- მსოფლიო დიდ განსაცდელშია. ომის პარტიები მას მესამე მსოფლიო ომისკენ მიაქანებენ. ახლა საქართველოს დიდი ჭკუა-გამჭრიახობა სჭირდება, რომ აქლემების ჭიდილში კოზაკივით არ გაიჭყლიტოს.

- თქვენ, როგორც ყოველთვის, ახლაც განგაშის ზარს რეკავთ. ვის დააბრალებს ისტორია თუ, ღმერთმა ნუ ქნას და, მესამე მსოფლიო ომის ხანძარი დაინთო?

- უპირველეს ყოვლისა, ამერიკას. ამერიკას შეეძლო ქმედითი დახმარებით სამ თვეში გაეძევებინა აგრესორი უკრაინის მიწიდან, მაგრამ ჯო ბაიდენმა ფეხი აითრია. სწორედ მისმა „დაყოვნების პოლიტიკამ“ წარმოშვა ახალი რეალობა. ვირთხასავით კუთხეში მიმწყვდეულმა პუტინმა, რომელიც ომის დასაწყისში თითქმის მარტო იყო, სული მოითქვა და მოკავშირეების ძებნა დაიწყო. აი, შედეგიც: დღეს რუსეთის გვერდზე დგანან ჩინეთი, ინდოეთი, ირანი, პაკისტანი და კიდევ რამდენიმე პატარა ქვეყანა. ეს უკვე დიდი, სამიში ძალაა. მსოფლიო ისევ ორპოლუსიანი გახდა. ეს იმას ნიშნავს, რომ რუსეთ-უკრაინის ომი კარგახანს გაგრძელდება, თუ მესამე მსოფლიო ომში არ გადაიზარდა.

- ამ დროს საქართველოს ადგილს სად ხედავთ?

- მიუმხრობლობის პოლიტიკაში. მხოლოდ დაბალანსების დიპლომატია გადაგვარჩენს. მხარს ვუჭერ საქართველოს ხელისუფლების იმ განწყვეტილებებს, რომლებსაც დღეს ამ აბურდულ პერიოდში კბილით უჭირავთ მშვიდობა ჩვენს ქვეყანაში. საკმარისია ერთი შეცდომა და ჩვენ სახელმწიფოებრივი გაქრობის საფრთხის წინაშე აღმოვჩნდებით. ჩვენ ჩვენი მოკრძალებული ადგილი უნდა ვიცოდეთ. დიდ პოლიტიკაში მოთამაშის ილუზია უნდა ამოვიღოთ თავიდან. სხვის საქმეებში ჩარევა და არამკითხე მამიდობა უნდა დავივიწყოთ. არაერთი უადგ-

ილოდ მოყვანცალე გაუჭყლეტია ულმობელ ისტორიას და, მამაჩემსა აქვს ცხონება, ჩვენც ისე არ მოგვივიდეს.

- ახლა შინაც შემოვიხედოთ: როგორ უყურებთ პარლამენტში პოზიციასა და ოპოზიციას შორის გაჩაღებულ მართონს ორი საპარლამენტო კომისიის შექმნის პრობლემაზე, კონკრეტულად, სანქციონებული მოსამართლეების და კეზერაშვილის დანაშაულებათა გამოძიების შესახებ?

- გითხრა სიმართლე, მე კატეგორიულად არ ვემხრობი მოსამართლეების მუდმივად, სიკვდილამდე არჩევის პრინციპს. ბებერ ევროპაში შეიძლება ეს წესი ამართლებდეს, მაგრამ საქართველოში არამც და არამც არ შეიძლება. ჩვენ სრულიად სხვა მენტალიტეტის ქვეყანა ვართ. ჩვენი ტრადიცია არ იძლევა იმის საშუალებას, რომ მოსამართლე სიკვდილამდე გულარხეინობის და ხელშეუხებლობის ჯავშანში ჩასვა. მე, გარდა იმისა, რომ მწერალთა კავშირის ხელმძღვანელთაგანი ვარ, უნივერსიტეტის პროფესორიც გახლავართ და ყოველი 4 წლის გასვლის მერე შიშით ვკანკალებ, ვაითუ, არ ამირჩიონ და ცოლ-შვილი შიმშილით დამიწყდეს-მეთქი. მე რუსთაველის პრემიის ლაურეატი და 89 წიგნის ავტორი ვარ. მოსამართლე რა ნითელი კოჭია ისეთი, რომ სიცოცხლის ბოლომდე ხელშეუხებლობის გარანტიას ვაძლევთ?

- მართალი ბრძანდებით.

- ახლა, რაც შეეხება საპარლამენტო კომისიებს. მე ხუთი წელი ვიყავი პარლამენტის წევრი და არაერთი კომისიის მუშაობას ვაკვირდებოდი. ხატზე შემოძლია დავიფიცო, რომ არცერთ კომისიას არცერთი გამოსაძიებელი საქმე ბოლომდე არ გამოუძიებია. არადა, ახლა ესენი რომელი შერლოკ ჰოლმსები ან კომისარი მეგრები მყვანან, რომ ეს ურთულესი საქმეები გამოიძიონ? ეს კომისიები, თუ იცით, რისთვის აინტ-

ერესებს ოპოზიციას? ევროკავშირში კანდიდატის მინიჭების საკითხი რომ დადგება, აი, მაშინ იყვირებენ: არ მიანიჭოთ, საქართველოს კანდიდატის სტატუსი, ჩვენ აგერ ახლა მოსამართლეთა დანაშაულს ვიძიებთო. აი, სად მარხია ძაღლის თავი.

- ბატონო რევაზ, თქვენ ორი წლის წინ თქვენს მშობლიურ სოფელს სამი ათასი უნიკალური წიგნი და თითქმის ამდენივე ჟურნალ-გაზეთი აჩუქეთ. რა ბედი ეწია თქვენს საჩუქარს?

- ჩემს მშობლიურ სოფელში - მარტვილის რაიონის სოფელ თარგამულში გაიხსნა ბიბლიოთეკა, რომელსაც ჩემდა საამაყოდ, ასეთი აბრა ამშვენებს: „**საქართველოს სახალხო მწერლის, რუსთაველის პრემიის ლაურეატის რევაზ მიშველაძის სახელობის ბიბლიოთეკა**“. ბიბლიოთეკას უნარიანად ხელმძღვანელობს ბატონი ბურდა პირტახია.

- მართლაც, რომ დიდებული ფაქტია, ბატონო რევაზ, რამდენადაც ვიცი, არცერთ ქართველ მწერალს არც ამ და არც გასულ საუკუნეში თავისი სოფლისთვის ასეთი ისტორიული საჩუქარი არ მიუძღვნია.

- მარტვილის საპატიო მოქალაქე გახლავართ და ამ ფაქტს დიდ მნიშვნელობას არ ვანიჭებ. მე მხოლოდ ჩემი ვალი მოვიხადე იმ კუთხის წინაშე, სადაც ჩემი სიყრმე ჩატარდა და რომელსაც სიკვდილამდე ვეთაყვანები.

- მამაპაპისეული სახლი გაქვთ თარგამულში?

- სამწუხაროდ, არა. ჟამთასვლამ და დიდთოვლობამ ჩვენი ძველი ოდა იავარჰყო, მაგრამ შემრჩა პატარა მინის ნაკვეთი ბაბუაჩემის და მამაჩემის დარგული ხეებით. თუ ღმერთმა დამაცალა, მინდა, ჩავდგა მამა-პაპის ნაფუძარზე პატარა ფიცრული ოდა. ღამლამობით მესიზმრება ჩემი ბავშვობა, ტეხურის პირას ვზივარ ანკესით ხელში, იქნებ ოდესმე ეს სიზმარიც ავიხდინო.

- რატომ ოდესმე? ალბათ თქვენი სურვილი არც ისე ძნელი შესასრულებელი უნდა იყოს...



- სათქმელად ადვილია, საქმეა ძნელი. ვისაც ღმერთმა ფინანსური საშუალება მისცა, ის პატარა ფიცრულს კი არა, ცაზე მისადგმელ კიბესაც გააკეთებს. თუმცა, სინათლე მაინც ჩანს გვირაბის ბოლოს. იმედის ნაპერწკალი ის გახლავთ, რომ მარტვილის რაიონს ახლა ხელმძღვანელობს უნიჭიერესი ორგანიზატორი, ჭეშმარიტი ინტელიგენტი, გულისხმიერი, უანგარო ახალგაზრდა კაცი თორნიკე ჯანაშია და მისი ყურადღებიანობა მასულდგმულებს. აქვე დავსძენ, რომ თარგამულში ცხოვრობენ ჩემი მკვიდრი ბიძაშვილები, სოფლის მეურნეობის ჩინებული მცოდნეები და ჩემი ჭეშმარიტი გულშემატკივრები ნუგზარ, დუტუ და როსტომ მიშველაძეები. ასე რომ, ჩვენმა გაერთიანებულმა ძალისხმევამ იქნებ ჩემი უკანასკნელი ნატვრა ამიხდინოს.

- ღმერთმა ქნას, ბატონო რევაზ, თქვენი სამიათასი წიგნით თქვენ ხომ ისეთი ჩირაღდანი აანთებთ თარგამულში, რომლის ნათებაც ათწლეულებს გადაწვდება და თაობებს ქართული წიგნისკენ, ცოდნისკენ, ეროვნული ფენომენისკენ მოაბრუნებს. სწორედ ამიტომ და სხვა მიზეზთა გამო, არა მგონია, მარტვილელებმა არ იცოდნენ მშობლიური კულტურის ანეულში თქვენს მიერ გატანილი კვალის ფასი.

- დიდი მადლობა.

ესაუბრა მანანა გორგიშვილი



რევაზ მიშველადე

(დასაწყისი „მწერლის გაზეთი“ 2021 №3,4,5,6; 2022 №1,2,3,4,5; 2023 №1,2,3,4)

22/II-8/III 93

კონფერენციის მეორე დღეს „თბილისში“ გამოვაქვეყნე ინტერვიუ: „ერთმანეთისკენ მორცხვად გავაპარეთ თვალი“. ვწერდი: ზოგმა ინტელიგენტმა თავი შეირცხვინა; ამ კონფერენციის ინიციატორები, ლამის მტრებად გამოაცხადა-მეთქი. ხელისუფლებაც ძალიან შეშინდა, დაიწყეს შემოქმედებითი ინტელიგენციის დაბარება და ხვეწნა — „გვიშველეთ“-მეთქი, მზე ჩრდილოეთიდან არასოდეს ამოვა-მეთქი. როგორც ჩანს, ეწყინა ხელისუფლებას, რადგანაც მწერალთა კავშირის ერთმა ხელმძღვანელმა შემოფოტებით მითხრა: „რას ჩააცივდი ხელისუფლებას. შევარდნაძემ კი არ დაგვიბარა, ჩვენ თვითონ მივედითო“.

უვაჟკაცო კაცია-მეთქი ამის მთქმელი, ვერ ვიტყვი, მაგრამ, ეტყობა, დაავალეს, ეს სიტყვები მოწმეთა თანდასწრებით ეთქვა ჩემთვის.

გაზეთ „ხმა ერისას“ მარტის ნომერში ინტერვიუ მაქვს. იქაც ვთქვი ჩემი სათქმელი: „დაგომისი“ და „3 სექტემბერი“ ჩვენი დიპლომატიის მარცხი იყო-მეთქი.

5 მარტს უნივერსიტეტში გავმართეთ ლიტერატურული საღამო.

როინ მეტრეველმა ქართული მწერლობის ფასი კარგად იცის. ჭეშმარიტად ეროვნული პიროვნებაა. ცოტა ენერგია როდი დახარჯა, რომ საღამო ღირსეულად ჩატარებულიყო. მოვიწვიეთ თითქმის ყველა ცნობილი ქართველი მწერალი — ანა კალანდაძე, შოთა, გრ. აბაშიძე, მორისი, ფანჯიკიძე, რ. ჭეიშვილი... მოკლედ, უმრწემეს ქართველ მწერლებამდე.

დარბაზში ნემსი არ ჩავრდებოდა. როინმა საღამოს თავმჯდომარეობა მე დამავალა.

ეს მეორე ღონისძიება იყო როინის და ჩემს მიერ ჩაფიქრებული საქართველოს გასაერთიანებლად.

7 მარტს საღამო ტელევიზიამ მთლიანად გადასცა.

8/III-21/III 93

16, 17 მარტს რუსეთმა სასტიკად შემოუტია სოხუმს.

რუსის თვითმფრინავებმა ჯერ დაბომბეს, მერე საარტილერიო ცეცხლით იავარჰყვეს საქართველოს ეს ულამაზესი ქალაქი.

ორი ღამე ცეცხლი წვიმდა სოხუმის თავზე.

შევარდნაძე სოხუმში ჩაფრინდა. როგორც იქნა, დარწმუნდა, რუსი გვერძების და მსოფლიოს გასაგონად გამოაცხადა რუსული აგრესიის შესახებ.

სამასამდე ქართველი დაილუპა. მათ შორის ჩემი ბიძაშვილის შვილი — ლევან თოდუა.

დაზაფრული დავდივარ.

ამ დღით (19—ში) რუსეთის თავდაცვის მინისტრმა გამოაცხადა (გრაფიკით); ქართველებს ჩვენ არ ვებრძვით, თვითონ ბომბავენ სოხუმს და ჩვენ გვაბრალებენო.

შეიძლება, წარმოიდგინო უფრო დიდი სიგიჟე?

რუსის გონების სიმწირეს, მართლაც, რომ საზღვარი არა აქვს.

22/III-5/IV 93

1 აპრილს რუსებმა კვლავ დაბომბეს სოხუმი. 110 კაცი დაიღუპა და რვაასი საცხოვრებელი სახლი

მაშუარაზი რობორ ირნეოდა სომალდი

დაინგრა. პარლამენტმა მოითხოვა, დაუყოვნებლივ ვამცნოთ ის ბარბაროსული აქტი მსოფლიოს, მივმართოთ დასავლეთს და გაეროსო.

შევარდნაძე კატეგორიულად წინააღმდეგი გამოვიდა.

რა მნიშვნელობა აქვს, გაერო მაინც არ გვეხმარებაო.

ტელევიზიას მითითებას აძლევს. ნუ გაამახვილებ ყურადღებას აფხაზეთის ომზეო.

სწორედ ესაა მიუჭერების პოლიტიკა. უფრო მეტიც, ერის ღალატი.

მეთათხვედრ ვიმეორებ: ახლა ყოველ ხუთ ნუთში მსოფლიოს უნდა მივმართავდეთ.

2 აპრილს ხელოვნების მუშაკთა სახლში საზოგადოებას წარვუდგინე 5 ახალგაზრდა პოეტი: მიხეილ ლანიშაშვილი, სევარიონ ნადირაძე, ტრისტან მახაური, ზურაბ ჯაფარიძე და მურღვა არდოტელი (ნიკო ზვიადური).

ეს უკანასკნელი ვერ ჩამოვიდა ხევისურეთიდან, მაგრამ მისი ლექსები წავიკითხეთ. მიხარია-მეთქი, ვთქვი შესაფასებლად, ამ უბედურების ჟამს ლექსისთვის რომ მოიცალეთ და მობრძანდით-მეთქი. ამ ხუთ ახალგაზრდა პოეტს შემოქმედებითი პრინციპები, საქართველოსადმი სწორი დამოკიდებულება აერთიანებთ-მეთქი. ეს დღე ისტორიულ დღედ უნდა ჩაითვალოს, რადგანაც ეს პოეტური დასი ორგანიზებულად პირველად გამოდის-მეთქი ასპარეზზე. გზას ვულოცავ ჩემს უმრწემეს ძმებს და შემოქმედებით გამარჯვებებს, ერის სამსახურს ვუსურვებ-მეთქი.

5 აპრილს ჭაბუა ამირეჯიბი, ლევან სანიკიძე, თამაზ ნივნივაძე და მე დიდუბის სამხედრო კომისარიატს ვენვით, წვევამდელებს ვესაუბრეთ, სამშობლოს წინაშე თავიანთი მხედრული ვალი მოვაცხადეთ.

6/IV-10/V

იოსებ ნონეშვილის გახსენების საღამო მოვანყვეთ ჯერ მწერალთა კავშირში და მერე — კარდენახში (გურჯაანი).

კარდენახში, რატომღაც, სამიოდე მწერალი აღმოვჩნდით.

ეტყობა, იოსების მიმართ ქიშპობის, შურის პროცესი დღესაც გრძელდება.

მწერალთა კავშირში ერთხელ კიდევ ვცადე „ვეფხისტყაოსნისთვის“ მეშველა (ერთხელ უკვე გადავყვევი ამ საქმეს), მაგრამ, როგორც ვატყობ, ახლაც ამაოდ.

შევექმნათ-მეთქი კომისია „ვეფხისტყაოსნის“ ტექსტის შემსწავლელი. მოინვიეს გურამ კარტოზია. „ვეფხისტყაოსნის“ დამახინჯების აქტიური მონაწილე.

ჯერ მე ვილაპარაკე, მერე კარტოზიას მისცეს სიტყვა.

რა თქმა უნდა, კარტოზიას არც ერთი ფრაზა მართალი არ იყო, მაგრამ მ. ლებანიძის და გ. ფანჯიკიძის გარდა არავინ გამომექომაგა.

კომისიის შედგენა მომავალი კვირისთვის გადაიდო (?)

მაშუარაზი

19-ში ჭაბუა ამირეჯიბის 70 წლისთავის იუბილე მინდა გავმართო. ჭაბუა თანახმაა. მაღლობელი ვარო, ჩემო რეზო, არ მეგონა, თუ ასე გიყვარდიო.

ჩემო ჭაბუა-მეთქი, სამოციანი წლების ქართველი კაცის ფსიქიკაზე არცერთ ნაწარმოებს იმხელა გავლენა არ მოუხდენია, „დათა თუთაშხიამ“ რომ მოახდინა-მეთქი.

ახლა საქართველოს თავზე ახალი დამოკლეს მახვილი გაჩნდა.

შევარდნაძემ კიტოვანი და იოსელიანი ფაქტიურად ჩამოიცილა.

ლმერეთმა ჰქნას, ანი მაინც წაიყვანოს ნაღმა საქმე.

8 მაისს ახალგაზრდა მწერალთა წრის წევრები სოფელ გომბორს ვანვიე.

კარგი ლიტერატურული ბავშვები არიან: გულნრფელნი, სუფთანი: ს. ნადირაძე, მ. ლანიშაშვილი, ტ. მახაური, ქ. დოლიძე, ზ. ჯაფარიძე, ი. შიოლაშვილი და სხვანი.

11/V-20/V 93

14 მაისს მოსკოვში დაიბარა შევარდნაძე ელცინმა. დაიბარა, როგორც ვასალი, როგორც ცუკას მდივანს დაიბარებდნენ ურდოში კომუნისტური რეჟიმის დროს.

შევარდნაძეც გახარებული ეახლა პატრონს და აღუთქვა — სოხუმიდან მძიმე ტექნიკას და არტილერიას 20 მაისიდან გაიყვანო.

ეს კი მეტისმეტია.

დაგომისის ხელშეკრულებით შევარდნაძემ გასცა სამაჩაბლო, 3 სექტემბრის ხელშეკრულებით მტერს ჩააბარა გაგრა-ლესელიძე, განთიადი და ახლა მრავალტანჯულ, დანგრეულ-გაპარტახებულ სოხუმს აბარებს.

ჭაერში ღალატის სუნი ტრიალებს.

15 მაისს „შანსის“ კორესპონდენტმა, მარიამ კახაძემ, ინტერვიუ ჩამომართვა. პირდაპირ განვაცხადე: შევარდნაძის პოლიტიკამ ვერ გაამართლა, ეს კაპიტულანტური პოლიტიკაა და დაუყოვნებლივ უნდა გადადგეს-მეთქი. დღეს ოცია. ვნახოთ, დაბეჭდავს თუ არა „შანსი“ ჩემს ინტერვიუს.

19 მაისს მწერალთა კავშირში ჭაბუა ამირეჯიბის დაბადების 70 წლისთავის აღსანიშნავი საიუბილეო საღამო ჩავატარეთ. საღამოს ინიციატორი მე გახლდით. როგორც არ უნდა ვეთანხმებოდე ჭაბუას დღევანდელ პოზიციას, „დათა თუთაშხიამ“ მაინც მეოცე საუკუნის მეორე ნახევრის საქართველოში უპირველესი რომა-

ნია. ბოლო ხანებში არც ერთ წიგნს არ მოუხდენია საქართველოს სულიერ ცხოვრებაზე ისე დიდი გავლენა, როგორც „დათა თუთაშხიამ“ მოახდინა.

გურამ ფანჯიკიძემ გახსნა საღამო. მოხსენება მე გავაკეთე. სიტყვები: გრიგოლ აბაშიძე, მურმან ლებანიძე, რეზო ჭეიშვილი, გიგა ლორთქიფანიძე, ჯანსუღ ჩარკვიანი, ელგუჯა მალრადე, არჩილ სულაკაური, ტარიელ ჭანტურია, გენო კალანდია, ოთარ ჭილაძე, ილია რურუა, დავით მჭედლური, გიზო გაბისკირია, ბორის დავითაია, ზაურ ბოლქვაძე. ჭაბუამ დიდი მაღლობა გადაგვიხადა,

26/V-1/VI 93

26 მაისს გაზეთ „შანსში“ გამოვაქვეყნე ინტერვიუ — „შევარდნაძე დამსახურებულ პენსიაზე“.

ძალიან გახმაურდა.

ღმერთი, რჯული, შევარდნაძის დიდი იმედი მქონდა და აღარც ვაპირებდი ხელისუფლებასთან ახალ დაპირისპირებას, მაგრამ დუმილი ვერ შევძელი.

რომ არ მეთქვა, გული გამისკდებოდა.

ელცინთან შეხვედრისას ყველაფერი ნათელი გახდა.

შევარდნაძე მტრისთვის სოხუმის ჩაბარებას აპირებს.

მთელი თბილისი „შანსს“ დაეძებდა.

„ზვიადისტებმა“ ამიკლეს ქებით, „შევარდნაძისტებმა“ — გინებით.

მე არცერთ მხარეს არ მივწევი-ვარ. მე ჩემი — რევაზ მიშველადის გზა მაქვს.

გამსახურდიას პრეზიდენტად ჩამოყვანას მივესალმები, შევარდნაძე კი უსათუოდ უნდა გადადგეს-მეთქი.

31 მაისს, ორშაბათს, ტელევიზიამ ჩემზე ქება-დიდება გადასცა რუბრიკით — „წარდგენილია აკაკი წერეთლის პრემიაზე“.

გამიკვირდა.

ან არ წაუკითხავთ „შანსი“, ან კოჭი გამიგორეს.

დღეს 1 ივნისია. მწერალთა კავშირში პრეზიდენტის სხდომა გვექონდა.

არც ერთ მწერალს კრინტი არ დაუძრავს არც „შანსზე“, არც წუხანდელ ტელეგადაცემაზე.

შური! „წუხილი სხვისა სიკეთესა ზედა“.

პრეზიდენტმა დაამტკიცა „ვეფხისტყაოსნის“ ტექსტის დამდგენი კომისია: რ. მიშველადე (თავმჯდომარე), გურამ ფანჯიკიძე, გრიგოლ აბაშიძე, ნოდარ გრიგალაშვილი, კობა იმედაშვილი, ანა კალანდაძე, ზაურ კალანდია, დავით მჭედლური, ჯანსუღ ლვინჯილია, მურმან ლებანიძე, ემზარ კვიციანიშვილი, შოთა ნიშნიანიძე, თამაზ ნივნივაძე, ვახტანგ ჯავახიძე, მურმან თავდიშვილი, გრიგოლ ჯულუხიძე, ზაზა ალექსიძე.

2/VI-18/VI 93

დღეს 18 ივნისია.

12 საათზე სიტყვა ვთქვი ყოველთა ქართველთა მსოფლიო კონგრესის პირველ კონფერენციაზე.

3 საათიდან ტელევიზორთან ვზივარ, პარლამენტის სესიაზე შევარდნაძის გადადგომის საკითხი დგას.

ირაკლი წერეთელი და ნოდარ ნათაძე აყენებენ შევარდნაძის გადაყენების საკითხს.

ზოგი მომხრეა, ზოგს შევარდნაძე კვლავ „ბრძენ“, „შეუცვლელ“ კაცად მიაჩნია.

ბოლოს მაინც ვერ შეთანხმდნენ. შევარდნაძე „ცეცხლოვან“ სიტყვას ამბობს. დაპირებების კორიანტელს აყენებს. ამჯერად გადარჩა.

16 ივნისს აკაკი წერეთლის პრემიის პირველი ლაურეატი გავხდით.

არ ველოდი, სიმართლე გითხრათ.

მეწყინა, რომ შ. ნიშნიანიძე „გააშავეს“. ცხრა კანდიდატიდან ყველაზე მეტად შოთას ეკუთვნოდა ეს პრემია.

17 ივნისს უნივერსიტეტში შეხვედრა მოვუწყვეე ომის მონაწილე ქართველ მწერლებს: ნანა კანდელაკს, აკაკი გენაძეს, თეიმურაზ ჯანგულაშვილს, ვახტანგ გორგანელს, ლადო სულაბერიძეს, ვასი გვეტაძეს.

ამ დროს ზოგი ჩემი კოლეგა რადიო-გაზეთ-ტელევიზიიდან შევარდნაძეს ეხვეწება: გამკაცრდი, ნუ ხარ ასეთი გულჩვილი, დასაჯე ოპოზიციონერები.

19/VI-14/VII 93

ომით, ტკივილით, მტანჯველით, მოლოდინით გავიდა ეს თვე (ცხრამეტი ივნისიდან — 14 ივლისამდე).

ორ ივლისს მტერმა სასტიკად დაბომბა სოხუმი.

ტამიშთან 600-კაციანი დესანტი გადმოსხეს. ჩვენებს, როგორც ჩანს, ღრმა ძილით ეძინათ.

ნაგვართვეს სოხუმთან ორი სოფელი: ახალშენი და შრომა.

ჩვენც ვუტევთ, რაც შეგვიძლია. შევარდნაძე 10 დღეა აფხაზეთშია.

13 ივლისს თავდაცვის მინისტრმა, ყარყარაშვილმა, აფხუას მხარეს გამოუცხადა — 24 საათში თუ ბრძოლას არ შეწყვეტთ, შეტევაზე გადმოვიდვართ.

შეიძლება ასე გააფრთხილო და მოამზადო მონინალმდეგე?

ამ განცხადებამ მთელი ჩრდილოეთ კავკასიის აღშფოთება გამოიწვია.

დღეს (14/VII) გადის ულტიმატუმის 24 საათი.

ვნახოთ, ხვალ რა იქნება. 13-ში მორის ფოცხიშვილი დავასაფლავეთ.

დაგვრძალეთ სამთავროს ტაძრის ეზოში, მცხეთაში.

დავწერე ორი გამოსათხოვარი წერილი. ერთს მწერლების გვარი მოვანერე („თბილისში“), მეორეს — ჩემი („საქართველოს რესპუბლიკაში“).

ოფიციალურ ნეკროლოგში მწერალთა კავშირს ჩემი გვარი „გამორჩინა“. არა და მორისის უახლოეს მეგობართა შორის ვითვლები.

მჭედლურმა საიდუმლოდ მითხრა, ჩანს, შეეშინდათ, შევარდნაძესთან შენი ხელმოწერისა, იციან, რომ შევარდნაძეს არ უყვარხარო.

რაც მთავარია, მაკინცდებოდა: 8 ივლისის „ლიტერატურულ საქართველოში“ გამოვაქვეყნეთ (ჩემი დაწერილია) მიმართვა გამომცემლობებისადმი. ხელს ვანერთ გ. ფანჯიკიძე, მე, ანა კალანდაძე, შოთა ნიშნიანიძე, მურმან ლებანიძე, თ. ნივნივაძე, ჯ. ლვინჯილია, ვ. ჯავახაძე, ნ. გრიგალაშვილი, ე. კვიციანიშვილი...

როგორც იქნა, დაგვირგვინდა „ვეფხისტყაოსნის“ დამახინჯების წინააღმდეგ ჩემი ბრძოლა იმით, რომ გამომცემლები გავაფრთხილეთ: არ დაუშვან აკადემიური ტექსტის დამდგენი კომისიის მიერ

დაშვებული შეცდომების გამეორება მასიურ გამოცემებში.

ივნისში გამოვიდა ეროვნული იდეოლოგიის პარტიის გაზეთი „მეობა“. ჩემი ვრცელი ინტერვიუა დაბეჭდილი.

ამ გაზეთში ყოფილი ზვიადისტები არიან, მაგრამ, რაც მთავარია, საშუალებდო პოზიცია უჭირავს გაზეთს. 15/VII-31/VII, 93

27 ივლისს შევარდნაძის თანხმობით ვ. გოგუაძემ ხელი მოაწერა რუსეთთან და აფხაზეთთან შეთანხმებას „ცეცხლის შეწყვეტის საკითხებზე“.

სინამდვილეში, ჩემი ფიქრით, ეს არის კაპიტულაცია.

შეთანხმებაში პირდაპირ წერია: „საქართველოს შეიარაღებული ძალები 10-15 დღეში დატოვებენ აფხაზეთის ტერიტორიას“...

თითქოსდა, აფხაზეთი სხვა სახელმწიფოა. ჩვენ კი ოკუპანტები ვიყავით.

არც ერთხელ არ წამოცდა შევარდნაძეს სიმართლე, რომ ჩვენ ჩვენს მიწა-წყალს ვიცავდით რუს და აფხუა გადამთიელთაგან.

მანამდე 3-4 დღით ადრე მწერალთა კავშირში შევარდნაძე მოვიდა.

ჩემი კოლეგების მლიქვნელური სიტყვების ფონზე საკმაოდ მწვავედ გავაკრიტიკე. არ მოაწეროთ-მეთქი ხელი ამ „შეთანხმებას“, მაგრამ „შეაყარე კედელს ცერცვი“. გაძლევთ პირობას, რომ სოხუმში თოფი აღარ გავარდებო, შევარდნაძემ. აფხაზეთის საქმეს ჩემს თავზე ვიღებო.

თუ სამაჩაბლოს ვარიანტი განმეორდა (საქმე იქითკენ მიდის), საბოლოოდ ვირწმუნებ, რომ ჩვენი პოლიტიკა, რბილად რომ ვთქვა, მცდარია.

28 ივლისს „თბილისს“ ვახლე წერილი იმის თაობაზე, რომ არ ვეთანხმები „შეთანხმებას“, მაგრამ არ დაბეჭდეს.

ჩანს, დაბრუნდა კომუნისტური წყობა, მხოლოდ იმას ბეჭდავენ, რაც „ცკ-ს მდივანს“ ესიამოვნება.

30 ივლისს „ლიტერატურულ საქართველოში“, როგორც იქნა, დაბეჭდეს ჩემი ნოველა „ძიძგი, ძიძგი, მამალო“.

1/VIII-29/VIII 93

საქართველოში საშინელი შიმშილი მძვინვარებს.

დღითი-დღე ვრწმუნდები, რომ ეს დაგვეგმილი შიმშილია.

საქართველოს დაჩოქება (ესენგეში ჩოქვით შესაყვანად) გრძელდება.

ჩემი წერილი რუსეთ-არძინბასთან კაპიტულანტური შეთანხმების დადების შესახებ არ დაბეჭდეს: „თბილისმა“, „ივერია-ექსპრესმა“, „7 დღემ“, სადაც კი ხელი მიმინვდება, გამოვთქვამ პროტესტს, მაგრამ ვის ესმის.

ვგრძნობ, რომ ვკარგავთ აფხაზეთს.

25 აგვისტოს მწერალთა კავშირში გვესტუმრა ქუთაისის მერი თემურ შაშიაშვილი.

გავაცანო გვემა-მარიამობის დღესასწაულის — შერიგების დღის აღნიშვნისა 28 აგვისტოს:

ილოცებს ილია II და მერე სიტყვას იტყვის სახელმწიფოს მეთაურობ.

28-ში მწერალთა კავშირის ავტობუსით რ. ჭეიშვილი, ო. ჭელიძე, ვ. ჯავახაძე, ი. ბაზაძე, ნ. გრიგალაშვილი, ლ. სანიკიძე, ა. სალუქვაძე და მე ქუთაისს გავემგზავრეთ.

როგორც ვინინასწარმეტყველე, ისე გამართლდა ყველაფერი.

28 აგვისტოს, დილით, 5 საათზე, ლოთი ქობალია 300-კაციანი რაზმით სენაკში და აბაშაში შევიდა. დაამხეს იქ შევარდნაძის ხელისუფლება და სამტრედია-ფოთის ასაღებად ემზადებოდნენ.

ვაი, ჩვენს თავს! 30/VIII-11/IX, 93

ლოთი ქობალიამ მთელი სამეგრელო დაიკავა და 6 სექტემბერს გალში შევიდა.

ზუგდიდში ჩატარდა სესია. ჩამოვიდა პრემიერ-მინისტრი გუგუშვილი და შეუდგა მოვალეობის შესრულებას.

ცხენისწყალთან კბილებამდე შეიარაღებული ქართველები ერთმანეთის პირისპირ დგანან.

საქართველო ფაქტიურად ორ ცალკე სახელმწიფოდ გაიყო.

სანამ იქნება ასე? შევარდნაძის მხარე გაჰყვირის რადიო-ტელევიზიაში: მეგრელებმა გზა გადაკეტეს და თბილისელთა შიმშილით დახოცვა უნდათო.

სამეგრელოს მთავრობა ამტკიცებს — სიცრუეა, გზა გადაკეტილი არ არის. ჩვენ მხოლოდ სამეგრელოს მარბიელ შევარდნაძის შეიარაღებულ ლაშქარს არ შემოვუშვებთ სამეგრელოში. ეს არის და ესო.

ქობულეთში დაიწყო მოლაპარაკება ექსპრეზიდენტის წარმომადგენელსა და შევარდნაძის წარმომადგენლებს შორის ასლან აბაშიძის შუამდგომლობით.

ნუთუ ზვიადმა და შევარდნაძემ არ იციან, რომ სამოქალაქო ომის დაწყება ორივესთვის სავალალოდ დამთავრდება?

რუსმა მარიონეტები საქართველოს ესენგეში შესაყვანად გამოგზავნა. ამავე მიზნით დაამხო რუსმა აზერბაიჯანში ელჩიების ხელისუფლება და იქაც ყოფილი ცეკას მდივანი ალიევი დანიშნა.

ალიევი უკვე განაცხადა, მალე აზერბაიჯანი ესენგეში შევაო. ამასვე მალე გააკეთებსო შევარდნაძე.

ქართველთა მსოფლიო კონგრესის პრეზიდენტის სხდომაზე მე და გურამ შარაძემ სასტიკად გავაკრიტიკეთ საქართველოს ხელისუფლების გამყიდველური პოლიტიკა.

კიდევ ერთი საწყენი საქმე. უეფას თასის გათამაშებიდან გამოგადეს თბილისის „დინამო“ და ორი წლით დისკვალიფიკაცია მისცეს მსაჯს ქრთამი შეაძლიესო.

ავი ბედი გვდევს, მოსვენებას არ გვაძლევს!

რატომ არ ცხადდება საყოველთაო მობილიზაცია? რით ავხსნათ საქართველოს ტელევიზიის უმოქმედობა მტრისადმი ეროვნული ზიზღის გაღვივების და რუსეთთან ომის საერთო-საყოველთაო ომად მიჩნევის საქმეში?

12/IX-28/IX, 93

27 სექტემბერს სოჩის შეთანხმებიდან (27/VII) ზუსტად ორი თვის თავზე რუსმა, ჩეჩენმა და აფხუა მკვლელებმა სოხუმი ნაგვართვეს.

სისხლისგან დაცლილმა ჩვენმა ჯარმა უკან დაიხია.

რით ვანუგემო ჩემი ტანჯული ხალხი?!

რუსმა დაგესაჯა თავისუფლების სურვილისთვის.

საქართველოს წაგლიჯა იმპერიამ საუკეთესო ისტორიული ნაწილი: ჯერ სამაჩაბლო, მერე აფხაზეთი.

დაგვრჩა 45 ათასი კვ.კმ-67-დან. ესეც შევარდნაძის „ბრძნული“ პოლიტიკა.

მსოფლიომ ყური დაიყრუა ჩვენს უბედურებაზე.

ჩემი შვილი 15 დღეა იბრძვის აფხაზეთში. არ ვიცი, ცოცხალია თუ არა.

თუმცა ჩემი უბედურება რა მოსატანია იმასთან, რაც გვჭირს.

შევარდნაძემ 26 სექტემბერს დეპეშა გაუგზავნა ელცინს, საქართველო თანახმაა სნგ-ში შემოვიდესო, მაგრამ უკვე გვიან იყო.

რუსმა დამსჯელობითი ექსპედიცია არ შეაჩერა.

52%-დან (შვიდასი ათასამდე) არც ერთი ქართველი აღარ დარჩება აფხაზეთში.

მტერმა სისხლის ნიაღვარი დააყენა. გუშინ დილით (27/IX) ველაპარაკე ვახტანგ გოგუაძეს, იმედის წყალი გადართული არ ჰქონდა. ორ საათზე კი სოხუმი დაეცა.

ახლა ნაძირალა პოლიტიკოსები ჩიფჩიფებენ; მეგრელებმა გვილატეს, თორემ ომს მოვიგებდითო.

ჯერ ერთი, ლოთი ქობალია, ალბათ, ვერ გადავიდა რუსის მიერ გამაგრებულ კოდორზე და მეორე, ვის მოვუგებდით ომს — რუსს?

კიდევ კარგი, კოდორსგამოღმა დარჩენილი ქართველთა ჯარის მცირე ნაწილიც რომ არ მივახოცეთ რუსის გამძვინვარებულ ჯარს.

შევარდნაძის ბოლო მიმართვა ქართველი ერისადმი ცრემლით და ტკივილითაა სავსე.

ჭეშმარიტად ტრაგიკული პიროვნებაა. მეცოდება.

მაგრამ „სხვა ვინ არ არის ცოდო...“ 29/IX-5/X, 93

3 ოქტომბერს ჩემი აჩიკო დაიღუპა. ჩეჩენ-აფხუას დაგებულმა ნაღმმა იმსხვერპლაო, ფაცაცია. ოლონდ არ იცის სად და როდის. მე მგონი, სოხუმიდან გამოსვლისას დაიღუპაო, მეუბნება.

ჩემზე უბედური კაცი აღარ არის ამ დუნიაზე.

ერთადერთი შვილი, ერთადერთი იმედი.

ჩემი აჩიკო...

იქნებ შენმა სიკვდილმა წამით მაინც ჩააფიქროს, შვილო, ის, ვინც ძმათა შორის სიკვდილს თესავს.

ვის ჰქონდა უფლება ჩემთვის ერთადერთი შვილი წაერთმია.

ქუთაისში გავფრინდით მე და ნათელა აჩიკოს ჩამოსასვენებლად.

თბილისიდან ოთარ ფაცაცია და ირაკლი მენაღარიშვილი გაგვყვნენ.

თვალეებში ვატყობდი ორივეს, რომ აჩიკო აღარ იყო ცოცხალი. დაჭრილიაო, ეუბნებოდნენ ჩემს ცოლს.

აჩიკო სოხუმიდან სასიკვდილოდ დაჭრილი ჩამოიყვანეს და ქუთაისში გარდაიცვალაო, ფაცაცია. 9/X — შაბათი, 93

ლამის პირველი საათია. სასტუმრო ოთახში ჩემი შვილი ყინულის საწოლში წევს.

თბილად მიმიღო. მეუღლის ჯან- მრთელობა მკითხა. უნდა გაუძლოთო. ხომ არაფერი გიჭირთო.

მადლობა მოვასხენე, ძალიანაც რომ გვიჭირდეს, თქვენ არ შეგანუხებთ, თქვენ ჩვენთვის სადა გცალიათ-მეთქი.

ვისაუბრეთ საქართველოს ბედზე... ვკითხე, ესენგეში შესვლის წინააღმდეგი გახლავართ, თქვენ ეს იცით-მეთქი.

გასაგებია, ეს შენი რწმენაა, რასაც ძალიან ვაფასებო. შენ ის კაცი არა ხარ, შენი შეხედულებანი კონიუნქტურაზე ააშენოვო.

თუ გქონდათ-მეთქი ჩამოსვლის დროს განზრახული ესენგეში შესვლა?

არაო. თუ დააკვირდები, ბევრი ვეცადე, არ შევსულიყავიო.

რუსებმა ორჯერ გამწირესო — ერთხელ სოხუმში, მეორედ, გამსახურდიას სამტრედია რომ ააღებინეს და თბილისისკენ მოჰყავდათო.

თბილისთან ძალაუფლებისთვის საშინელი ხოცვა-ჟლეტა გაიმართებოდა და მთელი საქართველი დაიღუპებოდაო.

თუ გაქვთ იმედი, რომ აფხაზეთს დავიბრუნებთ-მეთქი.

ადრე მეტი იმედი მქონდა, ამერიკაში ვიზიტმა ცოტა არ იყოს, შემაფიქრინაო.

არძინბა დასავლეთმა მხარედ აღიარა და არა საქართველოს შემადგენელი ტერიტორიის ექსტრემისტ ნარკომოდგენლად. ეს იმას ნიშნავს, რომ დიდი სიძნელეები გველისო.

თანაც, ახლა ელცინი ძალაუფლებას მთლიანად ვერ ფლობს, რუსეთი და ხაზბულატოვი ციხიდან მისი სურვილის წინააღმდეგ გამოუშვეს, პარლამენტი თვითნებობს, ასეთ შემთხვევაში, მე მგონი, წარმეული აფხაზეთის დაბრუნება გაგვიჭირდებაო.

თუ ასეა, თქვენ უნდა იზრუნოთ იმაზე, რომ თქვენი გვარი მაინც გადაარჩინოთ, თუ გინდათ აკცდეთ სერგო ორჯონიკიძის ხვედრი, თუ მარტის ბოლომდე ვერ დავიბრუნეთ აფხაზეთი, უნდა გადადგეთ და გააკეთოთ აღსარების მსგავსი განცხადება იმის შესახებ, თუ როგორ მოგატყუათ ვერაგმა რუსეთმა და როგორ დაიპყრო ამ საუკუნეში მეორედ საქართველო-მეთქი.

რეზო, შენ მართლა პრეზიდენტი ხომ არ გგონივარ. როცა მოისურვებს ამ კაბინეტიდან გამიყვანს რუსი და სადმე ხევში გადამაგდებაო.

გაფართოვებული, ნაღვლიანი თვალებით მიმზერდა.

ტკბილად გამომაცხილა. 22/III-29/IV 94

ვაკის პარკის გვერდით, ჩასასვლელთან, ქუჩას აჩიკოს სახელი მიანიჭეს. აჩიკოს სახელი მიანიჭეს მის მშობლიურ 54-ე სკოლასაც.

იქნება თბილისში არჩილ მიშველაძის სახელობის სკოლა და არჩილ მიშველაძის ქუჩა.

მეტი რა შეეძლო გაეკეთებინა ოცი წლის ბიჭს თავისი სამშობლოსთვის და თავისი თავისთვის.

სიცოცხლე მისცა სამშობლოს.

სამშობლო კი უბედური ბედის წყალობით კვლავ თავდაღმა მიექანება.

ოთხ ადგილას ვმუშაობ, რომ ლუკმაპური ვიშოვო და აჩიკოს საფლავის მომვლელ ქალს ორიოდე კაპიკი გადავუხადო.

მხოლოდ დიდვაჭრები და ბანდიტები ირჩენენ დღეს თავს საქართველოში.

21 აპრილს „შანსში“ ინტერვიუ მქონდა. კიდევ ერთხელ გავიმეორე: ნუ ვეძებთ ჩვენში მოლაღატეებს და ჩვენს თავში ომში დამარცხების მიზეზებს. დროა, ამ ომს თავისი ნამდვილი სახელი — რუსეთ-საქართველოს 1992-93 წლების ომი დავარქვათ-მეთქი.

ხელისუფლებას არ მოეწონა ჩემი ინტერვიუ. ვახტანგ რჩეულიშვილმა — არ გეთანხმებო. გიგა ლორთქიფანიძემ — შენი, ინტერვიუ რომ წავიკითხე — წნევამ ამინაო. დავანებოთ თავი რუსის გაღიზიანებას, თორემ უარესს ვგიზამსო.

29 აპრილს, პარლამენტში, დიდი შეხლა-შემოხლა, განევ-გამონევა გაიმართა. ნათაძემ რჩეულიშვილს „სიყვარულით“ ნაბიჭვარი უწოდა, რჩეულიშვილმა სახეში „ბორჯომი“ შეასხა.

შეფურთხებას „ბორჯომი“, რასაკვირველია, სჯობს.

30/IV-30/V 94

14 მაისს საქართველომ აფხაზეთთან ხელი მოაწერა ხელშეკრულებას, რომლის ძალითაც ენგურზე შეიქმნა ოცდაათკილომეტრიანი „სამშვიდობო“ ზონა. ამ ზონაში რუსის ჯარი ჩადგება. ამავე ხელშეკრულებით საქართველომ დალის ხეობიდან დაუყოვნებლივ უნდა გაიყვანოს პარტიზანული შენაერთები. ე.ი. „აფხაზეთის სვანეთიც“ გაიყვანა, მტერს ჩავაბარეთ.

რა შეიძლებოდა მომხდარიყო ამაზე უარესი?

თურქეთთან (სხვა სახელმწიფოსთან) ჩვენ გვაქვს ასმეტრიანი საზღვარი, ხოლო ევროპის სახელმწიფოებს ერთმანეთთან საზღვარი საერთოდ არა აქვთ. ჩვენ კი, დამპყრობელმა რუსეთმა აფხაზეთთან (ჩვენს მიწასთან) ოცდაათკილომეტრიანი საზღვარი დაგვიდო. ესე იგი, მთლიანად და სავსებით მოგვწყვიტა აფხაზეთი.

და ამ დამამცირებელ, კაპიტულანტურ ხელშეკრულებას ხელს ჩვენივე ხელისუფლება უწერს რუსეთს.

საქართველოში მაისში ორი ზეიმი ჩატარდა: 23-25 მაისს უნივერსიტეტის იუბილე, 26 მაისს — დამოუკიდებლობის 76 წლისთავი.

თუ უნივერსიტეტის იუბილეს, როგორც ცოდნის ტაძრის, ეროვნული ინტელიგენციის აღმზრდელი დაწესებულების ზეიმს, კიდევ აქვს რაღაც გამართლება, 26 მაისს თავისუფლების მოედანზე დამარცხებული ჯარის პარადის გამართვა ყოვლად გაუმართლებელია.

ტრიბუნაზე კომუნისტურად, ყელმოღერებით მდგარი ბელადები — გამარჯვებულის იერით მდგარი შევარდნაძე და გოგუაძე დამშეულ, კუპონით გაუბედურებულ ხალხს ხელი-სანკით ესალმებოდნენ.

რას ვზეიმობთ? დამოუკიდებლობის დაკარგვას? 30 ათასი ბიჭის წართმეულ სიცოცხლეს? 300 ათასი უსახლკარო ქართველის სიბეჩავეს თუ წაგლეჯილ 25 ათას კვადრატულ კილომეტრს?

სიბრაზისგან გული კინაღამ გამისკდა, ტელევიზორში პარადს რომ ვუცქეროდი.

25 მაისს საერთაშორისო სიმპოზიუმზე მოხსენებით გამოვედი. ვისაუბრე

იმაზე, თუ როგორ „სძულდათ საუკეთესო ქართველ მწერლებს დამპყრობელი რუსეთის იმპერია. ბოლოს სხვადასხვა ქვეყნიდან ჩამოსულ მეცნიერებს შენიშვნის სახით მოვასხენე — რატომ გაიმეორეს თქვენმა ქვეყნებმა 1921 წლის შეცდომა, რატომ მოხდა, რომ დასავლეთმა და ამერიკამ ერთი საპროტესტო ნოტაც კი არ გაუგზავნეს რუსეთს, რომელმაც ასე უმონყალოდ ფეხქვეშ გათელა-მეთქი საქართველო 1992-93 წლების რუსეთ-საქართველოს ომში-მეთქი.

თავები ჩაქინდრეს. ერთმა „ფხიზელმა“ ლიტერატორმა პროტესტი გამოთქვა ჩემი მოხსენების პოლიტიკური მიმართულების გამო.

შესვენების შემდეგ შევარჩერე დერეფანში — მე მამამშენს — ელიზბარ უბილავას და შენს მეუღლეს ნიკა ანდრონიკაშვილს პატივს ვცემ და როგორ ვნანობ, რომ ასეთი შეზღუდული გონების „ლიტერატურათმცოდნე“ ყოფილხარ-მეთქი.

1/VI-22/VI 94
მამუკა ნიკლაურმა და მე მუხათწყაროში ღარიბულ სუფრასთან შუალამემდე ვისაუბრეთ.

ჯიუტი ერთგულება დასახული მიზნისადმი. შეუპოვრობა ერის მოლაღატეებისადმი, მათი დაუმორჩილებლობა რუსული ალიკაპის მიმართ — ახლა ესაა მთავარი.

თავიდანვე რომ სწორი პოზიცია დაეჭირა დასავლეთის მიმართ ზვიადს, ალბათ, რუსეთი ასე უტიფრად და უღმობლად ვერ გაბედავდა ჩვენს დასჯას.

აჩიკოზე მშვენიერი ლექსები დანერგეს ჯანო ჯანელიძემ და აკაკი გენაძემ.

სკოლამ (54-ე) და ინსტიტუტმა (აჩიკო უნივერსიტეტთან ერთად ფიზკულტურის ინსტიტუტშიც სწავლობდა) ხსოვნის საღამოები გაუმართეს ჩემს გმირ შვილს.

ლევან სანიკიძე, შოთა ნიშნიანიძე და მე ვესწრებოდით. ბევრი ვიტყვი. უჭირს საქართველოს.

მატყუარა ხელისუფლება ხელს არ ანძრევს, ქვეყანა სიდუხჭირისგან რომ იხსნას. ოთხ ინსტიტუტში ვკითხულობ ლექციებს, რომ ორი კაპიკი ვიშოვო და ოჯახი გამოვკვებო.

ჩვენი თავი ჯანდაბას, ოჯახის ახალ წევრს, შიო მიშველაძეს (უკვე 5 წლისაა), რომ მოშივდეს, სირცხვილით დავინვები.

დიდი იმედით შეჰყურებს თავის „მწერალ ბაბუას“ შიო.

რუსეთი კვლავ დაგვცინის. ენგურთან თავის სახლში დასაბრუნებელი ქართველების გადარჩევა დაიწყეს.

აფსუს! 23/VI—20/VII 94

19 ივლისს მორის ფოცხიშვილის გარდაცვალების წლისთავი იყო.

ახალგაზრდა მსახიობებმა რუსთაველის თეატრში მორისის პოეზიის საღამო გამართეს.

შოთა ნიშნიანიძე და მე ერთად წავედით.

დუღდა და მქუხარებდა სცენაზე მორისის პოეზია.

ბევრი ლექსი, თითქოსდა, დღევანდელი დღისთვის — დღევანდელ დღეზე იყო დაწერილი.

ერთ ლექსში ბრალს სდებდა ერის მოლაღატე ქართველს, რომელმაც ისევ დათვს ჩაუგდო ხელში საქართველო.

პირდაპირ ზედგამოჭრილი იყო...

მაყურებელმაც იგრძნო ეს. დარბაზში ტაშმა იგრიალა. ფეხზე წამომდგარნი უკრავდნენ ტაშს მორისს და მსახიობებს.

20/VII-20/VIII 94
ინურება ეს ზაფხულიც.

კიდევ ერთი მწუხარე ზაფხული საქართველოსთვის.

საქართველოს მთავარი პრობლემა ისევ გადაუწყვეტელია.

„სამშვიდობო ძალებმა“ კიდევ ერთხელ მწარედ მოგვატყუეს.

უფრო სწორად, მოატყუეს შევარდნაძე, მე თავიდანვე ვიცოდი, რა სამშვიდობო ძალებს გამოგვიგზავნიდა რუსეთი.

ალბა აქვს საზღვარი საქართველოს დამცირებას.

რუსის ჯარისკაცებმა მავთულხლართები გაავლეს ზუგდიდის გასწვრივ. აფხაზეთი საბოლოოდ მოსწყვიტეს საქართველოს.

19 აგვისტოს ათი ათასამდე ქალ-ბავშვი მშვიდობიანი მსვლელობით აპირებდა გალში, თავის სახლებში დაბრუნებას.

რუსმა ჯარისკაცებმა ისინი კონდახებისა და პანღურის ცემით უკან გამოაბრუნეს.

რა საშინელებაა უღონობისა და უილაჯობის განცდა.

ახლახან ტვინში სისხლი ჩაექცა საქართველოს უბედურების გადამკიდეს — გრიგოლ აბაშიძეს.

სიონიდან გამოვასვენეთ.

რატომ მწერალთა კავშირიდან არ უნდა გამოვასვენოთ-მეთქი, ამით ხომ მწერალთა კავშირის მნიშვნელობა მცირდება, რომელი ეპისკოპოსი ან ბლალოჩინი იყო-მეთქი გრიგოლ აბაშიძე, მწერალთა კავშირის ბიბლიოთეკაში ჩემთვის ჩავილაპარაკე, იქ იმ დროს ერთი სუკის აგენტი მწერალი იჯდა, და ეს საკმარისი აღმოჩნდა იმისთვის, რომ „საქართველოს რესპუბლიკაში“ გრიგოლ აბაშიძის ნეკროლოგიისათვის ჩემი გვარი არ მიენერათ. არა და — ბ-ნი გრიგოლი უსაზღვროდ მიყვარს და კარგი მეგობრებიც გახლდით.

მაგრამ ეს არაფერი.

მე საქართველოს დარდი მკლავს. რა ბედნიერია ჩემი აჩიკო, რომ რუსის მიერ (და რუსის დაქირავებულ ქართველთა მიერ) საქართველოს განადგურებას ვერ მოესწრო.

იმპერიის აღორძინება იმაშიც ჩანს, რომ თითქმის ყველა თანამდებობაზე (რაიონებშიც გამგებლად) ყოფილი პარტიული ფუნქციონერები დასვენეს.

რუსთან, ზუგდიდთან სხედან ლტოლვილები, მოშიმშილეები და მოთქვამენ — დააბრუნონ თავიანთი სახლებში.

აფხაზეთის იარაღით დაბრუნების ილუზია გაქრა. ახლა იქ რუსის მრისხანე ჯარი დგას საქართველოს ხელისუფლების მიერ მონვეული და ხელდასხმული.

ბოლომდე გაიყვანა საქართველო.

ახლა, სანამ ეროვნული ძარღვი კიდევ ფეთქავს, სასწრაფოდ უნდა შეიკრიბოს პარლამენტი და სასწრაფოდ უნდა გაუქმდეს 14 მაისის ხელშეკრულება, გაყვანილ უნდა იქნან რუსის „სამშვიდობო ძალები“ საქართველოს ტერიტორიიდან.

რუსეთის ანექსიას ჩვენ მაინც ნუ დავეთანხმებით.



თინათინ ჭედია

ფენის, ინდივიდის ისტორიის დაუ-
ვინყარი, უმნიშვნელოვანესი პერი-
ოდების დამფიქსირებელია, რომელ-
საც ზედ ერთვის მწერლის გემოვნება,
ცოდნა, ანალიტიკური, ორიგინალ-
ური აზროვნება, ფანტაზიის უნარი,
ნიჭიერება. წამთან პირისპირ დად-
გომა და მისი შეჩერება არაა ადვილი
საქმე. თავად ბატონ რეზოს სიტყვებს
გავიმეორებ, შესაძლოა ნოველის
სამოცდაათი პროცენტი ნაკითხული
გქონდეს და ვერა და ვერ ხვდებოდე,
რაგვარად შეიძლება, რომ დასრულ-

ვარს მოსული თოვლი აღიქმებოდეს
მოულოდნელ მოვლენად და რუსმა
ყოველნაირი სინდისის ქეჯნის გა-
რეშე დენი და გაზი არ გამოუშვას შენ-
სკენ შუა ზამთარში მხოლოდ იმიტომ,
რომ შენი სამშობლოს პრეზიდენტი
შვეიცარიასშია სასრილოდ გამგზა-
ვრებული და არავინ დაუტოვებია
პასუხისმგებლად პრობლემის მო-
საგვარებლად. ამიტომ ახალგაზ-
რდა და სიმპატიური პრეზიდენტი
თვალცრემლიანი ბრუნდება, აბა,
ხალხს ხომ არ მიატოვებს გასაჭირ-

ჩვენ არ გვიყვარს იუდა, რომელ-
მაც მაცხოვარს ამბორით ულა-
ლატა, მაგრამ ბატონი რეზოს ამ მე-
ტად საინტერესო ნოველაში იუდა
გამართლებულია. სახალხოდ და
საყოველთაოდ ისე გამოჩნდა, რომ
მოლაღატე და უფლის გამწირველია,
მაგრამ ის კაიაფამ მოატყუა, თავად
იუდას გულში ლალატი ფიქრადაც არ
გაუვლია. კაიაფამ დაარწმუნა, რომ
ქრისტეს შეპყრობა ქრისტესავე გან-
სადიდებლად უნდა განხორციელე-
ლიყო და იუდაც გაბრიყვდა. კაიაფამ
იუდასთვის სინედრონს ოცდაათი
ვერცხლი გამოაყოფინა, ვინაიდან
იუდა ხელმოკლედ ცხოვრობდა, ამ-
იტომ ფული ხელებში შეაჩერეს და
გამოუშვეს. დაპირებისამებრ, იუდამ
აკოცა უფალს, რომელიც შეიპყრეს,
ჯვარზე გააკრეს, წამებით მოკლეს.
გამწარებული იუდა მივიდა გაიძვერა
„მნიგნობართან“ და მოახსენა, „დაი-
ბრუნე ჩემი ამბორის საფასური, რა
დაგიშავე, რომ ასე გამწირე, კაიაფა!“
მაგრამ გვიანი აღმოჩნდა იმ ოცდაათი
ვერცხლის დაბრუნება. კაიაფამ იუ-
დას უთხრა, რომ თავადაც მოტყუე-
ბულია... მერე, რაც იუდამ თავის თავს
გაუკეთა, თქვენც იცით!

ნოველა და ნოველისტი

ბატონმა რევაზ მიშველაძემ თავისი
წიგნი მაჩუქა, რომელშიც ოცდათხ-
უთმეტი ნოველაა შეტანილი, წიგნს
ქვია „წარღვნა“. წიგნი დაჭმუჭნუ-
ლია, არ ვიცი რატომ და მუხლებზე
რომ დავიდე, გადავშალე და კითხვა
დავიწყე, წიგნის სუნთქვის ხმა გავ-
იგონე. სხვა დროს წიგნის სუნთქვა
არასდროს ჩამსმენია, მაგიურ წიგნად
აღვიქვი და შევუდექი რიგით პირვე-
ლი ნოველის გაცნობას, რომელსაც
ასევე „წარღვნა“ ქვია. მივყევი, მი-
ვყევი და გული ბატონი რეზოს ხმითა
და დიქციით ამიმეტყველდა.

აი, დავხურე მაგიური წიგნი. სათი-
თაოდ ნოველას გაანალიზება-განხ-
ილვა შედარებით ადვილია, ვიდრე
ყველაზე ერთად წერა, დამეთანხ-
მებით, მაგრამ სანამ ამ შესანიშნავი
წიგნის შესახებ მოგახსენებდეთ, გა-
ვიხსენოთ, რა არის თავად ნოველა.

როცა წამდვილ, კარგ ნოველას
ვკითხულობ, თვალწინ დამიდგება
ულამაზესი მელია, ღუნღულა კუდით,
მოქნილი სხეულით და დაცქვეტილი
ყურებით, ვინაიდან ნოველა უნდა
იყოს მოქნილი თავისი ნატურით, ამ-
იტომ ძნელად დასაწერი, ის თავისი
ფორმატით მცირე ასპარეზს გთავა-
ზობს. ნოველა ესაა წამი, გაელვება
ადამიანის, კონკრეტული ქვეყნის თუ
კაცობრიობის ცხოვრებიდან. ნოველა
ეპიზოდია, რომელსაც შევადარებდი
იმპრესიონისტ მხატვართა შემოქ-
მედებს, სადაც მრავალი მკვეთრი
ფერი ლიევივებს, შევადარებდი ფო-
ტოგრაფიულ ხელოვნებასაც, შავ-
თეთრ ფოტოს და ფერადსაც, რომე-
ლიც ასახავს და აფიქსირებს მხოლოდ
მნიშვნელოვანს, თუნდაც ადამიანის
პორტრეტი იყოს, კარგი ფოტოგრა-
ფი ისე გაჩვენებს სახეს, სადაც ყურ-
ადლებას შენდაუნებურად მთავარ
შტრიხებზე გაამახვილებ. ნოველა
ადამიანის მიერ განვლილი ცხოვრე-
ბის გზიდან ამოგლეჯილი მნიშვნელო-
ვანი მომენტია, ნოველა აფიქსირებს
კაშკაშა ან შავბნელ გაელვებას წარ-
სულიდან ან ანმყოფად. ნოველისტის
კალამი კაცობრიობის, კონკრეტული
ქვეყნის, საზოგადოების გარკვეული

დეს. ოსტატის ხელით დაწერილ
ნოველას შეუძლია მკითხველის შოკ-
ში ჩაგდება მოულოდნელი დასასრუ-
ლის გამო, თანაც მწერალმა „გრძელი
სიტყვა მოკლედ ითქმის“ პრინციპ-
ით უნდა მიიტანოს მკითხველამდე
სათქმელი. ნოველას მკაცრი კანონე-
ბი აქვს და წესებს თუ არ მისდიე, მის
შექმნას ვერ მოახერხებ.

რევაზ მიშველაძე დიდი კაცია,
ასაკით, ცხოვრებისეული გამოც-
დილებით, ღვანლით. მის ნოველებში
ასახულია საქართველოს ცხოვრების
სხვადასხვა მნიშვნელოვანი პერიოდი.
მისი შემოქმედება მკვეთრად ქართუ-
ლია, მაგრამ საქართველო მსოფლი-
ოს ნაწილია, თავისებურად ხიბლიანი,
მრავალფეროვანი. მაგალითად, ესაა
ქვეყანა, სადაც ჯანდაცვის მინისტ-
რი ტელევიზიით ხალხს ამცნობს,
უახლოეს თვეებში ქათმის გრიპის-
გან ყოველი მესამე დაიღუპებით.
სხვა, ნორმალურ ქვეყანაში რომ გა-
მოეცხადებინათ მსგავსი რამ, ქუჩებს
შიშით აგნიასებული ხალხის ხმაუ-
რი წაღეკავდა. საქართველოში კი
ამ განცხადებას არანაირი პანიკა არ
გამოუწვევია. მხოლოდ აქ, ჩვენთა-
ნაა შესაძლებელი პოეტს ბულბულს,
უგვირგვინო მეფეს უწოდებდნენ,
სიყვარულს ფეიცებოდნენ, იუბილეს
უნყოფდნენ და მერე მისი შინ წაყვანა
ავიწყდებოდეთ ან შეეძლოთ იუბილის
დამთავრების შემდგომ გაძარცვონ,
დააყაჩაღონ... აქაა შესაძლებელი იყო
აღიარებული, ცნობილი, კარგი მუშა-
კი და მაინც მშვიერი დაიარებოდე. თუ
აქამდე გაუგონარი იდეა დაგებადა,
გაახმოვანე და ამხანაგების გვერდში
დგომა გჭირდება და თანამოაზრეების
გამოჩენა, ახალი მეგობრების შექმნა,
ჩანაფიქრის განსახორციელებლად,
არვინ გაგეკარება, დაგცინებენ ზუ-
რგუსკან ან გიჟად გამოგაცხადებენ.
საქმეს წამოიწყებ რაიმეს სარფიანს,
ყველასათვის სახეიროს და დაგესე-
ვიან თავისდა სასარგებლოდ, შენს
ხარჯზე ასაშენებლად, უშრომელად
ფული რომ იშოვონ. მხოლოდ საქა-
რთველოშია შესაძლებელი 25 იან-

ში?! მაგრამ ზამთარში რომ ადამი-
ანებს ერთი თვით უპურ-გაზ-უშუქოდ
დაარჩენ, ამას არავინ გაპატიებს და
ჩათვალე, რომ უკვე დამთავრებულია
ასეთი მეთაურის პრეზიდენტობის ის-
ტორია. ამ ქვეყანაშია შესაძლებელი,
დღისით, მზისით, გენიოსი პოეტი საა-
ვადმყოფოს ფანჯრის რაფიდან გად-
მოფრინდეს და მიწას დაენარცხოს.
ამ ქვეყანაში შესაძლებელია მოხდეს
ის, რომ უნივერსიტეტის პროფე-
სორმა, ლექტორმა, აუდიტორიდან
გამოსვლისთანავე ჯიბიდან ნახევარ-
ლიტრიანი ბოთლი ამოიღოს და შიგ
ჩასხმული ნაფთი გადაისხას, მერე
კი ასანთს გაჰკრას, რომ ცოცხლად
ამოიბუგოს, მაგრამ ვერ მოკვდეს,
ვინაიდან სტუდენტი გადაარჩენს,
შემდგომ, საავადმყოფოში მწოლი-
არეზე ექიმები იტყვიან კლიმაქსი აქვ-
სო, კიდევ დააბრალებენ, რასაც ზედ
წევროზიც დაემატაო და ის ქნა, რაც
სახეზეაო. აქ სახელოვანი მშობლის
შვილობა, მეტადრე თუ ის ბელად-
იც იყო და სახელმწიფოს თავგან-
წირული წინამძღოლი, ასეთი კაცის
შვილობა სასჯელი უფროა ვიდრე
საამაყო. არავინ პატივს არ გცემს,
მეტიც, მაგალითად, იოსებ სტალინის
ქალიშვილს მუშაობის უფლებას არ
აძლევენ, არც რაიმე გასაქანს და პა-
ტიმარივით აცხოვრებენ.

ამ წიგნში ბიბლიურ ამბებსაც გა-
დაეყრებით, რაც უკვე ნაკითხული
გვაქვს ახალ აღთქმაში და ვიცით, მა-
გრამ ბატონი რეზოს ნოველაში ამბა-
ვი სხვა რაკურსითაა გადმოცემული
ანუ ნაცნობი სურათი ნაჩვენებია სხ-
ვაგვარად. ყველამ ვიცით, რომ იესო
იერუსალიმს ვირით შევიდა, მაგრამ
არცერთ ჩვენგანს არ გვიფიქრია იმ
ბიბლიურ ვირზე, რომლის ზურგზეც
მაცხოვარი იჯდა, აი, ნოველაში, რო-
მელსაც „ვირი“ ქვია, გაიგებთ თუ რო-
გორ მოიპოვა უფალმა ეს სახედარი,
ვისი საკუთრება იყო და მაინცდა-
მაინც დედა ვირი რატომ ამოარჩია,
რომელსაც კუნტრუშით ახლომახლო
თავისივე პირმშო მოსდევდა.

მწერალი თავისი შემოქმედებით
გვახსენებს 90-იან წლებს, აი, მხე-
დრონელობა რომ იყო, ქურდობა
და ყაჩაღობა რომ ყვაოდა. მართლა
როგორი საშინელი განუკითხაობა
ბატონობდა. დღისით თუ მანქანას
ქუჩაში არ წაგართმევდნენ, ღამით
მოგპარავდნენ პირდაპირ გარაჟიდან
და ერთ პერსონაჟს, რომელსაც მსუბ-
უქი მანქანები უყვარდა და ვოლგის
შესაძენად დიდხანს ფულს აგროვებ-
და და რიგშიც ორჯერ დგომამ მოუ-
წია და როცა უნდა შეეძინა მანქანა
ფული არ ეყო, მაგრამ მაინც მოახ-
ერხა და იყიდა, მერე მას, როგორც
ცოცხალ არსებას ესათუებოდა,
უვლიდა, მისი ტარებაც კი ენანებო-
და და ასეთ კაცს, სიმწრით შექმნილ
ბორდოსფერ „ვოლგას“ რომ მოპარავ,
თანაც ბორბლებდახსნილს და ქვეზე
შეყენებულს, დილით მანქანის ადგ-
ილას მხოლოდ ოთხი უზარმაზარი
ქვა რომ დაგვხვდება, გაგიჟდები ან
გული გაგისკდება. ჰო, და გაუსკდა
ის ერთი გული იმ ადამიანს. აი, ამგ-
ვარ დროებაშიც უცხოვრიათ ქართ-
ველებს. ბატონი რეზო ნოველებში
ყურადღებას ამახვილებს მეტად საჭ-
ირბოროტო თემაზე, როცა ადამიანი
თავს ზედმეტად გრძნობს თავის ქა-
ლაქში, სოფელში, სამშობლოში, არა-
და, ამ დროს საჭირო და სასარგებლო
პიროვნებაა და აფასებენ თანამემამ-
ულეები? პასუხია: - არა!

მწერალი გვიხსნის, რატომაა შეუ-
ძლებელი, რომ ქარავანს არ აყვე და
თეთრი ყვავის მდგომარეობაში არ
აღმოჩნდე. ბატონი რეზოს კეთილი
ზნე უკეთ მაშინ იცნობა, როცა ის
ადამიანურ, სასიამოვნო გრძნობებს

ეხება, განსაკუთრებით ქალისა და მამაკაცის ურთიერთობებს. დაშვებული შეცდომების გამო ადამიანებს არ კიცხავს, პირიქით, ამართლებს. ზოგჯერ ჩადენილი შეცდომა ხავსჩაჭიდულობაა, იმედია, სიხარულია, ნუგეშია, სიცოცხლისკენ შემობრუნებაა. არის მომენტი, როცა კაცი ცოლს ლალატობს უნებლიეთ და პირიქითაც ხდება ხანდისხან, ქალიც გაიხედავს სხვისკენ, მაგრამ ეს არ ნიშნავს ცოდვილობას. თუ ერთ ჭერქვეშ ნორმალური ქალი და მამაკაცი ანდამატივით იზიდავენ ერთმანეთს, მოსახდენი უნდა მოხდეს და დასძენს, იმ ქალისა და კაცის ჩახუტებაზე ფიქრს გვიჯობს წარღვნაზე ვიფიქროთო. წარღვნას ყველა კითხვაზე აქვს პასუხი მომზადებული!


ბატონი რეზოს ნოველებში ყველა წეს-კანონი დაცულია, ამიტომაცაა ის სიცოცხლეშივე კლასიკოს მწერლად აღიარებული, რომელიც მცირე მასშტაბის ფარგლებში თავის სათქმელ-სატყვიარსა თუ სიხარულს სრულად, უნაკლოდ და მოქნილად გვეუბნება, მკითხველის სულის სიმებს ეხება, მაგრამ ამ ადამიანის ნიჭიერება ზღვარსაა გადასული, ვინაიდან სძალუძს ნოველის კანონებიც დაარღვიოს და ნაწარმოები მაინც ნოველად დაარჩინოს. მან, როგორც მწერალმა ერთ ნოველაში აკაკი წერეთლის მთელი ცხოვრება ხელის გულზე დაგვიდო, ბოლოს მოაკვდინა კიდეც, ვინაიდან ისიც ადამიანი იყო და პოეტის სიცოცხლესაც ერთხელაც ერთი დიდი შავი წერტილი ესმება, მაგრამ რა გინდა რომ თქვა, „სავალალო ამბავი“ არის ნოველა და არა მოთხრობა. ბატონმა რეზომ შთამბეჭდავად მოგვითხრო გალაკტიონის გარდაცვალების კი არა, მართლა სიკვდილის შესახებ, რომელიც სავადმყოფოს ფანჯრიდან გადმოფრინდა და ამგვარად დაასრულა სიცოცხლე, წაიკითხავთ და საშინელი სინანული დაგეუფლებათ ამის გამო. ბატონმა რეზომ ტერენტი გრანელზეც შექმნა ასე ვიტყვოდი, პიეს-ნოველა, ლიბრეტო პანტომიმის თეატრისთვის, რომელიც სამი სურათისგან შედგება. შეგასხენებთ, რომ ლიბრეტო იტალიური წარმომავლობის სიტყვაა და ნიშნავს წიგნაკს. მთავარი პერსონაჟები ამ ნოველაში არიან ტერენტი, მარო მაცაშვილი და ყვავილი მიხაკი.

მარო მაცაშვილსაც ქონდა უბის წიგნაკი, რომელშიც ჩანანერებს აკეთებდა, თავადის ქალი იყო, განათლებული, ღირსეული, მჭერმეტყველი, მწერალ კონსტანტინეს, მწერალთა კავშირის ერთ-ერთი დამფუძნებლის ასული და ასევე მწერალი ქალის, ეკატერინე გაბაშვილის შვილიშვილი (დედის მხრიდან). მიუხედავად იმისა, რომ უნივერსიტეტის სიბრძნის-

მეტყველების ფაკულტეტის კურსდამთავრებული იყო, განწვიანდა წითელი ჯვრის ორგანიზაციაში და მედდად იქცა, ასე სჯობდა მისთვის, სამშობლოს უკეთ რომ დახმარებოდა, ფრონტზე წავიდა ქართველი იუნკრებს გვერდით დაუდგა, მაგრამ რუსებმა სასიკვდილოდ დაჭრეს კეფაში და ის იქცა სამშობლოს დამოუკიდებლობისთვის ბრძოლის დროს პირველ მსხვერპლ ქალად, ქართველ ჟანა დარკად. მაროსა და ტერენტის სულები დაკავშირებული არიან ამ ნოველაში.

ბატონი რეზო წუხს იმის გამო, რომ საქართველოში მხატვრული ლიტერატურის მკითხველთა რაოდენობა მცირეა, და თუ ქვეყანაში მკითხველი თითქმის აღარ გყავს მხოლოდ მწერლების ბრალი არაა. საერთოდ დედამიწაზე შემცირებული მკითხველთა რაოდენობა და თავი და თავი ჩვენი უნიგნურებად ქცევისა არის ის, რომ ჩვენ, ქართველები გალახულები ვართ, დაჩოქილები, დამარცხებული სინდრომი გვთრგუნავს და იმედს გვაცლის. წელში გვტეხს სამარცხვინო ახლო წარსული და აწმყო უპატიო გამოქცევები აფხაზეთ-სამაჩაბლოდან და დავამატებ, აწმყოში ზღვარსგადასული ემიგრანტობაც. გულს მიძგერებს ბატონი რეზოს ნოველებში გამოხატული მგზნებარება, რომელიც მაიძულებს მახსოვდეს ვისი შთამომავალი ვარ, ვისი და მღვდელი თევდორესი, სამასი არაგველის, ცოტნე დადიანის, მეფე დავითისა, მეფე თამარისა და ზოგადად სახელოვანი წინაპრებისა, რომლებმაც შექმნეს სახელმწიფო ქართული, თავისებური პოლიტიკით, კულტურით, რელიგიით, დროებით, ენით და ყველასგან განსხვავებული ანბანით, თანაც სამი გვაქვს, გახსენდებათ რომელიმე სხვა ერი, რომელსაც სამი ანბანი ქონდეს? მე პირადად არა და ამიტომ არ გვეკადრება აწმყოში დადგენილება, არც ქვეყნის მიტოვება და უკეთეს ადგილას გადახვეწა.

რევაზ მიშველაძის შემოქმედებაში ასახულია ქვეყნის ცხოვრების სხვადასხვა ეპიზოდები. ფაშისტური გერმანიის საკონცენტრაციო ბანაკებში მომხდარ ამბავსაც წაიკითხავთ ამ წიგნში (ყველაზე სასტიკი, უზარმაზარი სიკვდილის ქარხანა რომ იყო დედამიწის ზურგზე), რომლებიდანაც უმეტესობა ცოცხალი ვერ გამოვიდა და ვინც იქ სიკვდილს გადაურჩა, სამუდამოდ დახიბრებული და სულიერად ტრავმირებული დარჩა, რომლებმაც პანა ხანს იხანხალეს და წამებულები გავიდნენ ამ წუთისოფლიდან. იმნაირი ერთ-ერთი ბანაკიდან თერთმეტი ქართველი ტყვე გაიპარა, მაგრამ ზონიდან ვერ



გააღწიეს. იპოვეს გერმანელებმა, დახვრეტა მიუსაჯეს და ერთად შეყარეს კამერაში და იქ ქართველები ამღერდნენ და მრავალხმიანი ქართულით გადარიეს ფაშისტები. ერთ-ერთ ტყვეს მხსნელად ბანაკის ექიმი ოტო შვარცი მოევიღინა და ის ქართველი თავისი საქციელით ცოტნე დადიანს მიემსგავსა. მაღლობა გადაუხადა ექიმს, მაგრამ სიცოცხლეს ვერ ვიჩუქებ, როცა ჩემი ათი ამხანაგი ხვალ დილით დაიხვრიტებაო. ცოტნე დადიანის ამბავით კეთილად არ დასრულებულა ეს ისტორია, თერთმეტივე დილით სიცოცხლეს გამოასალმეს.

ბატონ რეზოს შეცნობილი აქვს თავისი ერის სული, მუხტი, ენერგია, პოტენციალი და მძაფრად შეიგრძნობს თავის გენს, ამიტომ, ძალზედ ძველი ამბების ნოველებად ქცევაც ხელეწიფება. შეუძლია ძველ საუკუნეებშიც გვამოგზაუროს და ჩვენი წინაპრების ყოფა დაგვანახოს, მაგალითად მე-17 საუკუნის კოლხეთში ცუდი ვითარება ყოფილა იმ მხრივ, რომ თურქეთიდან შემოპარული თულები იტაცებდნენ მეგრელებს, მეტადრე ქალებსა და ბავშვებს, შემდგომ სტამბულის ბა-

ზარზე ყიდდნენ, რაც იყო ქვეყნის დასუსტების ერთ-ერთი უმძლავრესი მიზეზი.

ღმერთო ჩემო, კიდეც რამდენი რამის თქმა მსურს ჩვენს, საქართველოს შვილ ბატონ რევაზ მიშველაძეზე, მაგრამ ამჟამად აქ შევჩერდები, ვინაიდან, წერა რომ გავაგრძელო ეს წერილი რეცენზია ველარ იქნება, რეცენზიასაც თავისი წეს-კანონები და ჩარჩოები გააჩნია... თქვენის ნებართვით ერთსაც ვიტყვი, ბატონი რეზო ბავშვების მწერალიც რომაა, მათთვის ზღაპარ-ნოველები შექმნა სიკეთის ქვაზე და ძალღ ბომბორაზე, რომელიც ჯაჭვით ეზოში დააბეს პატრონებმა, მაგრამ ღვთის ნებით, მან ჟაჭვთან ერთად ტყვეობას თავი დააღწია, ტყვეში გაიქცა და იქ ბალახიჭამია ცხოველებს დახმარება გაუწია, რომლებმაც გაჭირვებაში არ მიატოვეს კეთილი ბომბორა, პატრონებმაც იპოვეს, შინ წაიყვანეს, აკოცეს, მოეფერნენ და მას მერე აღარც დაუბამთ.

ბატონო რეზო, გილოცავთ ჯემალ აჯიაშვილის პრემიის ლაურეატობას. გილოცავთ, თქვენს სულში უბერებელი სიჭაბუკის, მზე ჭაბუკის მსგავსის სახლობას.



მიმოზა ცანავა

შენ ხარ, მამულო!

მზე, როგორც სიცოცხლის წყაროა,
მაცოცხლებელი, შენ ხარ, მამულო!
როგორც რუსთველს უკვდავი წიგნი,
გზის გამკვალავი შენ ხარ, მამულო!

ვერც პირფერობით, ვერც მახვილით,
ველარც მუქარით
ცელარ წაგართვეს ქართული ენა!
დგახარ ამასი, ვით მზის ტაძარი,

ჩვენ ვართ საქართველო!

ლაფში ამოსვრილა კაცის ღირსება,
ვიღაცას ვიღაცის იმედი უქრება,
შენ ხარ საქართველო, მე ვარ საქართველო,

სამშობლო

სამშობლო ერთია, ერთადერთი,
ოდეს მოფარფატე არნივულად,
ტოტებაჩეხილი, სულთმბორგავი,

ჩემი ცის მადლის მჯერაო!

„ჩონგური საქართველოა,
სიმები ჩვენ ვართ ყველაო!“
აკაკი

გულ-ღვიძლი მენვის, მამულო,
თავს გვესხმის ტურა-მელაო,
ვისაც კი ხელენიფება,
გვწენავს და გვწენავს ყველაო..

სამშობლო

მნგრეველი ხო ბევრი გყავდა,
სამშობლოვ ტანჯულო, წვა ხარ,
შენ ერთი ხარ, ერთადერთი,

ხეცენზია

მართალია, გური ოტობაიასთან სატელეფონო საუბრების მიხედვით ვიცოდით, რომ ის დიდი ხანია ეპიკურ პოემაზე მუშაობდა, მაგრამ ვერაფრით წარმოვიდგენდი, ამხელა მოცულობისა და სიღრმის ნაწარმოების გასრულებას თუ ვინმე მოახერხებდა დღევანდელ საქართველოში. ეპოსმა ხომ თითქოს ამოწურა თავისი თავი და ადგილი დაუთმო ე. წ. ლირიკულს.

ჰენრი ლონგფელოს (1807-1882) „სიმღერა ჰაიავათაზე“ (ინლისურიდან თარგმნა ოთარ ჭილაძემ) ეპოსის ბილო აკორდების ნათელი გამოხატულებაა. ცნობილმა ამერიკელმა პოეტმა ინდიელთა ტომების ლეგენდები ერთ ციკლად შეკრა და მთავარი გმირის, ჰაიავათას გარშემო გააერთიანა. მასში განსაკუთრებით მზეჭდავადაა გადმოცემული კაცობრიობის ისტორია, ადამიანის უმაღლესი ზნეობრივი ფასეულობები: კაცთმოყვარეობა, სიკეთე და მეგობრობა. თუმცა ლონგფელო მანაც მეცხრამეტე საუკუნეა, როცა ეპოსი ჩვემშიც ამაღლებულ პოეტურ ძეგლებს ქმნიდა: აკაკის „გამზრდელი“, ვაჟას: „სტუმარ-მასპინძელი“, „აღუდა ქეთელაური“, „გველისმსახელი“. ეპოსმა უკანასკნელად მოცე საუკუნეში მოიქცნა ნვალები კუდი და სამუდამოდ მიჩუმდა თითქოს. ესენია: გალაკტიონის მონუმენტური „მშვიდობის წიგნი“, ოთარ ჭელაიძის „ჩემი მაგნიტური არე“ (1969), შოთა ნინიათიძის „აქილევსის ქუსლი და ფარი“ (1971), თუმცა, როგორც მოსალოდნელი იყო, ისინი ვერ შევდგნენ ტრადიციულ სიმაღლეებს. მალე ეპიკურმა ლექსმა ინტონაცია შეიცვალა: ოთარ ჭილაძის: „თიხის სამი ფორფიტა“, „ადამიანი გაზრდის სვეტი“, „სინათლის წელიწადი“, ტარიელ ჭანტურას „ორი ნაპირი“, ბესიკ ხარანაულის „ხეიბარი თოჯინა“, ლია სტურუას „წრემი“. აქ პოეტურ ტილოებში განსვლილებასთან ერთად შეცვლილა პოეტური ინვესტარი, ისინი უმეტესწილად ვერლობრით, თეთრი ლექსით გადაუმსციემენ სათქმელს.

ამ დროს გური ოტობაია ჯოჯოხად რუსთაველის შაირისა და 14-მარცვლიანი ბესიკურის ნაცვად გაზს. დისტანციურად უყურებს ელიოტის „უნაყოფო მიონას“, ეზრა პაუნდის „ბიზის კანტოებს“, ქმნის კლასიკურ ეპიკურ სხეებს და სივრცეებს, სადაც სამერთიან დროში, კონტინუუმში განიხილება კაცი — სახელმწიფოს, კაცი — საზოგადოების, კაცი — სამყაროსმონოლითური მეოხა.

ბოლო დროს ჩემი კოლეგა კრიტიკოსები უფრო თხზულების შინაარსის გადმოცემით გადადიან ფონს, მაგრამ ესთეტიკის მეტრებს თუ დაეკვირვებით — არისტოტელეს, ჰეგელს, ისინი კამოის ერთი მოსმით გაგვაცნობენ ხოლმე თხზულების ფაბულას და უფრო მეტ დროს უთმობენ ნაწარმოების უმთავრეს ტენდენციებს, რისთვისაც იგი შექმნილა.

ტროას აღწლიანი ომის მერვე წელს ილიონის ქალაქ-სახელმწიფოში კოლხეთიდან ჩადის დაახლოებით 200 მჭედელი ჰალიძონი / ხალიბი აიეტ-მეფის შვილიშვილი ოდის ნინამძლოლობით და რადგანაც ტროა ალყაშია მოქცეული, საბრძოლო იარაღი მათ ადგილზე უნდა გამოჭედონ.

ტროას მეცხრე წელიწადს შემოეკედლება ქურუმ ქრისეს ქალიშვილი ქრისეიდა. იგი აგამემნონის ტყვეა, მხვეალი წლების განმავლობაში. გამოსასიებით მისულ ქალიშვილს არ აძლევს მამას და ამის ნიღაბზე ნაეკიდებიან კიდევ ერთმანეთს აგამემნონი და აქილევსი.

ქურბი ქალი ქრისეიდა ოდის სატრფო ხდება. ომის კანონები აღარ დაეძებს უცხოის თუ შუნაურს, აღარ დაეძებს მჭედელა თუ გათინიდედას და მალე საომარ ველზე გასული ოდიც აგამემნონის ნასროლო პიროლით (შუბი) განიგმირება (სასიკვედილო დაიჭრება).

ჰალიძონების 100 ორწელი ვაჟკაცი დაქვევის პირას მისული ტროიდან საიდუმლო გვირაბით გახიზნავს კოლხეთის სულთმობრძე უფლისწულს. ისინი რის ვაი-ვაგლახით ჩააღწევენ ეგვიპტის მზის ქალაქ ომში — ჰელიოპოლისში, ოდის აიეტ-ბაბუის ძმასთან, აქციუსთან. ჰელიოპოლისის მეურნალები სასიკვედილო დაჭრილ ოდის მოარჩენენ და მალე ფარაონ რამზეს მეორის სიძე ხდება. ფარაონი გემებს მისცემენ ოდის აიეტის დასამარცხებლად. მაგრამ გზაში ამხანაგები აუზღედრდებიან და ოდი კოლხეთის მაგივრად სკანდინავიაში ანოჰყოფს თავს. იგი აქაც ჯეროვნად განისწავლება სკანდინავიელ ქურუმებისგან — დრუიდებთან. შემდგომ გემი ნოათუნით მიელს ოკეანეთს მოივლიან და წლების შემდეგ ჩადის სამშობლოში, რომელიც გაპარტახებულ-გაოხრებულია.

აიეტ-მეფე და დედამისი სათანე გვაშა ოდის ორეული კას მიერ კოლხეთის დალაშქრებაზე ურად შეწირვიან. ოდი ხვდება, რომ პირობების სათავე ბაბუის ნახევარძმა აქციუსია, დაავლებს ხელს ჰელიოპოლისის ბენ-ბენს და აიეტის ძელებთან ერთად სფინქსის ნაგებობას მიაღებებს. იქ, სასაკლაოში აქციუსი ქვიშისგან იხრჩობა, ოდი კი რალაც სასწაულებრივად გადარჩება და კვლავ კოლხეთს მოაშურებს, რათა ახლა ჭარმაგობაში მაინც აისრულოს ბავშვობის წლებში აუზღენელი ოცნება — ხვამლის უკვდავების ტბის მონახულება. იდის უმთავრესი მიზანი ხომ ზერძმების მიერ

დანაკუნებული მამა აფსაროსის მკვდრით ალდგენაა. მხოლოდ ამ პირობის შესრულების შემდეგ მიეცემა მას შანსი მარადიულ უკვდავებას ეზიარეოს.

პოემის მთავარი წარმართველი ძალა გახლავთ ნაწარმოების გმირი ოდი. მან იცის რომ კოლხეთის სამეფო კარის მოურჩენელი ზადი ინცესტური წარმომავლობაა: შეურაცხადი ბიძა მლოვი, წინდაუხედავი და მიამიტი, გულფიციზი მაამისი აფაროსი, ეთქმები მაამიდები — მედეა და ქალკოპე სისხლის აღრევით გაჩენილან: აიეტს ცოლად ესვა — ძმიშვილი ჰეკატე. ამ ქორწინების ჩაშლის მცდელობას ემსხვერპლა აიეტის ნახევარძმა აქციუსი, რომელსაც ჰეკატ-

დახაც, გოლიათური აგებულებისა ჯერ კიდევ პომეროსის ინფორმაციით, იგი უშველებელი სხეულით გამოიჩინევა როგორც კოლხებში, ისე ბერძნებში. ძალზე ზანტია, გვიან აღიქვამს მოვლენებს ფიციზი აფსაროსისგან განსხვავებით. მასში ძალზე მცირე დოზითაა მოცემული პატროფილური მუხტი, რალაც ნაპერწყლის ოდენობით. იგი კოს-მოპოლიტიკური მსოფლმხედველობის პიროვნებაა — არ დაეძებს ადამიანებს შორის ეთნიკურ განსხვავებულობებს; ის არ განარჩევს ადამიანებს ფერის და სოციალური მდგომარეობის მიხედვით, და მაინც მამულიშვილობის ნაპერწყალი არ ისვენებს მის ნედლ სხეულში. თანდათან ღვივდება იგი და ბოლოს იქამდე აღიზნება მასში სამშობლოს

ბური ოტობაიას ეპიკური პოემა „ოდოია“

ეს ბრძანებით ქურუმები დასაჭირისებენ. ის ღვთიური ძალის შემწობით ეგვიპტეში ჩააღწევეს. აარებს ჰელიოპოლისს, მზის სათაყვანეელ ქალაქ ონს და მისი ბენ-ბენი, მთავარი ქურუმი ხდება.

ოდის ძირითადი საზრუნავი ამ ინცესტის გვერდით მოვლენების განვითარლებაა, რომელიც გადაულახავ ბედისწერასავით დაჰყვება თითოეულს ფხედაფხე — მაამისი პირველსავე ხმობაზე ენატოდმარტო ავა არგონავტების გემზე, ენატო ცბიერი მტრის სიტყვას და დანაკუნებულს ზღვაში ჩაყრიან თევზების გასაძიძვნად. ოდის დაუმარხავი მამის გაპატიონება სწადა, თუმცა რანაირად გინდა შეამთლიანო წლების წინათ დანაკუნებული სხეული?! არა-და, ამის მიუღწევლად ვერაფრით ეღირსება ოდი უკვდავებას. ეს ლაიტმოტივი წოთელი ზოლივებით გასდევს მთელ ნაწაროებს.

ერთი მეხედვით, თითქოს ისტორიულ, ეთნოგრაფიულ პოემასთან გვაქვს საქმე და ამავედროულად იგი განთავისუფლებულია დროის ლოკალური არტახებისგან.

არისტოტელე მითითებდა ნაწარმოებში ადგილის, დროის და მოქმედების ერთიანობის აუცილებლობას. ეს უმთავრესი მაჩვენებელი პოემა „ოდოიაში“ თავისივეადაა დაცული, ოღონდ აქ დრო, სივრცე და მოქმედება ერთ ადამიანშია განივთებული, მთავარ გმირში, უფლისწულ ოდიში. „ცნობიერების ნაკადის“ უკვე განცდილ-გარდნაბილის რესტავრაციის ხერხით და ხვამლის უკვდავების ტბასთან მომავლის სურათების გამოცხადებებით გამოიძენება ნაწარმოების სამერთიანი დრო, რომელიც მოიცავს თანად სივრცესაც და უწყვეტ მოქმედებასაც. ამ თვითნებ მეტად ორიგინალურაა პოემა „ოდოია“. მან ქართულ და ამავდროულად მსოფლიო ბელეტრისტიკაში შეავსო პლანეტარული ცივილიზაციის ბოგრაფიის ასსახელი ნაწარმოების ზაობლება. ამასთან იგი მთელ კაცობრიულ ცივილიზაციებს განანათლებს ქართული ფასეულობებით, რომელსაც პროგრესისკენ მიჰყავს ჩემი პლანეტარული ძალისხმევა.

ნაწარმოების მთავარი გმირი, აიეტ-მეფის შვილიშვილი ოდია (ოდი — ღმერთი ძველკოლხურად), რომელიც აფსაროსს ნართების ასშვილიან ქალისგან სათანევი გვაშსგან შესქენია. სამეფო კარს მათი გავრნებაც კი არ უნდა, მაგრამ არგონავტების ხელით უფლისწული აფსაროსი რომ აღესრულება, აი, მაშინ გაახსენდებათ უკანონოდ გაჩენილი შვილიშვილი, ნართმევენ დედას და სასახლეში მოჰგვირან კოლხეთის მგლოვიარე მეფეს. ბაბუა და შვილიშვილის მერწინდელ დიალოგში თვალნათლი იმიფრება კოლხებისა და ნართებს შორის კოლოსალური განსხვავება. კოლხებმა გამოადნეს ქვიშგან რკინა, მიაღწიეს ქიმიის მევენობით ოქროსა და ვერცხლის მოპოვებას. ამდენად ისინი საგრძნობლად დანიანურებულან დროსა და სივრცეში, თუმცა ამ დანიანურებს მსხვერპლად შეწირვია მამაპაპური ზნეობანი, ოქროს და რკინის მოპოვების ცოდნამ მოიტანა საყოველთაო გაუტანლობა და შური, ღალატი და განზე მაცქერლობა, ჯანდაბა და დოზანა, როცა ნათების თემი ჩარჩენილია ტრადიციულ ყოფიერებაში, მესაქონლეობას და მინათმოქმედებას მისდევენ, ალალი ოფლით ირჩენენ თავს, და შესაბამისად მათი ოჯახებიც და ადამიანებს შორის ურთიერთობანიც ანკარაა, ნარუყვენელი, სუფთა.

გური ოტობაას პოემას, მართალია, მთხრობელი ერთი ჰყავს — უფლისწული ოდი, იგივე ოდიოი და ოდინი, მის ხასიათში გაერთიანებულია სამი პლასტი: კოლხური, ბერძნული და სკანდინავიური, და მაინც სათანევი დედისგან იგი სახელდება უღია ოდიად. ასევე მიმართავს ოდის რამდენიმე გზის უზენაესი ხმა; ასე უმღერიან ჰალიძონები თავიანთ წინამძღოლს, მის სადიდებლად შექმნილ „ოდოიაში“. თუმცა ტერმინი „ოდოია“ ნაწარმოების მიხედვით სულაც არ შეიცავს რაიმე ამაღლებულ შტრახებს. პირიქით, ოდოია ღვთაებრივი ოდის კნინობითი ფორმაა, რომელიც გაუთლელს, მოუხეშავს, ფლეგმატიკურს შეესატყვისება. ოდი,

ცნება, რომ ხვამლის ტბის უკვდავების ბალახით ხელმოერედ სულწაფერამილი, ხელის ერთი მოსმით მიატოვებს მორჭმულ მდგომარეობას, და გაპარტახებულ, იავარქნილ სამშობლოს მოაშურებს, რათა მისი და მისთანების მინაგანად გაჩანაცხებული მამული ფხვზე ნაშაყენოს, გახადოს ძველზე ურად პურდიდი და სულდიდი.

„ოდოიაში“ ნამყვანი გამათამაშებელი ხანაულისებურად თავად ოდია, ოდის გონება, ოდის „ცნობიერების ნაკადი“. მაგრამ ჩვენ წუთითაც არ უნდა დავგავინყდეს ერთი არსებითი პოსტულატიც, რომ ოდის მეოხის განმსაზრველი მამომრავებელი მუხტი აიეტ-მეფის დაკვლიანება ან მისი ნახევარძმა — აქციუსთან განსწავლა კი არა, კაცობრიობის სინდის-ნამუხის სიმბოლოს, ხვამლის კლდეზე ნიჯატყული არამსუფთი მეოხაა. არამსუფთუს პრომოეთესული მითოლოგიური გაგება ქართულ ფოლკლორში არც კი იძებნება. იგი მეგრულ ხალხურ პოეზიაში გვხვდება გილიათური აგებულებით, რომელიც ქვასავით შეუძლის უშველებული ლოდების გატყორცნა, მაგრამ გური ოტობაიას ახალი პრომოეთე სჭირდება, და ამ უხუმ ძალას ახალი სული შთაბერა, მასში განასახიერა პლანეტარული ცივილიზაციის ლოცმანი, ზევე ღვთაევი კვციტხლს რომ მოსტაცებს ოლიმპოს მთიდან და მისმიერებ შექმნილ ადამიანებს უწილადებს ოჯახური ბენდიერების მოსაპოვებლად.

ამ ღვთიურული ცვეხლის მეშვეობით მოახერხებენ ხალიბები ქვიშის მავნიტისგან რკინის გამოდნობას, ოქროსა და ვერცხლის მომრავლებას, და დროთა მსვლელობაში მიაღწევენ კიდევ სრულ სულიერ პარტახს, გაუცხოვებას, არადა, განწმენდის, კათარზისის გზა არ ჩანს. მხოლოდ არამსუფთემ, იგივე პრომოეთემ და ამირანმა ქართული მითოლოგიიდან, იგივე ჩეჩენ-ინგუშების ფჰარმათიმა და ყაბარდოელების ნასრენ ჟაკენ, იგივეს სიმების მშენება და ალაბანების ალაბანა, ანუ სრულიად კავკასიის პრომოეთევი ტროაში შეყარა ავტორმა რაოდენობრივად ათჯერ აღმატებული ბერძნების საპირწინედ.

პრომოეთემ იცის ზევსის აღსასრულის საიდუმლო: თუკი ნიმფა თეტისას ღმერთი შეენყვილება, მათი ურთიერთობისგან გაჩენილი ღვთაება ჩამოავდება კიდევ კოინიდს ტახტიდან. თუმცა საკმარისია თეტისას მოკვდავი დაეუფლოს, რომ ამ ურთიერთობას კი მოჰყვება გმირთავმირი, მაგრამ არა ზევსის სამეფო ტახტის მოცილე.

ამას გაუცხადებს მონბის სამარცხივნიო ჯაჭვისგან ამხსნელ ჰერაკლეს არამსუფთე. თუმცა რა ერგება სანაცვლოდ? უფრო მეტი ტანჯვა-ნაწება კოლხეთიდან ოქროს ვერძის გამტაცებელი ბერძნებისგან. ამ ვერძის ტყავზე, დიახაც, არამსუფთეს მიერაა გადატანილი ყველა საკრალური წეს-კანონი, საიდუმლო და მოსთხოვენ მის ნაკითხვას. ოქროს სანძის ვერ გაუშვირავს გულთნისან მედეას, ვერც ჰელიოპოლისის ბენ-ბენ აქციუსის და ველარც მსოფლიო ქურუმ-მოოგობას. მაგრამ არ გასცემს ამ საიდუმლოს არამსუფთე, თუმცა ახალ-ახალი ტანჯვა უმრავლდება ქალკიდევ- და ფრიქსის შვილებისგან. არამსუფთეს სისხლით ინატება ლაბრიონის კედლებზე ის ფორმულა-კრიბტოგრამები. და ასე, ტანჯვა-ნაწებაში ამოხდება სული კაცობრიობის უწინარეს ტიტანს. ეს უმთავსური საიდუმლო კი ოქროს დაბრტყელებაა, ოქროს მონეტად მოჭრა. ერთ კილოგრამ რკინას ათი კილოგრამი ოქროს ყიდვა შეუძლია, და ათასი საპამლე ხორავს-საწოვავს, მაგრამ დაბრტყელებულ ოქროს მონეტს უკვე თავისუფლად შეეძლება მთელი კაციო-ბერიული სულის ყიდვა. და აი, ამას არ გაამხელს არამსუფთე, აი, რის გამომ უძლებს აუტანელ ნაშეხას მისი გმირული სული.

ოდის თაობელების წინაშე მიყოლებით იხატებიან მაკედონელები და კეისრები, ჩინგიზ ხანები და ჯალალედინები, ბონაპარტეტები და ჰიტლერები, ხელისგულზე დალაგებული მათ მიერ გაჩაღებული ბარბაროსული დამანგრეველი ომიები, ჰოროსომა და ნავასაკი, დახაუ და ოსვენციმები. ამ თანაგუნდლების წინაშე ჰყვება ოდი მათთვის უხილავი პერსონაჟებისგან გადმოცემულ ამბებს,

აქ განსაკუთრებით გამოკვეთილია ლაზარე-ზვიად გამსახურდის ხატი, რომელიც თავისი არსით სქართველის მეტაფორაა დროსა და სივრცეში.

ალარაფერი რჩება მოუხილველი ოდიოდიოის სულს. ყველა სფეროს და გრძედ-განედს გადამწვდარა იგი: კაციქამია ველურებისთვის ზნეობრივი ნორნები უქადაგია, როგორც მგლის თავზე სახარება. მსხვერპლთათვის გულისამომცლელი ქურუმები თავად დაუწვევია ქვა-ტახტზე გულების ამოსაცლელად.

უხილავს ხელოვნურად დალაი ლამების შექმნა ბიჭუნებისგან დანით ვადასერელ შუბლში მცენარის ნაყენს რომ უტენიან მესამე თვალის ასახვლად. ასეთი თვალე ერთადერთ არამსუფთს გააჩნია მინისქემთში და კიდევ სიჭარმაგეში დაბრმავებული ოდის მიენიჭება სიცოცხლის მიწურულს.

თავად ეს პროციედურა კი შემდეგნაირად წარიმართება. სულდგმული ოდი ვერაფრით ახერხებს ხვამლის ტბის ფსკერში ჩაღწევას, სადაც უკვდაბის ბალახი ხარობს და რომლისაგან უნდა გადაეცეს მარადიული სასიცოცხლო ენერგია ოდის. აქ ჩინებულადაა გაათამაშებული სკანდინავიური „უფროსი ედას“ პასაჟი, რომლის მიხედვით ოდინს კლავს უკვდავი ფერინი. ეს მომენტია ჩაქსოვილი დასახლებულ პასაჟში. ავტორი გასაოცარ ვირტუალობას ავლენ გეთესებურად არსებული ფაქტებით ახალი რეალობის შესაქმნელად. სკანდინავიური მითოლოგიის დედალ მგელს შეენყვილება ხვამლის გამოქვაბულში ოდის თამნლენი არამსუფთეს ხვადი ქორძო. მათი ნაშიერიდან ერთ-ერთ ლექვს ამოარჩევს და აი, ფიქრებისა და ხილვების პრიცესში ჩახიერული ოდის ყეღის სლექვას დაჩვეული ლექვი გაჰკრავს კბილს საძილე არტერიზზე. სისხლდადენილი ოდის გობნება ეინიდება, ტბის ფსკერში ჩაქანდება. მისი მშველელი არავინაა. მეგობრები, უკვდავებას რომ მეზიარნენ, უკლებლივ გაიკრეფილან თავიანთი ქვეყნების საშველად, რადგანაც მიხედვითან უკვდავება სამშობლოს გარემუ არ არსებობს. ოდის შველა აღარ ძალუძს ტბის ნაპირას დარჩენილ სახედარს, მამალს, ქორძოს, თუ ყორნებს — მუნინს და ჰუგინებს. ეს უკანასკნელიც სკანდინავიური მითოსიდან გადმოსახლებულან ოდის პოემაში. ისინი ოდის მარადიული მებებლები არიან ყველგან და ყოველთვის. სხვათა შირის კაციობრიობისგან შეინსული ოდის ხილვებით თავიანთი მწიბელებიდან მოჰყვებიან ადამიანთა ნაშიერს, ჯერ კიდევ არამსუფთეს / პრომოეთეს მიერ ოლიმპოდან ღვთიური ცვეხლის მოტაცების პერიოდიდან. აი, იქიდან მოყოლებულ სულ ოდისთან ტრიალენებ, მინისქემთში ჰადლის იგი, სამსხვერპლო სფინქსი და ლაბირინთი თუ აგანგის გაშლილი წყლები, სადაც ოდი ქელურით — ძველკოლხური ხელამართული ცურვით მიუყვება მის ტალღებს და ნაპირზე გაღწეულს ღმერთკაცად შერაცხავენ ეგრევე არიელების მრველი.

ამ პოემაში დიდი ოსტატობით, ვიტყოდია, იუველურადაა ერთმანეთში შეენწყულ-მედულაბებული კაცობრიული ცოდნა, პლანეტარული მითოლოგია და საზრისი, კოლხურ, კავკასიარ ფასეულობებს.


საილუსტრაციოდ, მოზრდილ მონაკვეთს მოვიშველიებთ ერთიანი კავკასიის საჩვენებლად: „ოდი უყურებს: აფხაზები წველის ფურხებს, რძით სავეს გოთანს ბუნაკალის რიგია მსმურე, დასახეჩავენს ალულები ყველით ბუჭავენ, ოსნი ერთი ფუტკრებისთვის გეჯებს გეჯავენ, აკაციებში განაყარი ფუტკარი ჩიქნის კაკუნით მიჰყავს და იმ ტოტებს არაბა შერჩეს, აპა, ზეედუხებს ფერდზე გეჯა ჩამწკრივებია, ამოაქვთ ფიჭა და თაფლუჭით გაბრწყინდებიან. აქეთ თეჩავენ ინგუშები ქათქათა ნაბდებს და შუაკაცებს ნისლებით ფიქრებთ ადევთ, 2038

ხედავს: მირბიან ყაბარდოში ყაბარდოულნი, რაშები თეთრი და შავები შუბლდათოული, ჩერქეზ გმირებზე ლეგენდები დაარკობენ, მათრახის ქნევათ თეთრ ნაბდებზე თოხარიკობენ, ლეზგის მრჩეველები დასხდებიან ნიხასში ბჭობად, უდეს ასული სატრფოს დეზზე ლურსნმად ერჭობა და ქროლებაში წითელ ღვინოს სვამენ კულადან, უპყრიათ თვალნი სიყვარულით მოსარკულადა, ლეკის ბავშვები ქადრის ტოტზე ჩამოსხდებიან, იმათ თვალებით ბრძენკაცები სოფელს წვედებიან,

გური ოტობაიას სასიქადულოდ უნდა ითქვას, რომ 10 1000 სტრიქონიანი პოემა ჯერ ბზკარედულად თარგმნა სრულიად საქართველოსთვის. მერე ესეც არ იქმარა, რითმით გაანყო, გასაოცარი პოეტური აღმაფრენით შექმნა ახალი მონოლოთური სივრცე, როგორც მშვიდობისა და კაცობრიული ამაღლებულობის სიმბოლო.

მან ამ პოემით ფაქტობრივად მოგვცა პროტიობერიული სულის თვალუწვენელი ბიოგრაფია, რომელიც ლოცმანივით წინ მიუძღვის კაცობრიულ ცივილიზაციას, რომლის მთავარი მაჩვენებელი ალტერიუმია, სხვისთვის თავდადება, სხვისთვის სულის გაღება (ზ. გამსახურდია, რ. ჩხვიძე) და არა კაცთაკვლა, არა შური და მტრობა, არა ჯანდაბა და დოზანა.

სოსო სიგუა



აკაკი ბიძინაშვილი

წმინდანი

სამშობლო - მშობლის მკერდია, დედის რძით არის მდიდარი.

თან დაგდევს, ნახვალ საითაც, ივსები მისი ღირსებით,

სამშობლო შენს სულს იტოვებს, სხეული დადის სხვა მხარეს...

აუღებელი ციხეა, გადაუვლელი აღმართი, ბედნიერების ის ხეა,

სამშობლო - მშობლის მკერდია, არის დედის რძით მდიდარი,

უნდა გერქვას...

მტერი ხშირად განუხებს, მეორდება ეს წლობით.

გტანჯავს ხშირად იარა, ბოროტების მომგონთა,

იქნა იპოვო

სადამდე უნდა მივლინო ადამიანმა, მისმა გენიამ, მთვარეზეც კი გადაიარა.

ცაში აიჭრა, ხელთუქმნელი ძეგლი აიგო... დინოზავრები გადარეკა სათაფლიაზე,

ზეზვას და მზიას გარდასული ჟამი გვიჩვენა. ეყოფა, ნეტავ, იმ საქმისთვის ჭკუა საჭირო,

მეტეხის ხიდთან დაცემული წამებულების?! მტკვრის ტალღებს აჰყვეს და ბრძენ ქართლოსს გაესაუბროს,

სევეტიცხოველში დაამატოს მადლი საუფლო?! ხევსურთა ფიცი ჩაუნერგოს ყველა არაგველს

და მოლაღატე ყორღანაშვილს მტრისკენ არ გაჰყვეს. ცხრა შვილის დედას გაუმრავლოს შვილები კიდევ,

ქეთევანის და წმინდა ნინოს შარას რომ მისდევს. იქნებ თამარმა იქორწინოს კვლავ დიდუბეში,

რათა არასდროს არ დაგვაკლდეს უფლის ნუგეში. ვახტანგის მადლით წინ წარმართთა გზებით ვიაროთ,

რომ აჩეხილი საქართველო გავამთლიანოთ. აღარ დასჭირდეს მოძმის ძებნა მეფე ირაკლის,

ამერ-იმერში თვით ააგოს კოშკი მინანქრის... ზეციდან მშვიდად დაგვიბრუნდეს ნატო ვაჩნაძე,

სარაჯიშვილმა წაიმღეროს ვარდის გაშლაზე. გალაკტიონმა გადმოფრენა გადაიფიქროს,

ის გველემუბა ჩამოგვცილდეს მზის შუქს ვინც გვიქრობს. ვაჟა-ფშაველა მოაბრუნოს მთის წყლის დაღვევამ,

მამული ჩვენი ასახელონ შოთასთანებმა. კიდევ იპოვნოს ფარნავაზმა განძი ულვეი,

ისევე გაცოცხლდნენ სამშობლოსთვის დაცემულები. სიმღერის ტალღამ გადაფაროს მთელი კოლხეთი,

მზეს არასოდეს მოერიდოს ჩვენსკენ მოხედვის! დაბრუნდით, უკან! მთები გეძახით!

გიხმობთ ცხვრის ფარა, სახლი ვენახი! ამომავალი იქ თქვენი მზეა, ნუ მიატოვებთ ქსანსა და ლიხვს;

მის ჯვარცმას მხოლოდ სიზმარში ხედავთ, თვალთაგან ცრემლი როგორ სდის ქედანს; „ცხრა წყარო“ როგორ ცხარედა ტირის,

რა ხმითა გლოვობს ლერწამის სტივრი; მაცხოვრის ზარი აღარა რეკავს, გადაუვლია ტაძარზე ეკალს;

გაქრა ყვავილის ნაფხურები, თვალჩაღწეული ყრია ურმები; ჟანგმა შეჭამა: ცელი და ბარი, ძროხის ლოდინში ხბო აღარ ბღავის;

ფრედებაღენილი ყივის არნივი, ქორი და სვავი მის ხმას დასცინის; შემოცლილი აქვთ ჩიტებს ბუმბული,

სანატრელია სტვენა ბულბულის; სიმშვიდეს ტანკის ხმაური სწამლის,

აღარ ამოდის ბუხრიდან კვამლი; თოვზე ძალი აღარა ჰყეფავს,

ავტომატის ხმა ჰაერსა კეპავს; შავი ღრუბელი ღრუბელს მისტირის,

სოფელში აღარ ბრუნავს წისკვილი; აკვნები ბავშვებს აღარ ელიან,

სეტყვა მატულობს, ქრება კერია; სასაფლაოზე ცივი ქვა ტირის,

შხამად ქცეულა მომხდურის ტვინი; მართულხლართებზე ჭრელი წყეული,

უშიშრად არის თავანუელი; გიხმობთ: ცხვრის ფარა, სახლი, ვენახი,

დაბრუნდით, უკან! მთები გეძახით! და მაშინ, როცა მე უკვე ცივ სამარეში ვიქნები.

წირვას აღავლენს მეუფე, შანდალზე სანთლის მიმკვრელი... ველარ გავივლი ლამაზად,

მთებს დააკლდება სითეთრე, მკაცრი ზამთარი გავა და, მწვანე ფერები იფეთქებს.

ცივი საფლავის კორდიდან მეტს აღარაფერს გავალბე - მონახე ჩემი ლოდი და, ცხარე ცრემლებით დანამე.

ქართულ ყვავილებს შევიცნობ მუდამ, სავეს არიან მადლის მშვენიებით.

ისინი, მართლაც ახლოა გულთან და სხვაზე მეტად მათ ვეფერები. ასე მგონია, ცოცხლობენ შენში,

მათ ხშირად შენგან ვერცკი ვანსხვავებ. სავეს არიან შენეულ ეშხით და შენნაირად ჰგვანან ვარსკვლავებს!

აღარც მინა, აღარც ზეცა, მხურვალე მზით ნაშუქი, შუშასავით დაილენა წინაპართა ფარ-შუბი.

ინდოევროპულია, მსახურებად მიგველიან, სატყუარა ფულია. ქალს ქალობა არ ეტყობა,

ქალებს სცვლიან კაცები, აფრიალებს დროშას მტრობა,

მონმენი ვართ დაცემის. გორგასალო, წამოდექი, გადიარე ზეკარი,

ავგაცილე სულში ბზარი, ისევე ერთად შეგვკარი, რომ დიდგორში ძმა ძმას ენდოს,

ზეიმობდეს ქართველი, მის სხეულში ისევე ენთოს პატრიოტის სანთელი!

ასე ურწმუნო ნეტავ რადა ვარ ან იმედს რატომ ვკარგავ? ხელიდან ხელში რომ არ გადავა ეს წიგნი, ვიცი კარგად.

მაგრამ ისიც ხომ არის ნათელი, არ შეგანუხებთ ომით, ენთება მშვიდად, როგორც სანთელი ან შავ მინაში ბროლი.

ზოგი სტრიქონი თქვენს სათქმელს ამბობს, თქვენს ნაცვლად იქნევს ცელსაც...

სატრფოს მიანდობს თქვენს წმინდა ამბორს, თან უწილადებს ცრემლსაც.

თქვენს ნაცვლად იქნევს ცელსაც... სატრფოს მიანდობს თქვენს წმინდა ამბორს,

თან უწილადებს ცრემლსაც. არც ლოთი იყო, არც შფოთი,

სინმინდით ჰგავდა სანთელს, გენეტიკური პასპორტი ქართლოსმა მისცა ქართველს.

გამოაყოლა თან სული, აჩუქა თავის გენი, ჭკვიანიც იყო, ტანსრულიც,

მამა ამ ჩვენი ერის. ვერ შეეჩვია მტრის ყური, არასდროს დავთმობთ ამ მთებს,

გონება ფანტასტიკური დღემდე ჩვენს სხეულს ანთებს. ფარნავაზმა და ვახტანგმა გადმოაბარა დავითს,

მტერი დიდგორთან ნახდა და დღემდე მოვედით ამით... გულში გროვდება ტკივილი, თვალეში ჩნდება წისლი,



ნანა ცინცაძე

მკვლელი აჩრდილი სონეტი

შენ მე გიყვარდი, გრძნობა ცაში, თოკზე ეკიდა, მიყურებდი და სიშორისგან თრთოდნენ თითები. ჩემი სიტყვები მუხჯ რითმებად გამოგეკიდა და გაგაოცა სასიკვდილო გადაფითრებით: მერე კი უცებ გამოფხიზლდი, სადღაც ნახვედი, მალე დაერქვა აღტაცებას სახელად – იყო... გეგონა ცრემლებს, შესაბრაღისს, დაგანახებდი, მე კი ღიმილით გეუბნები – არ დაივიწყო ჟამი, როდესაც შენი ნებით სანამლავს სვამდი, ისიც იცოდე, რომ ის შხამი ახლაც გჭირდება. მე, ძველებურად, მისტიკური სურნელი ამდის, ცოცხალს მიყურო და სხვასთან მყოფს, გაგიჭირდება. შურისძიება, წლებთან ერთად უფრო მძაფრდება, მკვლელი აჩრდილი ყველა კართან ჩაგისაფრდება.

მინდა ნავშალო სონეტი

ფერი ვიცვალე... ვიზრდები და... ვრჩები პატარად, ეტყობა წლები დამიბრუნდა სადღაც წასული, ტკივილი ფიქრშიც მოვისროლე, ვატან ამ ტარას ცრემლებს, რომლებიც წვიმას შერჩა გამონასკვეული. ყველა უფრედი ჩავატე ერთ ამებაში, ვატყობ, წარსული ტვირთია და უნდა ნავშალო, აღარ მჭირდება და სულსაც გხდი დღეს წამებაში გონიერება, მთის ზეგვივით ჩამონაშალო. თუ ვერ დავხარჯე, ვანადგურებ ამ ენერგიას, რადგანაც მინდა არაფერი აღარ ვაკეთო, დროის ხუხულა, სჯობდა დროზე რომ დამენგრია, დღეს გვიანია, რომ ცხოვრება გადავაკეთო. წლები გავიდა... ზღაპრის ბოლო ცოცხლდება მითში, არ დაიჯეროთ, დავიკარგო ამ ლაბირინთში.

დროა... ექსეპტი სონეტი

დღეს გამქრალია... ხვალ იქნება ადრე რაც იყო, ახლა ყველაფერს ბანალური მზის სხივი აკრავს, ხედავთ? ეს ნამი რამდენ გამქრალ წამად დაიყო და ვილას ახსოვს ან შოპენი, ან მისი დაკვრა. ხვალ? ხვალ ყველაფერს მიეცემა უკვე სხვა სახე, ზარმა დარეკა... ჰო, ამ ზარსაც სხვა ხმა ექნება, რატომ მოგიყვე ვინ მოვკალი, ან სად დავმარხე, ან რა დამნამეს განდევნილმა ჩემგან ექსეპტი.

წყვიდადი დგება, ბუხრის ალი ურცხვად ხარხარებს, რადგან დაინვა მოგონების ყველა აქცია, მაინც ჩემია ის სამხილი, რაც გამახარებს, ხორცი უძლური, სულმა ჯერაც ვერ მოაქცია. რა ვქნა, რომ მიყვარს ეს თამაში, ყოვლის მომცველი, თუკი მომცელავთ? მეორედ ვარ ქვეყნად მომსვლელი.

საქართველოს აღარა ჰყავს ცოტნე, (ბრძენიც დადის ახელი სახით) მის მაგივრად თბილისს მართავს კახი, ეს ბილიკი არწივებმა კორტნეს, წინ რა გველის? ალბათ მხოლოდ კრახი. ხომ ვუტირეთ ტრადიციებს დედა და წარსული დავამსგავსეთ აჩრდილს, ღვთისმშობელო, კითხვას გაგიბედავ – ვინ შეგვიცვლის დავითსა და არჩილს? მეცოდება მინის ერთი ბელტიც, სადღა შეგვრჩა ცხინვალის და გაგრა. რაღა გითხრათ დღეს ამაზე მეტი, თითქოს გვიყვარს ერთმანეთი, მაგრამ... ფვარისველობით და სიყვარულს ვარქმევთ, რასაც ყველგან ჰქვია მხოლოდ შური, ნიჭიერს ვკლავთ და სულ იმათ ვაქებთ, დემენცია რომ აქვთ დაფარული. აღარ მინდა ვინმეს რამე ვკითხო, თითქოს ჩაქრა მემამბოხე სული, დღეს სამშობლო ერთად ყოფნას ითხოვს, ვის სჭირდება მხოლოდ დაფარული დიდება და ფარისევლის ლოცვა, მთაწმინდიდან (გენიოსთა) ოლიგარქის ჩრდილი? რა ვქნა, თუკი ფიქრმაც გაიოცა, აზროვნება რომ დაგვეყვება ჩვილის. დროა უკვე, რეკდეს დედო ზარი, თორემ ერთი მიღწევადი გახდა. მომავალი რომ სჩანს შესაზარი, ამიტომაც დარდი განმიახლდა, მაგრამ ვიცი, რომ ყველაფერს შევძლებთ, ჩვენ მზეს, რადგან სამშობლოს მზე ჰქვია. წამოდექით, ქართველებო, ფეხზე, არაფერი ჯერ არ არის გვიან.

პარსაქატივა

ღმერთო, დღეს სხეული ისე მტკივა, როგორც ახელი ლაყურები, გაქრა იმედი და პერსპექტივა და მეც აღარასდროს გავყურდები. თუმცა უცნაური საღამოა, სულში სტანდარტული მყავს ურჩები. სიკვდილი აქ ისე საამოა, აღარც კი მჭირდება მაყურები. ვინც არ მინდოდა და წერილს მწერდა, ისე უსურვილოდ დაფურჩები, როგორ შევარჩინო ბედისწერას ჩემი ახელი ლაყურები.

თორემ, მერა

სიმყუდროვე, ტალღების ხმით დარღვეული, სანაპირო, შემლილი და თავნება, ზღვა, სოდომის ცოდვებისგან ამღვრეული, ჩემი მზერის ათინათით დაება. ველარ იცდის, ისე უნდა ჩახუტება, ცდილობს, უცებ გამახსენოს რაც იყო, მზის ანარეკლს ჩემი ჩრდილი აუხტება, რომ ცოდვები ნაპირისკენ გარიყოს. აუ... ისე დაინყება, „მიყვარხარო, „რატომ მტანჯავ“ ან „ასეთი ვინა ხარ“, მე კი მინდა უმიზეზოდ ვიხარხარო, რადგან გრძნობებს სხვა ტალღისთვის ვინახავ. ახლა უნდა წყლის სიღრმეში დავიკარგო, რომ იქ ვიგრძნო მინის მძლავრი სურნელი, ადამს ვუთხრა — დაახვიე ჩემო კარგო, ვაშლის მერე არ მჭირდება სულელი... ვერ გაიგე? ზღვის ტალღები ავირჩიე, მთვარის შუქზე გახელებულ რითმებით, დედამინავ, საქმე უცებ გავირჩიე, მეც არ ვიცი, ასე რატომ ვირთვები... (თან ახალი ადამისთვის ვირთვები) (და ნეპტუნის შესახვედრად ვირთვები).

ის ჰორიზონტი

ზღვის ნაპირიდან, სივრცედ აშლილი დრო, მთელ ცხოვრებას იტევს, ღმერთო, მითხარი, როგორ წაშლიდი, სულში (გაჩხერილ) ჩარჩენილ სიტყვებს? ეს ჰორიზონტი წარსულს მაგონებს, მეც არეული გზის ვარ. ავედევენები შავ-თეთრ ვაგონებს, ცივ საფეხურზე ვზივარ. ცის და ზღვის კვეთის იქით ვისროლე, რის დაბრუნებაც არ მსურს, ისევე ის გიჟი ჩამომიქროლებს, (ბავშვად ვინც მხედავს ზრდასრულს) ვინც ისარს პარავს ამურს.

აღამიანო!

მინდა გაგიცნო თავიდან, გული სხვაგვარად ხმინაობს, რა ვქნა, მჯეროდეს არ მინდა, გამწირავ, აღამიანო. ცოდვები შენით იწყება, გინდ „ინო“, გინდა „იანო“. ნუთუ სულ ღმერთი გინყრება, რომ ავობ, აღამიანო. ადრე დაკარგე სიკეთე, ახლა ღიმილიც გვიანობს, ბოროტების ნემსს იკეთებ მორფივით, აღამიანო. არაფერი რომ არ გყოფნის, იქნებ სიყვარულს მიაგნო, მანდ, ოცნებებში ცად მყოფი, აქ კვდები, აღამიანო.

თრიაქი

თვალუნვდენელი ცა და ქვეყანა, თვალუნვდენელი გიჟი სამყარო, ნეტავ, ვინ უნდა მომკას ეს ყანა, ფიქრები გზიდან ვინ გადაყაროს? ყოველი დილა სიცოცხლის ჩრდილი, ყოველი ღამე სიკვდილის კალო, იქნებ შეუჩნდა კაცს ეჭვის ჩრჩილი, რომ ღირსეული უღირსად ხარობს... ნეტავ, ვინ ნახა ზღაპრების ბოლო, თუ ბავშვობაში ვრჩებით მთლიანად, ხორცის ტკივილს თუ ვატარებთ მხოლოდ, სული ნეტავ რამ გაამთლიანა? თუკი ცხოვრება არის თრიაქი, რაში გვჭირდება გამოფხიზლება, თუ უფლის ხელით დაჯდა იაქე, შველა ვის ვთხოვთ მაშინ ხიზნებმა? რამდენი კითხვა დაგვეყვება თურმე, რაც ბრძენისთვისაც არის კაზუსი და მიუყვება მირაჟში ურმებს, ბახუსზე უფრო მთვრალი ბახუსი.

მელაპარაკე, ღმერთო...

მელაპარაკე, ღმერთო, შენი ტკივილი გამანდეს, სიცოცხლეს რატომ ვერ ვთმობთ, ან ევა რატომ ააგდე, გაეგო, რაა ცდუნება, თან ყოფილიყო შიშველი, ადამს აემღვრა გუნება, ვეძახი — გველი გიშველის... ისევე მას უნდა გაენდო, ვინც სანამლაგი მოგართვა, მტერს, არც მოშორდე, არც ენდო — ესაა ჩემი მომართვა.

სარფიანი დაბანდება

არაფერი არ იცვლება, თუ არ შეცვლი, გათენდება ისე, როგორც თენდებოდა, ერთს, ფუფალას უწოდებენ ჩვენში შემლილს, თუმცა შიოლას სხვაც მრავალი ვერ ხვდებოდა.

მზის ლაქები მთვარეს დამლად ავაკარი, ის მიოვვის, ვინც არასდროს დამეტებდა, საოცნებოდ ავიჩემე ავატარი, თუმცა ვიცოდი, მის სიყვარულს სხვაც შეძლებდა.

გალაქტიკას ახლა უფრო ხშირად ვსტუმრობ, დღეს მერკურზე მერამდენად გავათენე, რა ხანია გავიზარდე, აღარ ვხუმრობ და ღიმილით ვანაწილებ ანათემებს. იქ უფალმა სიკეთესთან მაზიარა, მე აქ თვალი ცოდვებისგან დავივლემე, სულ მრუდი მაქვს, ერთი სწორი ხაზიც არაა, ცოდვილს ცოდვის სიყვარული გამივლევს. გული მტკივა, დრო მუჭში ვერ მოვაქციე, ისე გარბის, ვიცი, ველარ დავენევი, ფეხქვეშ ვთელავ გამოგონილ გრადაციებს, რომლის გამოც გულში ყველას დავენევი. სიკვდილს მოვკლავ, რომ სიცოცხლე არ დამთავრდეს, დროსთან დავდე სარფიანი დაბანდება, ღმერთთან ვგზავნი ერთსიტყვიან ამანათებს - დაბანდება!!!

სიყვარულის არითმია

ეს მანძილი, ეს დრო, დროში დაკარგული, უკან მომდევს და ვერასდროს დამენევა, მე მზე მიყვარს, სხვანაირად დაბინდული, ნისლის ჩიბუხს თრიაქით რომ არ ენევა. მკლავი მიყვარს შენი, ჩემო, საფერებლად, მაგ თვალების მზერა მათრობს ალმაცერი, მიყვარს მინის სხვანაირი დაფერდება და აკილო, ვაზის რქაზე ანაცერი. სიტყვა მიყვარს, არასდროს რომ არ ითქმება, თან სტრიქონებს შუა რაც დევს, ის მაგიჟებს, დაძახება, უფსკრულში რომ დაინთქმება და მერე ფეხს სიმართლესაც დააბიჯებს. მიყვარს ის, რაც არაფერში არ ეტყევა, ჩემი სულის ცად აჭრილი ციტადელი, ურცხვი ხორცის სამსჯავროსთვის გამეტება, სარკის მიღმა გამოხედვა წინანდელი. სიყვარულის დამლა მიყვარს ნაწილებად, მთლიანი ხომ მთელ სამყაროს ანამდვილებს, მიყვარს, როცა ხორცი ისე ანივლდება, რომ ის მოთქმა სიკვდილსაც კი ადვილებს. მე მზაკვრული ღამეების შიში მიყვარს, როცა შენში ადრენალინს ვერ აოკებ, როცა ეძებ ბნელ ღამეს და თელავ ცისკარს, მზის სხივებით სამყაროს რომ შეატოკებს. მე რვეული მიყვარს, ფიქრში დახეული, ეს ნაწერიც, ჩათვალეთ რომ სხვა რითმია... კოცნა მიყვარს, ცხელ ბაგეზე ახელი და მუდმივი სიყვარულის არითმია.

გულო, დაიმახსოვრა

როცა მინდა ჩაუწუნე, როცა მინდა ავუწუნე, ცხოვრების გზას გავინათებ ფითილით, მტერს თუ მინდა დაეხვდები, მეგ ზურობას გავუწუნე, ჯოჯოხეთის კარს გავუღებ სიცილით. დავიჯერებ სხვის ნათქვამს, თუ მინდა რომ მჯეროდეს, თუ არ მინდა, არ მოვესმენ არავის, ჩემი დასაფიცარი, ფიქრშიც უნდა მღეროდეს, რომ მომიხდეს ბედუინთა კარავი. ყველაფერი ფარსია, რაც ამ გზებით ვატარე, ეს ნალკოტი სხვა სამყაროს ხედა, ვარსკვლავები ცის ხოლმზე გალაქტიკას გადარევენ,

ბედაური მარტოს გამიხედნია. არასოდეს არავის არ დაუშული არაფერს, მე ბილიკზეც მრუდე გზებით მივლია, დანას სარკეს ვუმონმებ, ჩემი ცრემლით დანაფერს, ვამპირები დედასავით მივლიან. ასთავიან აღქაჯებს სიფხიზლეშიც ვიცოდებ, ზღაპრის ბოლო სულ იქნება კეთილი, გულო, დაიმახსოვრე, უშენოდაც იცოცხლებს, სული ჩემი, ქვაში გამოკვეთილი.

თინათინ ქედია

ნიკორწმინდა რომ დანებრეს...

ახლახანს გამოვიდა მანანა გორგიშვილის წიგნი „შეუვალი კაცი“ (რედაქტორი სოსო სიგუა). ავტორი მოგვითხრობს ბატონი თამაზ ვაშაძის ცხოვრების შესახებ. ნაწარმოები არის დოკუმენტურ-მხატვრული პროზის ნიმუში და ვულოცავ ქალბატონ მანანას ეპოქალური შინაარსის მქონე წიგნის ავტორობას, ვინაიდან ის მკითხველის წინაშე წარსდგა, როგორც მწერალი და მემატიანე. ქალბატონი მანანა თხრობისას მიმართავს თითქმის ყველა მხატვრულ ხერხს, რომლებსაც მწერლები პროზაული ნამუშევრების შექმნისას იყენებენ, რის შედეგადაც ამბავი ერთი ადამიანის ცხოვრების წასაკითხად არის საინტერესო და მიმზიდველი.

გასული საუკუნის 80-ანი წლებიდან ნათელი გახდა, რომ კომუნისტური ხანა დასასრულს უახლოვდებოდა, რასაც მოჰყვა საქართველოს დამოუკიდებლობა და დაიწყო ახალი ეპოქა, რომელიც ძალზედ ძნელი გადასალახი აღმოჩნდა. დალაგებული და მოსაწონი ცხოვრება არც ახლა გვაქვს. ჩვენი პოსტ-მოდერნული ყოფა შედეგია საქართველოს ახლო წარსულისა, როცა პატრიოტულმა სულისკვეთებამ ზენიტს მიაღწია, ხალხს ნათელი მომავლის იმედი და რწმენა ჩაესახა. იმ ადამიანებსაც იგივე აღტკინება ჰქონდათ, რომლებმაც სრულიად საქართველო აიყოლიეს და შემართეს ეროვნული თავისუფლებისათვის ბრძოლაში ჩაბმულიყვნენ. ახლო წარსული ისტორიკოსებს ამომწურავად ჯერ არ განუხილავთ, ვინაიდან დრო, რომელიც გამოვიარეთ და რამაც ახლა ვიმყოფებით, დაუსრულებელია და ავტორი უღრმესი პატივისცემით, სიყვარულით მოგვითხრობს ამბავს ადამიანზე, რომელიც მკვილთა ქართულ-ბერძნული ოჯახისა.

90-ანი წლების საქართველო რეალურად იყო უშუქოდ, უგაზოდ... დაცარიელებულიყო დახლები, ყაჩაღობა, ქურდობა, უფულობა და შიმშილი მძვინვარებდა. აბოპოქრებსას იწყებდა ღირებულებათა გადაფასება, რასაც მოჰყვა არეულობა, გაუგებრობა, თითქოს ქვეყანამ ფორმა დაკარგა, აღარც სამართალია და არანაირი წესრიგი. ჩამოქცეული საბჭოთა კავშირის ნანგრევთა ქვეშ მოყოლილი საქართველო ძლიერს სუნთქავდა და ბუუტავდა.

დრომოქმელობა ახალით უნდა ჩანაცვლებულიყო, მაგრამ ხალხმა ჯერ არ იცოდა, როგორი და რანაირი იქნებოდა განახლებული ქვეყანა. ამგვარად აყალიბებს იმდროინდელ ვითარებას მანანა გორგიშვილი. ის, როგორც ქალი, დედა, მოქალაქე წერს, რომ 30 წლის მანძილზე შიგადაშიგ გაუგებარ ღირებულებათა გადაფასებას გადააყოლეს ადამიანთა ადამიანური, უბრალო, ყველასათვის გასაგები ინტერესები. საქართველომ მოიპოვა ნანატრი თავისუფლება, მაგრამ ხელისუფლებაში მოსულთ თავისივე ხალხი დავიწყნიათ. ახალ მთავრობებს ავიწყდებათ ამ ქვეყანაში მცხოვრებ, ერთი შეხედვით უბრალო, თითქოსდა არაფრით გამოჩენილ ადამიანთა სურვილები, ოცნებები, დავიწყნიათ, რომ ეს ადამიანები ინდივიდები არიან. ცუდი შედეგიც მივიღეთ, ხალხი გადასხვაფერდა. ყოველდღიურ ფუსფუსსა და ყოფით პრობლემათა მოგვარების პროცესში ადამიანები ერთმანეთის მიმართ გულგრილნი გახდნენ. პრობლემას ავტორი მძაფრად განიცდის, ვინაიდან უსიყვარუ-

ლოდ, ემპათიის გრძნობის გარეშე ქვეყნის აღდგენა-აშენება, წინსვლა და განვითარება ძალზედ ძნელია. თავისუფლების მოპოვების სიხარული დროთა განმავლობაში გაბათილდა, გაბატონდა ნიჰილიზმი და ქვეყანა გაქვავებულ მდგომარეობაში დარჩა, ამბობს წიგნის ავტორი.

მანანა გორგიშვილი სპეციალობით ჟურნალისტიკა და მკითხველს უმხელს ყველაზე მეტად რა ნიშნით მოსწონს ჟურნალისტიკაში მოღვაწეობა. ჟურნალისტიკა, სულერთია პრესის წარმომადგენელია თუ ტელევიზიის, უპირველესად უნდა შეარჩიოს თემა, მონიშნოს რესპონდენტები და ამის შემდგომ იწყება თავდავიწყება. პიროვნებები თავს გამახსოვრებენ აზრიანი პასუხებით, ზოგიც საკუთარი პროფესიის მიმართ სერიოზული დამოკიდებულებით. ჟურნალისტიკა ნიშნავს, ყოველდღიურად აწყდებოდე სხვადასხვაგვარ პრობლემას და მანანა ფიქრობს, რომ გამოსავალი არსებობს, რომელიც ერთადერთია. სახელმწიფოს და საზოგადოების ნება და ინტერესი ერთერთს უნდა ემთხვეოდეს. არც ერთმა მხარემ არ უნდა დაინანოს ენერჯია პროფესიონალიზმის გამოსავლენად, აგრეთვე ყველამ დროებით გვერდზე უნდა გადადოს პირადი ინტერესები, მხოლოდ საკუთარი კეთილდღეობისთვის გარჯა და საზოგადოების, სახელმწიფოს ინტერესების რეალიზაციისთვის იღვანოს.

მანანა ხვდება თავის რესპონდენტს, რომლის ბინამიც თურმე ერთ დროს დიდი სუფრები იშლებოდა და ყველა სტუმარს შუაგულ დარბაზში ასვეტილ დედაბოძზე ავტოგრაფი დაუტოვებია. ამ ოჯახს საქართველოს პირველი პრეზიდენტი ზვიად გამსახურდიაც სტუმრობდა და მერაბ კოსტავაც, რომელიც დაგამახსოვრდებათ სიტყვებით, ბატონ თამაზ ვაშაძეს რომ ეუბნება: - „ეს რა მომივიდა, ეს როგორ მოხდა, რატომ ვერ მივხვდი ვისთან მივდიოდი, ან ასე რამ შეცვალა, ადრე ასეთი არ იყო... ეს რა მომივიდა, ეს სად წაგიყვანე... სანყალი საქართველო, ვის ხელში ვართ!“ - უღირსი კაცის გვერდით ისხდნენ ბატონი მერაბი და თამაზი, იმ კაცის მიერ გაშლილ სუფრასთან, რომელსაც „ქართველობა“ სადღაც დაჰკარგოვდა და ამას განიცდის ჩვენი ეროვნული გმირი მერაბ კოსტავა, განცდებს ბატონ თამაზს უზიარებს და სრცხვინია კიდევ იმ უღირსი კაცის მაგივრად. უნდა, რომ გაეცალონ უღირსს, თითქოს რაიმე მომაკვდინებელი სენი სჭირდეს უღირს არსებას გადამდები.

წიგნის ავტორი ათვალთვლებს რესპონდენტის საცხოვრისს და გაოცებასთან ერთად მოწინების გრძნობაც უჩნდება ბატონი თამაზის მიმართ. გულითადი სულისკვეთებითაა გაჟღერებული მონათხრობი და კიდევ ამიტომაცაა წასაკითხად საინტერესო და სასიამოვნო. ოსტატურად გადადის მე-19 საუკუნის ბოლო პერიოდში, როცა ქალაქი ქიათურა აშენდა, ამ ხერხს იმიტომ მიმართავს, რომ ცოტა რამ მოგვითხროს წიგნის მთავარი გმირის წინაპრებზე, რომლებიც გამოირჩეოდნენ პატრიოტიზმით, შრომისმოყვარეობით. შიში, დაუფასებლობა, ტანჯვა-წამებაც არ მოჰკლებიათ ბატონი თამაზის წინაპრებს, ის რეპრესირებული ოჯახის შთამომავალია.

ინფორმაციული თვალსაზრისით წიგნი მრავალფეროვანია. დღეს წარმოუდგენლად მოგეჩვენებათ და მწერალი ლევან გოთუა იმიტომ დაუპატიმრებიათ, უწამეობით და ფრჩხილები დაუგლეჯიათ, რომ დააბრალეს, ვითომც ქაშუეთის ტაძრის აფეთქება ჰქონდა განზრახული და

კონსტანტინე გამსახურდიას, როგორც მწერალს, კარგა ხანს არავინ აფასებდა, მეტიც, აბუჩადაც კი იგდებდნენ ქვეყნის სათავეში მდგომრიც და მწერლებიც, რომ შემთხვევით დახვრეტას გადარჩენილი მწერალია; გაიგებთ, როგორ შენდებოდა თბილისში მეტრო; როგორ იცავდა ბატონი თამაზი ცხინვალის რეგიონში კულტურული მემკვიდრეობის ძეგლს ნათელ საყდარს; როგორ გადაარჩინა ობეხეს თანამშრომლების მიერ დაგეგმილ უბედურებას ბატონი თამაზ ვაშაძე პირადი მდივნის, თამთას ერთგულებამ და სხვა მრავალ საინტერესო ამბავს, მაგრამ ყველაზე მნიშვნელოვანი ზვიადისა და თამაზის გაცნობის, მათი დამეგობრების ისტორიაა.

არ შემიძლია არ შევეხო დავით გარეჯის თემას, რომელიც მეექვსე საუკუნის უნიკალური ძეგლია და ქართულ უდაბნოში დღესაც ამაყად დგას, ასხივოსნებს იქაურობას, ამიტომ ამბობს თამაზ ვაშაძე, ვისაც დავით გარეჯი არ უნახავს, მას საქართველო არ უნახავსო. დაუტყვევებია წიგნის მთავარი გმირის სული და გული იქ ნანახ ფრესკებს და აღნიშნავს, მაშინ, დავით გარეჯის ფრესკები რომ გადარჩა, ზვიად გამსახურდიას დამსახურებააო. ჩვენ დღესაც გვადარდებს ჩვენი საამაყო დავით გარეჯი და ადრეც სატიკერად დასდებიან გულმხურვალე ქართველებს! ეროვნულ-განმათავისუფლებელი მოძრაობის საპროტესტო აქციების შედეგად, სამონასტრო კომპლექსთან დაბანაკებული რუსეთის ჯარის მიერ მოწყობილი სანვრთნელი სროლა-ბათქი-ბუთქები შეწყდა, რომლებიც ზიანს აყენებდნენ უნიკალურ ფრესკებს.

მანანა გორგიშვილი ყურადღებას ამახვილებს 1989 წელს მომხდარ მნიშვნელოვან მოვლენებზე, ფაქიზად ეხება ქართულ-აფხაზურ ურთიერთობებს. მონათხრობში პერსონაჟებადაა წარმოჩენილი ან მივიწყებული მაშინდელი უნიათო მინისტრები, სხვა პირები, რომელთაც გულგრილად ხელთ ეყვრათ საქართველოს მომავლის მართვის სადავეები. მრავალ არასასიამოვნო ადამიანს გაგახსენებთ ნაწარმოები, მაგალითად ჟირინოვსკის, რომელსაც გულწრფელად უთქვამს ზვიადზე - „აი, ასეთი პრეზიდენტი უნდა ჰყავდეს რუსეთს, ასეთი განათლებული და ასეთი მცოდნეო...“ ამას ჟირინოვსკი ამბობდა, ქართველთ მოძულე, ენანებოდა ქართველთათვის ყოველმხრივ დადებითად შემკობილი რაინდი, მაგრამ ზვიად გამსახურდია გახდა საქართველოს პრეზიდენტი, ის ხალხმა აირჩია.

1991 წლის 9 აპრილს, 1991 წლის 1 მარტის საყოველთაო სახალხო რეფერენდუმის შედეგების საფუძველზე, უზენაესმა საბჭომ საქართველოს სახელმწიფოებრივი დამოუკიდებლობა აღდგენილად გამოაცხადა, ზვიად გამსახურდიაც ქვეყნის პრეზიდენტად აირჩია, რაც იმავე წლის 26 მაისს საყოველთაო-სახალხო საპრეზიდენტო არჩევნებზე დადასტურდა. მიუხედავად იმისა, რომ უკვე პოლიტიკურ ასპარეზზე გამოჩნდნენ სხვადასხვა პარტიები, ლიდერები, რომლებიც ყველა ხერხსა და ღონეს ხმარობდნენ, ამომრჩეველთა ნდობა მოეპოვებინათ, მაგრამ პირველ მრავალპარტიულ არჩევნებში გამარჯვებული მაინც ზვიადის „მრგვალი მაგიდა - თავისუფალი საქართველო“ აღმოჩნდა და მადლიანმა კაცმა მადლობაც მადლიანად თქვა: - „მადლობელი ვარ ქართველი ერის, ვინც ღირსად მყო ასეთი პატივისთვის...“

ღვთის ნყალობად და ნებად მიმჩნია, ორი ღირსეული ადამიანი, ქალბატონი

მანანა და ბატონი თამაზი ერთერთს რომ შეახვედრა. როგორი ყურადღებითაც გაამახვილა ბატონმა თამაზმა ზვიად გამსახურდიას პიროვნულ დადებით ღირსებებზე ყურადღება, იმგვარივე გულმოდგინებით წარმოაჩინა მწერალმა თავად მთავარი პერსონაჟისა და თავისუფალი საქართველოს პირველი პრეზიდენტის სულიერი სიმდიდრე, წესიერება, პატიოსნება. ეს იყო მართლა განათლებული, შემოქმედი, ღირებულებათა დამფასებელი პიროვნება. მწერალს ხაზგასმით დაუმახსოვრებია ის, რომ ზვიადს თავისი პრეზიდენტობის მანძილზე მხოლოდ ერთხელ შეუგინია, რომ მისთვის საქართველო იყო უპირველესი საზრუნავი, მას ადამიანები უყვარდა და როცა მინისტრამ ქვეყანა დაზარალა, ნიკორწმინდაზე დარდობდა, როგორც ძვირფას, ახლობელ ადამიანზე. ის ვაშაძეს ენდობოდა, ემეგობრებოდა, პატივს სცემდა, ამიტომაც დაურეკა და უთხრა: - უნდა უშველო, შენი იმედი მაქვს. თამაზ, ნიკორწმინდა რომ დაინგრეს, ჩვენი შთამომავლობა ვერ გაიგებს გალაკტიონის ლექსს...“

ქვეყანას კარგი პრეზიდენტი ჰყავდა, მაგრამ საქართველო მარტო იყო, მეგობარი ქვეყნები არ ჰყავდა, ჩაკეტილი იყო ჩვენი სამშობლო. ზვიადის მოშურნეები და სულთ მძეავი ამა სოფლისა ძლიერნი, შინაური მტრები ლალატის ბადეებს ქსოვდნენ, ზოგი ამკარად, ლიად, ზოგიც ფარულ-მალულად, თანაც, ეგრეთ ნოდებული „უფროსი ძმის“ ანუ რუსეთის იმედიც ჰქონდათ და იყო ერთი ადამიანი ქვეყნის საზღვრებს გარეთ, კავკასიელი ჯოხარ დუდაევი, ვინც ქართველ პრეზიდენტს და საქართველოს შეძლებისდაგვარად ხელს აშველებდა.

ზვიადმა „შეუვალი კაცი“ ქვეყნის დედაქალაქის მერად დანიშნა. თამაზს არ უნდოდა, სხვა საქმეები ჰქონდა დასასრულებელი, მაგრამ ზვიადმა შეაფასა: - „არა, შენ უნდა იყო, შენ კარგი მუშაობა იცი.“ და თამაზ ვაშაძეც პირდაპირ მერიამი მივიდა, ყოველგვარი წარდგენის გარეშე და შეუდგა მუშაობას ახალი, კარგი საქართველოს ასაშენებლად, მაგრამ არ დაასრულებინეს დიადი საქმე. შინაურმა მტრებმა შინაურებსვე გამოუცხადეს ომი. ცრემლმოურევად ვერ წაიკითხავ 6 იანვრიდან დაწყებულ ამბებს, თუ როგორ გამოაღწიეს ზვიადმა და მისმა მთავრობამ ალყაშემორტყმული შენობიდან, გაიქცნენ აზერბაიჯანში, მაგრამ იქ არ შეიფარეს, სომხეთმაც არასტუმართმოყვრულად მცირე ხნით მიიღო ქართველი პრეზიდენტი და უარი განუცხადა საქართველოში ექსტრადიციანზე. ზვიადი ჩიჩნეთს გაემშურა და იქ ჯოხარ დუდაევმა თავშესაფარი მისცა. ამ დროს კი საქართველოში ზვიადის მომხრეებს დასდევდნენ, შეუვალი კაცსაც.

ქალბატონი მანანა კარგი ანალიტიკოსია, ყველა კონკრეტულ საკითხზე მსჯელობს, ფიქრობს და დასკვნები გამოაქვს, რომლებიც არ მგონია მძაფრად სუბიექტური იყოს, ეს მსჯელობანი უფრო მეტად ობიექტურია. მასვე მოჰყავს მაგალითად ალბერ კამიუს ნააზრევი, „ისტორიის შექმნა ერთეულების ხვედრია, ისტორიაში მონაწილეობა კი თითოეული ჩვენგანის ვალდებულებაა“. წიგნის ავტორი თავის მთავარ გმირს, თამაზ ვაშაძეს თვლის საქართველოს უახლესი ისტორიის ერთ შემქმნელად. ამგვარი ადამიანების გარეშე ქვეყნის ისტორია ვერ იქმნება.

ქალბატონმა მანანა გორგიშვილმა პატრიოტებზე, დაუღალავ მუშაკებზე დანერა და როგორც დანერა არის საუკეთესო. ქალბატონი მანანაც გახლავთ მამულიშვილი, საქართველოს ღირსეული ასული და მადლობა მას ასეთი კარგი მონათხრობისთვის!

ცირა ნუცუბიძე

გვიყვარდეს

სიყვარულზე ძლიერი ქვეყნად არაფერია, იმას არ უცხოვრია, ვისაც არ ჰყვარებია.

ნიჭი ერთგულებისა სიყვარულის ნდობაა, დიდი ბედნიერება და უზადო გრძნობაა.

სიყვარული ღმერთია და სიცოცხლის არსია, იგი სულის ძალაა და ღვთიური მადლია.

სიხარულს ვანიჭებდეთ, სიყვარულით ვტკბებოდეთ, მის გარეშე ვერ ვძლებდეთ, უიმისოდ ვკვდებოდეთ.

ირაკლი ნადარეიშვილი

თუ ვინმეს განეკუთვნა...

ყველა ლექსი ვერ იქნება „შედევი“, და ვერ მოწყვეტს მოკიანე ვარსკვლავებს, მაგრამ, რა ჰქნას კაცმა, როცა მუზა ღრღინს, და სათქმელი ცხელი შანთით ანამებს.

ზოგი ცდილობს რითმით აზრის გარანდვას, ზოგს კი აზრში რითმა გვერდით გაურბის, გულზე გხვდება ზოგი, როგორც ქარაგმა, მაგრამ არ ღირს თქმა არცერთზე აუგის...

ზოგი ღიმილს, ზოგიც ტკივილს ჩაგიქსოვს, ზოგის რითმაც იბარბაცებს, მთვრალივით, ზოგი სევდის ფანტელზე დაგათოვს, გაგიტაცებს ზოგიც ნიავეპარით.

ყველა ლექსი ვერ იქნება „შედევი“. ზოგს მოხიბლავს, ზოგიც ნაიქილიკებს, დროის მიმართ ზოგი ხდება მედეგი და გაიკვლევს უკვდავების ბილიკებს.

ყველა ლექსზე ჰანგი ვერ შეიქმნება, ამღერდება ზოგიც ლამაზ ბგერებად, ყველა ლექსი ვერ იქცევა „შედევად“, მაგრამ წერეთ, თუ ვინმეს გენერებათ.

ლალი ასაბაშვილი

გაღის ირონია

მუდამ ვემდუროდი, მუდამ ვუჩიოდი ბედს... ჩემს თავს ვადარებდი, ტბაში მოფარფატე გედს.

ბევრჯერ გავეჩეცი, ბევრჯერ დავემალე ხვედრს... ამ ცხოვრებისაგან, არასდროს ვითხოვდი ბევრს.

ბევრჯერ მილაღატეს, ბევრჯერ გულს ლახვარი მცეს... ჯერაც ფეხზე ვდგავარ, გული სიყვარულით ძგერს.

ყველამ მიმატოვა, მარტოდ მიფუყვები გზებს, ბედის ირონია, კვლავაც ფეხდაფეხა მსდევს.

მაია კახიძე

კოცნასაჰით

ბელესს მიფათურებს შენი მონატრება და ეს სიყვარული ვერსად დავატიე, დღეს თუ უშენობა ისევ მოვარდება, დიდხანს ვიტყვებ და...მერე ვაპატიებ. ლამე შემომინვა ფიქრებმორეული, მგონი, ჩემნაირად ესეც შეშლილია, ისე ახლოს ხარ და მაინც შორეული, გულს კი მარტოობის როგორ ეშინია. ნღების არითმია წარსულს შევატოვე, ქარი შემოვარდა სულში გამეტებით, ლექსი, კოცნასავით ბევრი დაგიტოვე, იცი, სხვა ქალისთვის აღარ მემეტები. მაჯა ისე ფეთქავს, ლამის ამოვარდეს, მთვარე ლამეშია ფეხადჩამოსული, შენი გული მინდა გულში მყავდეს, ისევ ჩემი იყო, ისევ ჯადოსნური... ხელებს მიფათურებს შენი მონატრება და ეს სიყვარული ვერსად დავატიე, დღეს თუ უშენობა ისევ მოვარდება, დიდხანს ვიტყვებ და...მერე ვაპატიებ.

ნინო მღებრიშვილი

წვიმას!

ციდან მოხველ ისე წყნარად, ისე წრფელად, სათუთად, სიყვარულის ცრემლს მოჰგავხარ, ჩამოვარდნილს მალულად.

ყვავილებმა შემოგცინეს, მთამ გაგისხნა წარბი და შენმა სევდამ დაამწუხრა, ირგვლივ ყველა ატირდა...

მთის ბროლივით ბრწყინავ თმაში, სულს ატყვია იარა, შენმა ცრემლმა სხვას უშველა, შესვა შენი ფიალა!

შენი გრძნობის აბაზანამ სხვას სიცოცხლე შთაბერა, წვიმა, წვიმა მოვიდაო, ცეკვავს ბაბუაწვერა...

ციდან მოხველ ისე წრფელად, ისე წყნარად, უჩუმრად, მიგამგვანეს ნატიფ ქალს და დაგიძახეს უუჟუნა!

ხათუნა კვესელავა

საოცნაო ღამე

გახსოვს, ზაფხული, ანდა ის ღამე, ან ის უძირო ჩვენი თვალები?! ბედნიერების წუთებით სავსე, დაგვტრიალებდნენ ვნების ქარები...

დრო სად გარბოდა? ჟამი დარდობდა, გვენანებოდა ღამე ნეტარი, გული გულს მაინც კოცნით არ თმობდა, რამდენი შევესვით ერთად ნეტარი...

გახსოვს, ზაფხული, ანდა ის ღამე...

ლიკა ფარცვანია

თუ დააცადეს...

ჩამოაფარეთ! ფარდა სულის ყველა ფანჯარას, ვატყობ, ვერ უძლებს ამდენ საცდურს სუსტი სხეული... შემოსკუპდება ბნელ ღამეში ხეთა ქანდარას, დაელოდება მსხვერპლის ტკივილს ჯოჯო ნყეული... ბორგავს ქალაქი...ვერ წყნარდება უძილო ღამე... შერეკილების მეჯლისია ქუჩის ბოლოში. გაზაფხული კი ისევ ითვისს დარჩენილ ნამებს, დაღლილი სული მუზას ეძებს თავის სოროში... ჩამოაფარეთ! ფარდა ცხედარს! გათენდა უკვე... ჭექა-ქუხილმა გაანათა ბნელი სამყარო. წვიმა საჩუქრად ჩემს პასკვილებს საკმევებს უკმევს, ვილაცა ცდილობს დღე და ღამე ერთურთს გაჰყაროს... უნდა გადავრჩეთ! ბენვის ხიღბე გავდივართ ყველა... უსიტყვოდ სიკვდილს მიჩვევია ღრმის ღრიალი! თავისუფლება ცაზე ლამაზ ვარსკვლავად ელავს თუ დააცადეს დედამინას ღერძზე ტრიალი... ჩამოაფარეთ! ჩამოაფარეთ!..

ხათუნა ცომია

ღამიერი

ალუბლის ფერი დასდებია ჩუმ მონატრებას, კუნწულ-კუნწულად დაგროვილა ფიქრებში ცრემლი. ატმის ყვავილად აფეთქებულ მოგონებას კი გულის სიღრმეში დაუპყრია ნატიფი ნღები...

ქარვად გიზგიზებს ნატვრა - მტევნად მზისგან ნაჟური, ცეცხლნაკიდებულს გული მისდის ბროწეულის ხეს. დარდად მანვება შენს გარეშე ეს გაზაფხული, არადა დროსაც ვერ აჩერებს მწველი სიგიჟე...

უაზრობაა, ჩავისუნთქო იასამანი, აკაციასაც დავენაფო ნანატრ წყურვილით, თუკი სიცოცხლე გაიმარჯვებს დამპირდი მაშინ არ მიმატოვებ, ჩემთან რჩები დასაბამადე...

ალუბლის ფერი დასდებია ჩუმ გადარევას, სულ ფთილა-ფთილა დაგროვილა სიზმრებში ცრემლი. აკაციის ხედ აფეთქებულ მოგონებას კი სულის სიღრმეში დაუპყრია ნაჟური ნღები...

მაკო გელაშვილი

პოეტი არ მისდევს მდინარის დინებას, ის ალიგიერის სულივით ანთია, პოეტი მისწვდება მწვერვალთა სიშორეს, მის გულში მწუხრი და განთიადია, პოეტი წვიმაში მზედ ამოენთება, პოეტი გაგიშლის ღიმილის ბაირალს, ღიმილის მიღმა თუ სევდა იმალება, გამოსდის ცხოვრება დაიწყოს თავიდან, პოეტი გინათებს უკუნეთს, გაპურებს, პოეტი ნამდვილი, წრფელი და ნაღია, პოეტის კალამი ღაღადებს სიყვარულს, პოეტის განცდები ყოველთვის საღია... პოეტი სინდისის შუქურაა, მკითხველის გულამდე თუ რა გზა გალია...

თამარ ტყაბლაძე

კადრი

ჩვენი ცხოვრება გაღის კადრებად, — იღებენ ხან კარგს, ხანაც ცუდ კადრებს, ხან ფიქსირდება განცდილი სევდა, ხან სიხარული, რაც გვერგო ადრე... და ეს კადრები რჩება წარსულში: ზოგში ვიღივით, ზოგშიც — ვიცრემვლით, — შემოვინახავთ ყველა კადრს ჩვენთვის მერე ვუყურებთ გაფაციცებით; — ვხედავთ წარსულში როდის რას ვგრძნობდით, რაც დღესაც სევდით მოგვიხმობს შორით და რა იქნება ის ბოლო კადრი, რომელიც რჩება ოთხ ჩარჩოს შორის?..

ლია გიგიტაშვილი

ღაფიონის სიფონია

ყურმა ისმინა დაფიონზე ცისკრის გალობა, ქართულად ხმობდა მგალობელი ყველა ფრინველი: დიდება შენდა, შემოქმედო, დაუსაბამო, ბედნიერია გული ჩვენი - შენი მხილველი! ახარე ყველა, დიდ-პატარა, შენი მცნობელი; მეფე და გლეხი, ვინც იმედით თესავს ყანასო, წყალობის თვალი მოაფინე დედაბუნებას... იქვე მამალმაც დაიყვილა: ამ-ქვე-ყა-ნა-სო! ხმობდნენ ფრინველნი სიყვარულზე, ცის საუნჯეზე, სთხოვდნენ ზეციერს, რომ ივერი ხვავით აავსოს... ეზოს მამალმა იჩურჩულა: ღმერთო, მოხედე... მერე ქართულად შემოსძახა: ამ-ქვე-ყა-ნა-სოოოო!



ავთანდილ ყურაშვილი - 80

80 წლისა შესრულდა გამოჩენილი ქართველი მწერალი და საზოგადო მოღვაწე ავთანდილ სერგოს ძე ყურაშვილი. ამის გამო საქართველოს მწერალთა კავშირმა იუბილარს მისალმება გაუფ...

ჩვენი ძვირფასო ბატონო ავთანდილ!

საქართველოს მწერალთა კავშირი, თქვენი მეგობარი ქართველი მწერლები დიდი სიყვარულით მოგესალმებიან თანამედროვე ქართული მწერლობის ერთ-ერთ უბრწყინვალეს წარმომადგენელს და გილოცავენ ღირსშესანიშნავ თარიღს...

თქვენ ქართველ მწერალთა იმ მცირერიცხოვან გუნდს მიეკუთვნებით, რომელიც ფაქტობრივად განსაზღვრავს XXI საუკუნის ქართული სიტყვაკაზმული მწერლობის განვითარების ორიენტირებს. თქვენი სამწერლო დებიუტი 1961 წელს შედგა, როდესაც გაზეთ „ქუთაისში“ გამოაქვეყნეთ ლექსების ციკლი...

გამორჩეულად მნიშვნელოვანი, საკუთარი ხელნერის მქონე პოეტი ხართ. ამის დასტურია თქვენი ისეთი პოეტური კრებულები, როგორცაა „სინათლის ნაპირი“, „გამოჩნდა მინა“, „რკინის ყვავილი“, „მარად და მარად“, „ნობი“, „სიზმარ-ბალადა“, „ხატ-პეპელა“, „აქ, ამ სამოთხეში“, „სიკვდილი სინათლეა“, სამტომეული... ამ კრებულებში ძალუმად გამოჩნდა თქვენი პოეტური ძალმოსილება, აზროვნების ორიგინალური, მრავალნახნაგოვანი სტილი, ექსპრესია, ისტორიული და ბიბლიური თემების გააზრება, სამყაროს ფილოსოფიური ჭვრეტა...

თქვენი პოეზიის ლირიკული გმირი მართლაც რომ დაბნეულია დედამიწაზე გამეფებული ქაოსით, განუკითხაობით, სიძულვილის იმ ბაცლიებით, ნალექით რომ ემუქრება ჩვენს ულამაზეს, უმშვენიერეს ცისფერ პლანეტას, ვერ გაუგია, თუ რისთვის მოველინა ამ ცოდვით დაცემულ სამყაროს, ასე უღვთოდ და უმონყოლოდ რატომ კლავენ და თელავენ მის სულს, შეჰლალადებს შროშანას. ლელეთა და ცათა კიდეთა ყვავილს და იმის იმედად რჩება, რომ ის

მანაც ხვდება ცათამაღლების უსაზღვრო სურვილით აღსავსე პილიგრიმის ნადილს, შეუძლია ახლადანურული ღვინოსავით დაუსრულებლად სვას ცამდე განფენილი მშვენიერება ნანდაურისა, ნიამორები ჩასახლებიან სულში და მოსვენებას არ აძლევენ, უფლისციხესთან თავს დიდი სახელმწიფოს საქთმპყრობელად გრძნობს, სწორედ აქ, ამ ქვაბულებთან, უცოცხლდება სერაფიტა, ასე უსაშველოდ სასურველი, მწუხარე და უთერთესი. პატარა ბავშვივით წუხს იმაზე, გაზაფხულის პირს თუ მოფრინდება მის ბაღში ალუბლის ტოტების ბინადარი ჩიტები; თანდათან ემსგავსება მგელს, ბებერ, დაუძლეურებულ, შიმშილისგან აყმუვლებულ მგელს, რომელსაც ერთი სული აქვს გამოფიტული მკერდი ძველებური შემართებით შეუშვიროს ავბედით ტყვიას...

მრავალნახნაგოვანი შემოქმედი ხართ და ამის დასტურია თქვენი მშვენიერი პროზა, თქვენივე პოეზიის ორგანულ გაგრძელებას რომ წარმოადგენს და თანამედროვე ქართული პროზის მიღწევათა რიგს რომ განეკუთვნება. ცალკე აღნიშვნის ღირსია რომანი „ცდომილთა დღესასწაული“, რომელშიც პირუთვნელი მემბრის დარად აღწერეთ XX საუკუნის სისხლიანი წლების პერიპეტიები, აღწერეთ დამაჯერებლად, მწერლური სიმართლით დაგვიხატეთ სიკეთისა და ბოროტების მარადიული ბრძოლა...

საყურადღებო ესეები მიუძღვნით ვაჟა-ფშაველას, გალაკტიონ ტაბიძის, ლეო ქიჩელის, ჭაბუა ამირეჯიბის, ოტია იოსელიანის, ჯანსუღ ჩარკვიანის, ჯანსუღ ღვინჯილიას და სხვათა შემოქმედებას.

თქვენი ტექსტების საუკეთესო ნიმუშები თარგმნილია სომხურ, აზერბაიჯანულ, რუსულ ენებზე. თავადაც ჩინებული მთარგმნელი ხართ და ქართველი მკითხველი სწორედ თქვენი თარგმანებით გაეცნო ბაირონის, ბლოკის, მაიაკოვსკის, შინქუბას პოეზიის ცალკეულ ნიმუშებს, ვლადიმერ უსპენსკის, ელვირა გორიუხინას, ივან პერევერზინის, მარინა პერეიასლოვას პროზას.

სად არ გიმუშავიათ, საავტომობილო თუ სატრატორო ქარხნების მუშად, მშენებლად, სკოლის მასწავლებლად, მცირეტირაჟიანი გაზეთების რედაქტორად, ქუთაისის საჯარო ბიბლიოთეკის განყოფილების გამგედ, ჟურნალ „განთიადის“ პასუხისმგებელ მდივანად და რედაქტორის მოადგილედ. 1992 წლიდან კი ამავე ჟურნალის მთავარი რედაქტორი ხართ და თქვენი დიდი დამსახურებაა, რომ ამ ყველასთვის საყვარელ ჟურნალს არამატერიალური კულტურის ძეგლის სტატუსი მიენიჭა...

სიკეთით და ღირსებით სავსე პიროვნება ღირსეულად დაჯილდოვდით ღირსების ორდენით. მინიჭებული გაქვთ საქართველოს მწერალთა კავშირის (მ), დავით აღმაშენებლის, აკაკი წერეთლის, დავით კლდიაშვილის, გალაკტიონ ტაბიძის, გიორგი ლეონიძის, ოთარ ჭილაძის სახელობის პრემიები, წმინდა ნინოს ფესტივალის მთავარი პრიზი...

ბატონო ავთანდილ!

კიდევ ერთხელ გულმხურვალედ გილოცავთ საიუბილეო თარიღს ღირსეულ შემოქმედსა და ერისკაცს, დღეგრძელობას და მზეგრძელობას გისურვებთ თქვენი საესავი ქვეყნის სადიდებლად.

საქართველოს მწერალთა კავშირი

ჩემო ავთანდილ!

ოთხმოცს გილოცავ! არსთაგამრიგე მამულიშვილს იმდენ წელს აძლევს, რამდენი ძალაც დაანათლა, რომ ამა ქვეყნის ვალი გადაიხადოს.

როგორც ჩანს, შენ და შენთან ერთად სამშობლოს გადარჩენის უღელში შებმულთ ჯერ ჩვენი საღვთო ვალი არ გადაგიხდია და იქნებ ამიტომაცაა, რომ ჯერ საიმქვეყნო ზარი არ რეკავს ჩვენთვის.

ღმერთმა ჯანის სიმრთელე მოგცეს.

სახელოვანი მწერალი ხარ.

გამორჩეულია შენი პოეზიაც და პროზაც.

რასაც ამბობ და წერ, ერის საგანძურს ემატება, რადგანაც საქართველოს გაძლეულების სურვილითაა გაცისკროვნებული.

რა უანგარო და მღმობელი გულის კაცი ხარ.

შენ ლამის ერთადერთი ხარ, ვისაც ჩემი ოცდახუთტომეული თავიდან ბოლომდე გაქვს ნაკითხული.

საიდან ვიცი?

მასხოვს, 80 რომ მომილოცე, მაშინ მითხარი: რეზო, ხელხვაიანი მწერალი ხარ, შენს 25 ტომეულში 12 ტომი მარტო ნოველას უჭირავს. დანარჩენი სხვა ჟანრებსო.

მადლობელი ვარ ამ ყურადღებისთვის.

შენი კარგი „განთიადით“ დიდხანს გეგანთიადოს.

რევაზ მიშველაძე



მიხეილ ზანდუკელი

ასახეთის ღამის ელავია

თელავის თავზე თრთოლვით შემოდგა ქინძმარაულით შემთვრალი მთვარე...

იდუმალ ღამეს სიო შვენოდა, მე კი მმონებდა ფიქრები მწარე.

ზნე შეიცვალა სამყარომ რთულმა, ვინ სწავლობს შოთას, ვაჟას, ჰომეროსს?! ბორკილგაყრილმა პოეტის გულმა სევდის ჰანგებით სანამ იმღეროს?!

ვითარ გაუძლოს არეულ ანწყოს, რომელიც ცდილობს მყოფადის ჩაკვლას... თავისუფლება როს იყო ახლოს, რად მივაბარეთ უდროოდ საფლავს?!

არავინ უწყის სადამდე გასტანს ეს არეული მკვახე ცხოვრება... თუ არ ვუშველეთ მთელ ერს და ჩვენ თავს, წარსულიც არვის გვემახსოვრება!

ცხოვრება მიძრის

გიჟური ტემპით მიქრის ცხოვრება, კუთვნილი წლები გვეცლება სწრაფად... ქვეყნის სიკეთეც ნელა გვემორდება, ვერც ჟღერს გიტარა, ჩანგი და არფა.

ჩვენს ასეთ ყოფას რა უნდა ერქვას? როს უმრავლესთა სულში ბინდია და ფიქრის ნაცვლად მშვენიერ მწვერვალს, ნისლად თვალეზეც ცრემლი ჰკიდია?!

ვეძებთ, ვესწრაფვით, სიყვარულს ველით, სიცოცხლე როცა უკულმა მიქრის... გულიც და კვარც გვიჭირავს ხელით, მაგრამ ტაძრისკენ ვერ ვკვალავთ ბილიკს.

ვადიდებთ მწუხრზე ცის სილამაზეს, ის თუ დასერეს სხივთა ეშვებმა... იმ ქალსაც ვლოცავ, სულს ვინც შეაღწევს და სიკვდილამდე არ მოეშვება.

სიტკბოს, რაც შეგვხვდა და განვიცადეთ, განმეორება არ უწერია...

და თუნდაც ბედი გვიტევდეს მწარედ, ვთქვათ, რომ ცხოვრება მშვენიერია!

შაილაშა

ჩვენი მზეც, მწუხრზე, თანდათან ჩადის, დაკარგა ბრწყინვა მწვერვალთა ბროლმა... დარდს გვმატებს ფოთოლთ შრიალი ჭადრის და ნაზი ვერხვის გრძობათა თრთოლვა.

ჩათვლემენ თოვლში ცისფერი მთები, არაგვსაც, თერგსაც, სინყნარე მოსავს და კვლავ ობოლი სულით დავხვდები, უგრძობი ზამთრის ნადრევ მოსვლას.

ვერვის ელირსა შეცვლა ჩვენ ყოფის, ცხოვრება, ბნელში, უაზროდ გარბის... და შეყვარებულთ გულში შემოდის სევდა ნოემბრის გაზრდილი ღამის.

წუ ვაჰრკვით ქარის ნისქვილას

ქარის ნისქვილებს ვებრძვი უაზროდ, ხალხმა ვერ პოვა როს სამართალი... მთავრობა ერთან აღარ საუბრობს, ვერც ჭვრეტს ბრძოლის ველს მთავარსარდალი!

სალად მსჯელობა „ზევით“ არვის სურს, მთავრობის წევრთან ვერც მე მივედი... განცხადებებზე არვინ გვცემს პასუხს, გადაგვეწურა ყველა იმედი!

არც ინტერესი გვაქვს, არც ღირსება, ვდავობთ: „ჩიხირთმა სჯობს თუ ბოზბაში“... პატიოსნება დღეს იძირება ავ მოხელეთა მცირე ხროვანში!

სული აგვივსებს სევდის ქარებმა, უგზურთ სიმართლის ხმა ვერ მისწვდება... ხდება ქართველთა გადაგვარება, ბრძნული წარსულის ქრება ღირსება!

ჭეშმარიტება ვერ გვიპოვია, „არსაიდან ხმა, არსით ძახილი“... მთვლემარ სულებში ყინვა, თოვლია, სწორ გზას ვერ ადგას მრუდე მარხილი!

თოვლის მოსვლა

დილიდან თოვდა, - სიცივე აჟღერდა, სადღაც ღმუოდა მგელი მშვიერი... დამხვდა სიძუნწე ბუნების ფერთა, სივრცის სითეთრე და ტყის გიშერი.

როს ვხედავ, - მიგვდის ცხოვრება დაღმა, ფიფქთა ყურებით ველარ ვმშვიდდები... ჩამოგვიტანა მთებიდან ქარმა - გაძარცვულ ხეთა პანაშვიდები!

უფლისგან, თუმცა, არ მეძლვნა ფრთები, ტანჯულ გულს აკლდა ყოფის დარები... წრფელი გრძობებით და აღმაფრენით ცის გუმბათისკენ გავემგზავრები.

ტკბილი ოცნება ნათელს დღესაც მფენს და გზებს მინათებს წყვილად ღამეში, ცისფერ სივრცეში ბოლოს ამაფრენს, უმეცრებით დაბლა თუ დავეშვი.

მეოცნებე - ავ ბედს ვეურჩები, შუბლს მიგრილებენ თოვლის წვეთები... და კვლავ მარტოკა, ნაცნობ ქუჩებით, ტკბილ მოლოდინით დავეხეტები.

დილიდან ბარდნის, ფანტელს ვერ დავთვლი, თოვლში ისვენებს მთა და ტყე-ველი, ბუნაგში ტკბილ ძილს განაგრძობს დათვი, ბალახს კი უკვე ვერ აგნებს შველი.

კარგა ხნის წინათ, აღდგომის კვირაში, უფროსი მეგობარი, ცხოველებული გენო კალანდია, მესტუმრა. სუფრაზე დედაჩემის, თამარ ნაფეტვარიძის, სადღეგრძელო შევსვით და გენომ, მოულოდნელად, გიორგი ნაფეტვარიძის ლექსების კითხვა დაიწყო. მოგახსენებთ, ის არაჩვეულებრივი დეკლამატორი გახლდათ. ახლაც ყურში ჩამესმის :

„მე მოვალ შენთან, როდესაც მდუმარ ღამეს მოუხმობს ტბიდან გედები და ავტირდები შენს მკერდზე ჩუმიად ჩემი ეჭვებით და იმედებით ჩვენ ვივლით დიდხანს, გვიან ღამემდე, დედა იჯავრებს: სად წახვედითო! შენ დაიღლები, მხრებზე დამენდე და მე ნაგიყვან, ძვირფასო ტვირთო!...“

ჩემს სიხარულს საზღვარი არ ჰქონდა, წინ მეჯდა კაცი, რომელთანაც შემქმნელი ჩემს უსაყვარლეს პოეტზე, ჩემს სისხლით ნათესავზე, გიორგი ნაფეტვარიძეზე მესაუბრა. მეც იმ სოფელში და იმ სამეზობლოში გავიზარდე, სადაც გიორგი იზრდებოდა. იქ ჩემი დედულეთია. დედაჩემი და გიორგი, როგორც იმერლები იტყვიან, ერთი ბაბუხე შვილები იყვნენ. უფრო ზუსტად, დედაჩემის ბაბუა და გიორგის ბაბუა, ძმები იყვნენ. იქით გენო გაცოცდა გიორგი ნაფეტვარიძის შემოქმედების ჩემგან ასე საფუძვლიანი ცოდნით და აქეთ მე - რატომ დაიხეპირა მან გიორგის ამდენი ლექსი. პოეტმა პოეტის ლექსები იცოდეს, გასაკვირი ამასი არაფერია, მაგრამ იმ თაობაში, რომელსაც ლადო ასათიანის თაობა ჰქვია, და რომლის ერთ-ერთი კაშკაშა ვარსკვლავი, ჩემი აზრით, გიორგი ნაფეტვარიძეცაა, ის ნაკლებად აღიარებული და შესაბამისად, ნაკლებად ცნობილია. ამიტომაც, მისი დაინტერესება, ცოტა არ იყოს, გამაკვირვებდა. მაშინ გენომ შემეგულა, შემესწავლა გიორგი ნაფეტვარიძის ცხოვრება და შემოქმედება და ჩემი საყვარელი პოეტისა და ნათესავისთვის ქართულ ლიტერატურაში თავისი კუთვნილი ადგილი მიმიჩინა. თითქოს შევთანხმდით კიდეც და პირობაც დავდე, მაგრამ მე ეს ვერ მოვახერხე. ამას ყოველთვის ვნუხდი და ლიტერატურულ საზოგადოებაში ამაზე ხშირად მიწუნუნია.

შარშან, ერთ შეკრებაზე, ერთმა ლიტერატორმა, არსებობს მშვენიერი ნიგნი გიორგი ნაფეტვარიძის ცხოვრებაზე და ავტორიც დამისახელა - როზა დევდარიანი, ქუთაისელი ქალბატონია, ფილოლოგიის დოქტორია. მივდექ-მოვდექი, მაგრამ ეს ნიგნი ვერ ვიპოვე. დალოცვილი ფეისბუქით დაუუკავშირდი ქალბატონ როზას და ერთ მშვენიერ დღეს შინ მივადექი. კარი მეუღლემ გამიღო და მისაღებ ოთახში შემიძღვა, როზა ახლავე გეახლებათო. ისეთი შეგრძნება მქონდა, თითქოს ლიტერატურულ სალონში მოხვდით, ნიგნებიანი, მშვიდი, და სასიამოვნო გარემო დამხვდა. შემობრძანდა ქალბატონი როზაც და ჩვენ შორის დიდი ხანი იყო, თითქოს გუშინ დაწყებულ საუბარს ვაგრძელებდით. ვსაუბრობდით გიორგიზე, მის და-ძმებზე, მეუღლეზე, შუამთაზე, იმ საფიჩხიეს გორაზე, სადაც ჩემამდე დიდი ხნით ადრე გიორგი დარბოდა. გაცივებული ვუსმენდი, ნაფეტვარიძეთა სამოხიოს იმჟამინდელი ყოფა-ცხოვრებისა და გარემოს ასე ზუსტი აღწერა დედაჩემისაგან თუ მომისმენია. (დედა მხოლოდ რვა წლით იყო გიორგიზე უმცროსი და მათი ბავშვობა ერთმანეთის ნაკვალევზე დააბიჯებდა.) საუბარი ჩამოვუდგე გიორგის ცხოვრების ისეთ ნერვიანობებზე, რომელიც მე ოჯახში მქონდა განაგონი და წესით, ქალბატონ როზას, თუნ-

დაც მისი შემოქმედების მკვლევარს, არ უნდა სცოდნოდა, მაგრამ გაუნბილდი, ეს ქალბატონი თითქოს მის გვერდით იყო გაზრდილი, მისი ბიოგრაფიის ყველა დეტალი ახსოვდა.

ჩემი გაცოცხლება მერე უნდა გენახათ, როცა ქალბატონ როზას გამოვემზვიდობე, რამდენიმე წინაშე ჩაჩუქრად გამოვიყოლე და მანქანაში ჩაჯდომისთანავე, მშვენიერი პოლიგრაფიით გამოცემული „დაიჭირეთ ჩემი სული...“ გადავშალე. წესად მაქვს პირველად

ჭირისუფალი

ბოლოთქმის ნაკითხვა:

„ოთხი ათეული წელია, რაც გიორგი ნაფეტვარიძის ნათელი ხატება მდედრის. ფეხდაფეხ მაქვს მოვლილი მისი ნატურფალები, მისაუბრია მის დედასთან, დასთან, ძმასთან, შევხვედრილვარ მის თანაკლასელებს, მოსწავლეებს, თანამოკალმეთ, თანამებრძოლთ... ვკრებდი მოგონებებს, ჩაკვირკიტებდი მის სტრიქონებს, ცვდილობდი შემიცნო მისი სული და ქალაქზე გადმოვლე ვარა... „დაიჭირეთ ჩემი სული“ - ამ ფრაზაში, ცხადია აზრი მეტაფორულად არის გამოხატული და მთქმელის სულიერ სამყაროს წვდომას გვდებს ვალად. რამდენად შეეძელი ამ ვალის მოხდა, მკითხველმა განსაჯოს...“

ერთი სიტყვაც კი, ამ აღსარებაში, ტყუილი არაა, აქ გულწრფელადაა გამხელილი ის შრომა, რაც ქალბატონს გაუნეცია ამ მისთვის უცნობი ადამიანის უკვდავსაყოფად. ამაში მერე, როცა ნიგნი მთლიანად წავიკითხე, თავად დავრწმუნდი. „უცნობი ადამიანის მეთქი“, შემთხვევით არ დამინერია. ლიტერატურის მკვლევარი, როცა მწერლის შემოქმედებას სწავლობს, და როცა ამას სამეცნიერო ხარისხის მოსაპოვებლად აკეთებს, ნაკლებად ცდილობს, ძირფესვიანად ჩაეძიოს მწერლის ბიოგრაფიას და ისეთი ნერიღმანები გამოამზეუროს, რაც არაფერს რგებს და არაფერში სჭირდება მის ნაშრომს, მაგრამ მწერლის სულიერი პორტრეტის სრულყოფისათვის, აუცილებელია. ამას მხოლოდ მკვლევარი - ჭირისუფალი აკეთებს!

დიახ, ეს ნიგნი არაა მხოლოდ ლიტერატორის დაწერილი, ეს ჭირისუფლის მონათხრობია. ეს ჭირისუფალი კი, გინდ დაიჯერეთ და გინდ არა, გიორგის თანამედროვეცაა, მეგობარიცაა, სატრაფიცაა, დაცაა, მეზობელიცაა... ყველაა, ვისაც პოეტის „სულის დაჭერა“ შეუძლია!!

„გიორგის ცხოვრების რომანი“ - ასე დავარქმევდი ამ ნიგნს. ზოგადად, ასეთ ნაწარმოებებს, ასე არქმევენ კლასიკოსები. ნიგნის პირველი ნაწილი, „სხვის ომში ტოტეზდამტვირეული ღიმის ბიჭი“, წმინდა წყლის რომანია, ბიოგრაფიული რომანი. აქ მწერლის მთელი ცხოვრებაა ასახული დაბადებიდან უგზო-უკვლოდ დაკარგვამდე. ერთი სიამოვნებაა გასული საუკუნის ოციან-ოცდაათიანი წლების იმერული სოფლის ყოველდღიური ყოფის აღწერის კითხვა. ეს ყველაფერი, პოეტს რომც არ უკავშირდებოდა, იმდენად მიმზიდველად დაწერილი და იმნაირი მხატვრული ფერებითაა გალამაზებული, თვალს ვერ მოწყვეტ, მითუმეტეს, თუ იცნობ იმერეთს, და უფრო უმეტეს, თუ ამ სოფელში შენი ბავშვობაც გეგულდება. ჯერ მარტო გიორგის დაბადება და გაშვილება - „გაყიდვის“ სცენა რად ღირს, მერე მისი ავადმყოფობის და მისგან შაკო ბიძიას რძლის, სენაკელი ნინო შამუგიას მეგრული „ნანას“ მონატრება. როგორი სრულყოფილი ლიტერა-

ტურული პერსონაჟია ნინო შამუგია, როგორი მხატვრული დეტალია იმ ღამესვე მისგან ტყუპების გაჩენა და მათგან ერთისთვის ნანასი და მეორისთვის გიორგის დარქმევა. რად ღირს ნინოს ჩონგურიანად გიორგის საძინებელში შემოსვლის რიტუალი:

„ნიმომ მოხდენილად მოიღერა კისერი, სათუთად შემოიდო მუცელზე ჩონგური და ტკბილად დაამღერა:

„ნანაია, ნანა-სკუა, ნანაჰ ჭირიმა, არკვანიშა აშამჯანუ, ვარდიშ პირი მა,

გამუიონწყი შქართუნი დო, აშოჯინი მა, ბუა დო თუთს ქოგურაფუ, მუში ჭირიმა!“ ყველანი მოწუსხულნი უსმენდნენ სენაკელ პატარძალს. ნარწარად თამაშობდნენ სიმებზე თლილი თითები, ვარდი და ზამბახი ელვარებდა ფაქიზ ღანვებზე, გიორის ტბორები ლივლივებდნენ ნამწამთა ჩეროში, კუთხეში ცრემლად იღვრებოდა წმინდა სანთელი, ბუხარში უხმოდ იფერფლებოდა მოზრდილი კუნძი, ტყემლის ხეზე მესკია გალობდა და შვიდმისის შხაუნა წვიმაც უჩუმრად რეცხავდა აშოლტ-ილ ხეთა მწვანე კუნკულოებს.“

ეს ნინო შამუგია და მისი ტყუპები გიორგის ბავშვობის თანამდევნი ადამიანები. გიორგიმ თავისი „საუკეთესო „ნამუშავენი“, მამობილის რჩევით, ნინო შამუგიას ტყუპებს მიართვაო“, წერია ერთგან. „მუშაკობასთან“ დაკავშირებული გიორგისა და მისი მამობილის ცხოვრების ერთი ეპიზოდი ისეთი წყობილი სიტყვით, ისე სადად და იმავდროულად მწერლური აღმაფრენითაა აღწერილი, ნებისმიერი პრეტენზიული მწერალი მოანერგა ხელს:

„ტარასი დროს არასდროს კარგავდა უქმად. ზამთრის საქმეზე ზაფხულში იწყებდა ზრუნვას, ამიტომაც დილით სისხამზე ადგებოდა, წინა დღით გაღესილ წალდს ერთხელაც გაამარმალებდა, მსუბუქად ისაუზმებდა და ტყისკნ მიმავალ გზას დაადგებოდა. გიორგი ხან წინ უსწრებდა, ხან გვერდით მიჰყვებოდა, ხანაც კვალში მისდევდა. ნაბლნარში შესვლას კარგა ხანს უნდებოდნენ, მაგრამ გიორგი ერთსაც არ დაიჩვილებდა, ცქვიტად მიბაკუნობდა, გზადაგზა თავისი გაკეთებული შვილდისთვის საისრე ჯოხებს თლიდა და ტყარში იმაგრებდა. ნათლია ნაბლის ტყეში მავჯის სისხო ტოტებს არჩევდა, მოზრდილ კონას კრავდა და სახლში მიჰქონდა. მეროდებ თხილნარისაკენ გასწავდა, ცერის სისხო ტოტებს გამოსხეპავდა და ამასაც შეუსვენებლივ მიიტანდა სახლში. დაზამთრებამდე სხვა საქმეებთან ერთად საგოდრე მასალის გამზადებასაც ახერხებდა. ნაბლის ტოტებს ღამეებდ დახლეწდა, თხილისას - ტყეჩებდ დათლიდა, დაასუფთავებდა და ცალ-ცალკე აწყობდა. მოსავალს რომ დააბინავებდა და არაყსაც გამოხდიდა, ბუხრისპირს მიჯდებოდა და გოდრების დანუნას იწყებდა.“

ზღაპრების, მითებისა და გიორგის ბავშვობის პასტორალური სურნელებიდან ნელ-ნელა გადავყავართ ავტორის ოცდაათიანი წლების სასტიკ და განუკითხავ გარემოში. ეს იყო უმძიმესი წლები თავისი კოლექტივიზაციითა და დასმენა დახვრეტებით. ნიგნში ეს პერიოდიც არანაკლებ საინტერესოა აღწერილი. ვერ მოთვლით, იმ დროის რამდენი დოკუმენტი და ეპისტოლეა შესწავლილი და გაანალიზებული. რა ზუსტადაა მოხმობილი პოეტის სტრიქონები ამა თუ იმ აზრის დასასაბუთებლად. პედინსტიტუტის

წლები, მეგობრები, ურთიერთობა პოეტებთან, რედაქციებთან, პარტიულ მუშაკებთან, ეს ყველაფერი ისე ოცტატურადაა შერწყმული ავტორის გამოგონილ ამბებთან და სიტუაციებთან, არსად ჰარმონია და დამაჯერებლობა არ ირღვევა. ცალკე თემაა გიორგის სიყვარული. მისი ნათელა, გიორგის წერილების ადრესატი კი არაა, ამ ბიოგრაფიული რომანის ერთერთი მნიშვნელოვანი პერსონაჟია. მათ მიმოწერას მე ისე ვკითხულობ, როგორც შეყვარებულთა ცოცხალ დიალოგს.

მინდა გითხრა, რომ ამ ნიგნის ანალიზს არ ვაპირებ. მე არ ვარ კრიტიკოსი. მე მხოლოდ ჩემს დამოკიდებულებას გამოხატავ. არ ვეხები ნიგნის მეორე ნაწილს, სადაც გიორგი ნაფეტვარიძის პოეზიაზეა საუბარი. სადაც გაანალიზებულია ყველაფერი, რაც კი დაუნერია ოცდაათს წლამდე ამ უნიჭიერეს ყმანვილს. ამ კუთხითაც ბევრი რამაა ახლებურად დანახული და გააზრებული.

„მას არ დასცალდა მნიშვნელოვანი ესთეტიკურ ფენომენად ექვია კაცობრიობის მატრიანეში სისხლიანი ასოებით აღბეჭდილი საუკუნის „წყევლაკრულივიანი საკითხავი“, არც იმის შესაძლებლობა მიეცა, ორი ათწლეულის მიჯნაზე დამდგარს, გადაეფასებინა „სიყრმისდროინდელი ცოდვის“ ანაბეჭდები და „ხმარებიდან ამოვლო“ ისინი. გიორგი ნაფეტვარიძის შემოქმედებითი ანალიზი, ბუნებრივია, პოეტის შესაძლებლობათა რეალურ სურათს ვერ წარმოგვიდგენს. 24 წლის ასაკში ჩაეხერგა მას ჭეშმარიტ ხელოვნებასთან მისასვლელი დიდი აღმართი და ხანმოკლე ფიქრისა და ძიების დასტურად მხოლოდ ერთი კრებული დაგვიტოვა. ორი პოემა, ათი ნოველა, ფრონტული დღიურები და პირადი წერილები აქვს მხოლოდ. ბევრ მაგანს, ცოცხალი რომ ყოფილიყო, თავადვე უარყოფდა.“

ამას წერს როზა დევდარიანი, კიდევ ვიმეორებ, ასე თბილად და ზომიერად ჭირისუფლები და მადლიანი ადამიანები წერენ. თქვენი არ ვიცი, და მე ცრემლიც ჩამომიგორდა.

თავში რომ ვთქვი, როცა მე და გენო კალანდია გიორგი ნაფეტვარიძის შემოქმედების კვლევისა და ქართულ ლიტერატურაში მისი ადგილის მიჩვენაზე ვსაუბრობდით, როზა დევდარიანის ეს ნიგნი, პოეტის ცხოვრების რომანი, გამოცემული ყოფილა. რა სანყენია, რომ ცოცხლობენ ასეთი ნიგნები და მათზე არავინ საუბრობს, არავინ აღნიშნავს მათ ღირსებას. არავინ წერს მათ ავტორებზე. არადა, ამ დონის ნიგნები ჰაინჰარდ არ იწერება, ნახევარი სიცოცხლე მიაქვს ამ კვლევებსა და წვლასს. ემოცია და სტრესი კიდევ სხვაა.

„მე, ომში ნასულს, ან შენ მიშველი, ან ეს ლექსები მიპატრონებენო“, წერს ერთგან გიორგი ნაფეტვარიძე. როგორ მიხარია, რომ ამ უხანო კაცს ეს ნიგნიც პატრონობს...“

მისი საფლავი არ არსებობს, არც მშობლებია ცოცხალი, არც ცოლი, არც და-ძმანი და მეზობლები... მარადიულია მისი ნანერები და მასთან ერთად, გულიდან ამოხეთქილი ეს უთბილესი სტრიქონები, რომელიც, ერთმა მშვენიერმა ქალბატონმა, თითქოს უკანასკნელი სიყვარულის გასამხელად, შემოდგომის ყვავილივით მიართვა გიორგის, ამ მარადჭაბუკ პოეტს!

ეს ქალბატონი როზა დევდარიანია! დიდი მადლობა მას ვასილ ბესელიასგან, მკითხველისაგან, რომელსაც გიორგი ნაფეტვარიძესთან ერთი წვეთი სისხლი მაინც აქვს საერთო...

ვასილ ბესელია
22. 06. 22.



ნაილი ნეკერიშვილი - 80

80 წლისა შესრულდა თვალსაჩინო ქართველი პოეტი ნაილი პავლეს ასული ნეკერიშვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ქალბატონო ნაილი!
ჩვენი საყვარელო თანამოკალმე!
საქართველოს მწერალთა კავშირი, თქვენი მეგობარი ქართველი მწერლები ღრმა პატივისცემით მოგესალმებიან ჩვენი სამწერლო ოჯახის ერთ-ერთ უბრწყინვალეს წარმომადგენელს და გილოცავენ დაბადების 80 წლისთავს.

თქვენი პოეტური ნათლობა 1970 წელს შედგა, როდესაც ჟურნალ „ცისკარი“ ლექსები გამოაქვეყნეთ და ქართველი მკითხველი თქვენი მშვენიერი სულის თანაზიარი გახდათ. მას შემდეგ თქვენი ნაწარმოებები პერიოდულად ქვეყნდება სალიტერატურო პერიოდიკაში, გამოდის ცალკე წიგნებად.

თქვენმა პოეტურმა კრებულებმა, ისეთებმა, როგორცაა „დამაბრუნე მზიანეთში“, „მშვენიერი გალაგანი“, „ფერადი ველი“, „სამოთხის ჩიტის სიმღერა“, „მიყვარხართ“, კიდევ ერთხელ შეგვახსენა, რომ არსებობს მარადიული ღირებულებანი, რომელთა გარეშე არსებობა წარმოუდგენელია, უფრო მეტიც, მათი იგნორირება აზრს დაუკარგავდა ჩვენს სიცოცხლეს. ამ კრებულებმა კიდევ ერთხელ დაგვანახა თქვენი სულის სინანარი, გულწრფელობა, კდემამოსილება, სისადავე, განცდათა მრავალმხრივობა, ღირსი და გამაფრებული გრძობა სიტყვისა.

სიყვარულითა და სიყვარულში გათანაგულ თქვენი პოეზია. სათნოების ულამაზეს სრა-სასახლეში გამოკეტილა თქვენი ღირსი გმირი და იქიდან გვიამბობს დიდ და ყოვლისშემძლე სიყვარულზე, რომელიც მისი სამეფოს უმთავრეს ბასტიონად ეგულვის. სუსტია, უღონო, თუმცა სწორედ ამ უმწერობით და სისუსტით არის ძლიერი, იცის, დიდი ძალისხმევითაა საჭირო, რომ ოქროს ზანზალაკებმა სამყაროს ამცნონ ამქვეყნად საკვირველზე საკვირველი ფრინველის - სიყვარულის დაბრუნება.. საკუთარ ტკივილებზე აგებს თეთრ, ქათქათა ტყავს, ცაცხვის ხეებს სიყვარულის ცრემლებს ჩუქნის და გოლეული მიაქვს შესანიშნად. იმ დროზე ოცნებობს, როდესაც ყველა უბედურება, ყველა ქარბობა, ყველა წარღვნა ჩაივლის და მისი საესავი მამულის მკერდზე ვულკანებიდან იფეთქებენ გაზაფხულები. შეიძლება ითქვას, რომ თქვენ საკუთარი საუფლო გაგაჩნიათ, ულამაზესი ვარსკვლავებით მოჭიქული, მოჩუქურთმებული და იმ ნალკოტიდან გვაფრთხილებთ, თუ რამ დაღუპავს კაცობრიობას, გულგრილობა და დაღი დაღუპავს. ამიტომაცაა, რომ დარდის ხალიჩას რიკულებიან აივანზე ამხურებთ, რათა ტანჯვისა და სიხარულის ყვავილები ადამიანთა თვალების შუქმა გააბრწყინოს და გააციაგოს.

თქვენს საუკეთესო ლექსებს მშობლიურ ენაზე ეცნობიან სომეხი და რუსი მკითხველები. წლების განმავლობაში მუშაობდით საქართველოს სახელმწიფო საგემო კომიტეტთან არსებული გამოთვლითი ცენტრის ლაბორატორიის უფროსად, გიორგი ლეონიძის სახელობის ლიტერატურის მუზეუმის მეცნიერ-მუშაკად და ყველგან სიყვარულით იყავით გარემოცული.

თქვენი დიდებული შემოქმედება ქართული პოეზიის დეოფლის ანა კალანდაძის პრემიით აღინიშნა.

ქალბატონო ნაილი!
კიდევ ერთხელ გულითადად გილოცავთ საიუბილეო თარიღს მშვენიერ პოეტსა და ბანოვანს, გისურვებთ დიდხანს სიცოცხლეს, ჯანმრთელობას და ახალ დიდ შემოქმედებით ნარმატებებს.

საქართველოს მწერალთა კავშირი



ნუნუ დალაქიშვილი - 70

70 წლისა შესრულდა ცნობილი ქართველი მწერალი და ჟურნალისტი ნუნუ გრიგოლის ასული დალაქიშვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ქალბატონო ნუნუ!
ძვირფასო მეგობარო!

საქართველოს მწერალთა კავშირი, თქვენი მეგობარი ქართველი მწერლები პატივისცემით მოგესალმებიან ჩინებულ შემოქმედს და გილოცავენ ღირსშესანიშნავ თარიღს თქვენს ცხოვრებაში - დაბადების 70 და ლიტერატურულ-შემოქმედებითი მოღვაწეობის 50 წლისთავს.

თქვენი ლიტერატურული დებიუტი 1972 წელს შედგა, როდესაც გაზეთ „ახალგაზრდა კომუნისტი“ გამოქვეყნდა თქვენი პირველი ლექსები. მას შემდეგ სისტემატურად იბეჭდებოდა ქართულ პერიოდიკაში.

გულწრფელობა, ემოციურობა, სათქმელის ცხადად და ლაკონურად გადმოცემის უნარი გამოარჩევს თქვენი მინიატურებისა და ჩანახატების ნიგნს „უფროსი ჩიტებს“, რომელიც სრულად წარმოიჩინა თქვენი პოეტური ბუნება, რომანტიკულობა, ადამიანის სულში მხოლოდ სიკეთისა და სათნოების ძიების დაუოკებელი სურვილი, ემოციურობა...

არაერთი ლექსის, თეატრალური რეცენზიისა თუ ლიტერატურულ-კრიტიკული წერილის ავტორი ხართ.


ნაყოფიერი საზოგადოებრივ მოღვაწეობას ეწეოდით წლების განმავლობაში, მუშაობდით საბავშვო ბაღის აღმზრდელად, ჟურნალ „პრეს-პრემიერის“ ლიტმუშაკად გაზეთ „2X2“-ის კორესპონდენტად, ლექტორად სხვადასხვა უმაღლეს სასწავლებელში, სადაც რადიოჟურნალისტიკის საფუძველად ასწავლიდით სტუდენტებს. და მინც ცალკე აღნიშვნის ღირსია თქვენი მრავალწლიანი საქმიანობა საქართველოს ტელერადიომუშაველობაში, სადაც რადიოს „ოქროს ფონდის“ მკვლევარ-რედაქტორი იყავით და ყველაფერს აკეთებდით საიმისოდ, რათა ისეთი დიდი ქართველების ხმა, როგორც იყვნენ აკაკი წერეთელი, ვანო სარაჯიშვილი, ივანე ჯავახიშვილი, კორნელი კეკელიძე, გალაკტიონ ტაბიძე, გიორგი ლეონიძე, გრიგოლ რობაქიძე, კონსტანტინე გამსახურდია, ექვთიმე თაყაიშვილი, სხვანი და სხვანი ჩვენი ყოფის, ჩვენი არსებობის თანმდევი სულები ყოფილიყვნენ. ამიტომაც გვესახებოდა ქართული კულტურის უანგარო მოღვაწედ. თქვენ ხომ თითმის შეუძლებელი შესძელით და ფაქტობრივად, შიშველი ხელებით მოახერხეთ უნიკალური ნიგნის „საუკუნის ხმების“ გამოცემა, რაც საყოველთაო პატივისცემით განაწყობს თქვენდამი იმით, ვისთვისაც ძვირფასია ქართული სულიერების, ქართული გენის ნებისმიერი გამოვლინება.

სწორედ ამიტომაც სრულიად დამსახურებულად ხართ დავით აღმაშენებლისა და ნიკო ნიკოლაძის სახელობის პრემიების ლაურეატი.

ქალბატონო ნუნუ!

კიდევ ერთხელ ღრმა პატივისცემით გილოცავთ საიუბილეო თარიღს ქართული კულტურისა და ხელოვნების ამგადარ ქალბატონს, გისურვებთ დიდხანს სიცოცხლეს, ჯანმრთელობას და თქვენი ოცნებების განხორციელებას.

საქართველოს მწერალთა კავშირი



ვლადიმერ ველიჯანაშვილი - 80

80 წლისა შესრულდა ცნობილი ქართველი პოეტი ვლადიმერ ველიჯანაშვილი. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო ვლადიმერ!
ჩვენი ძვირფასო თანამოკალმე!

საქართველოს მწერალთა კავშირი, თქვენი მეგობარი ქართველი მწერლები გულმხურვალედ მოგესალმებიან ჩინებულ შემოქმედს, მამულიშვილს, ჭეშმარიტ მეციხოვნეს თქვენი სათაყვანებელი სამშობლოსა და გილოცავენ ღირსშესანიშნავ თარიღს თქვენს ცხოვრებაში - დაბადების 80 და ლიტერატურულ-შემოქმედებითი მოღვაწეობის 60 წლისთავს.

ღიახაც რომ ქართველ შემოქმედთა იმ რაზმს ეკუთვნით, რომელიც სამცხე-ჯავახეთში, საქართველოს ამ ულამაზეს და, ამავე დროს, უმკაცრეს კუთხეში მოღვაწეობს, იმ კუთხეში, რომელიც უამრავი საფრთხის წინაშე დგას და რომელსაც იუველირის სიზუსტით სჭირდება მიდგომა, რათა ბნელეთის სახედალმეჭილმა მოციქულებმა ველ-არასოდეს შექმნან ავადსახსენებელი „გურჯისტანის ვილაიეთის დიდი დავთარი“, ქართველთა გვემისა და ვაების დავთარი...

პირველი ლექსი „გაზაფხული“ 1965 წელს გამოაქვეყნეთ გაზეთ „განახლებულ მესხეთში“ და მას შემდეგ თქვენი ქმნილებანი ქვეყნდება ქართულ პერიოდიკაში, გამოდის ცალკე წიგნებად.

ქართველი მკითხველი მონონებით შეხვდა თქვენს ისეთ პოეტურ კრებულებს, როგორცაა „მარადიული შთაგონება“, „ხმაურის ფიქრი“, „პოეზია - 89“. ამ კრებულებით კიდევ ერთხელ გაცხადდა, რომ თანამედროვე ქართული პოეზიის თქვენი სახით მოაზროვნე, ღრმად დაფიქრებული შემოქმედი ჰყავს, პროტესტანტის სული რომ უდგას და ვერაფრით ატყუებს ცრუ და მუხთალი წუთისოფელი. ყველა ფერზე მეტად ჩაღისფერი გიყვართ - სითბოსა და სიმწიფის მარადიული შთაგონება, რომელსაც ტკივილიანი სიზმრები ანერია, ჩვენი მარადიული ტკივილიანი წარსულის ფერი. თქვენი პოეზიის ღირსი გმირი ლექსებად აჭიხინებულ რამებზე შემოძვდარა და ისე მიაპობს ლაჟვარდებს და იქედან დაჰყურებს მტკვარს, ვერცხლის ქამარივით რომ შემორტყმია სამცხეს ტანჯულ სანახებს და მისი მარადმედიანი ჭრილობებიდან გამომხობილი მიყურებული ექოების ჭირისუფალია; იმის დანახვა შეუძლია, თუ როგორ გდია მოთენთილი და დასიცხული მზე რიყზე და თვლემს, როგორ კენწლავს სველ ფოთლებს წვიმა, როგორ აცვდება ლილისფერ სიზმრებს მარაოსავით გამბილი ქარბის სოფნა, როგორ ჩახეხილა ქარს ყელი აცრემლებული ცის თვალის ძებნაში და როგორ უკანრავს იგვექ ქარი მისი გრძელი თითებით მოუთოკავ სიზმრებს...

თქვენი, 80 წლის შემოქმედის, ცხოვრება ალალი გულმართალი კაცის ცხოვრებაა. თქვენ ხომ ძალიან დიდხანს ემსახურებოდით მშობლიური სოფლის ფხურის მოზარდი თაობის აღზრდას, როგორც სკოლის დირექტორი და ქართული ენისა და ლიტერატურის მასწავლებელი, იყავით ადიგენის რაიონულ გაზეთ „განახლებული მესხეთის“ ლიტერატურული მუშაკი.

მონიჭებული გაქვთ გაზეთ „ლიტერატურული მესხეთის“ პრემია, აგრეთვე განათლების სამინისტროს საპატიო სიგელის, სახალხო განათლების წარჩინებულის სამკერდე ნიშანი.

ჩვენი კარგო ბატონო ვლადიმერ!
კიდევ ერთხელ გულმხურვალედ გილოცავთ საიუბილეო თარიღს ჩვენს საყვარელ კოლეგას, დიდხანს სიცოცხლეს, ჯანმრთელობას, სულიერ სიმტკიცესა და შეუპოვრობას გისურვებთ.

საქართველოს მწერალთა კავშირი



დავით იაკობიძე - 80

80 წლისა შესრულდა ცნობილი ქართველი პოეტი დავით რაფიელის ძე იაკობიძე. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო დავით!
ჩვენი ერთგული და ნაცადო მეგობარო!

საქართველოს მწერალთა კავშირი, თქვენი მეგობარი ქართველი მწერლები გულითადად მოგესალმებიან პატიოსნებით გამორჩეულ მსოფლივან შემოქმედს და გილოცავენ დაბადების 80 წლისთავს.

თქვენი სამწერლო ნათლობა 1968 წელს შედგა, როდესაც გაზეთ „ჭიათურის მალაროელში“ გამოაქვეყნეთ პირველი ლექსი „საჩუქარი“. მას შემდეგ თქვენი ნაწარმოებები პერიოდულად ქვეყნდება ქართულ სალიტერატურო პერიოდიკაში, გამოდის ცალკე წიგნებად.

გულწრფელობა, ემოციურობა, უშუალობა გამოარჩევს თქვენს პოეტურ კრებულებს („გამოზამთრება“, „აისი“). ამ კრებულებში შესული ლექსების ავტორი ხომ ქვეყნის ერთი გულმდუღარი ჭირისუფალია, რომელსაც არასდროს არ ტოვებს სამშობლოს გადარჩენისა და გაბრწყინების იმედი, ამიტომაც მედგრად, შეუპოვრად ებრძვის ყველას და ყველაფერს, რაც იავარქმნით ემუქრება თქვენს სამშობლოს...

თქვენს ლექსებზე მრავალი მშვენიერი, გულში ჩამწვდომი სიმღერა შექმნა.

ჩვენი პატარები მუდამ სიამოვნებით კითხულობენ თქვენს საბავშვო ლექსებსა და ზღაპრებს.

გვიხარია, რომ თქვენი საუკეთესო ლექსები შევიდა ისეთ მნიშვნელოვან ანთოლოგიებში, როგორცაა ქართული პატრიოტული პოეზიის ანთოლოგია „შენ ხარ ვენახი“ და ქართული პოეზიის ანთოლოგიის ორტომეული.

თქვენ სიკეთის, სათნოების, კეთილშობილების იდეების ერთ-ერთ მეციხოვნედ გვეგულვებით. სადაც კი გიმუშავიათ, იქნებოდა ეს ჭიათურმარგანეცის მალაროები, თბილისის მეტროპოლიტენი თუ გაზეთი „მეტრომწეებელი“, ყველგან დამსახურებული სიყვარულით და ავტორიტეტით სარგებლობდით, ყველგან სიყვარულისა და ადამიანური ურთიერთობების ატმოსფეროს ქმნიდით.

ბატონო დავით!

კიდევ ერთხელ პატივისცემით გილოცავთ საიუბილეო თარიღს ამგადარ, ღვაწლმოსილ შემოქმედს, მშობელი ქვეყნის უანგარო სამსახურში ბოლომდე დახარჯულ მამულიშვილს და გისურვებთ დიდხანს სიცოცხლეს, ჯანმრთელობას და შემოქმედებით ნარმატებებს.

საქართველოს მწერალთა კავშირი



ლია ჭაბაშვილი

ჩემო სამშობლო!

სამშობლო ჩემო, ჩემო ტანჯულო, მრავალ ომებში ჭირგამოვლილო, გმირო, დიადო და მძლეთამძლეო, შენსი სულ ყივის გენი ქართული. ქრისტეს მორწმუნე, ქრისტეს ერთგულო, ქრისტესთვის ეროვ თავდადებულო, რამდენი გლენეს, რამდენი გკაფეს, სული გინგრის, მამული ჩეხეს და ყოველ ჯერზე შენ ფენიქსივით ფერფლიდან აღსდექ და აღორძინდი.

მამულისათვის და ქრისტესათვის ხმალ-შემართულო სულ მეომარო, მედგარი სულით, მართალი სულით, უფლის შენევნით გამარჯვებულო. დღეს დაჭრილო და ტკივილიანო, გაყიდულო და ფრთებ-დამსხვრეულო, მუდამ გფარავდა- უფალი- გფარავს, კვლავ დაგიფარავს ჩემო სამშობლო.

ქრისტე აღდგა! ჭეშმარიტად!

ქრისტე აღდგა და განილო ბჭენი სამოთხისანი, მოგვცა შანსი დაკარგული ვპოვოთ ისევ ღვთისანი, შევიმეცნოთ უფლის მცნება, ნეტარება უფლისა, დავადგეთ გზას უფლისას და ვცნათ ჭეშმარიტება.

ქრისტე აღდგა და ზეიმობს სულნი მწუხარისანი, იმ სიკეთის, სიყვარულის, სიხარულის ზიარნი-კვლავ ვიგემებთ, თუ ავირჩევთ გზას უფლისას სამოთხის, მწუხარების კვალზე გადის ბოლოს ტკბილი ნექტარი.

ქრისტე აღდგა! ჭეშმარიტად! ვხარობთ ქრისტეს მღევარნი.

ჩიტი, მზა და სამოთხა

იდუმალია სამყარო შეუცნობელი არსით, უფალი გმოდღრავს „გიყვარდეს „ ეს არის ჩვენი მრწამსი, გარეთ ჟიფივებს ჩიტი და უნაზეს ფერით გემოსავს-სული სამოთხეს ეწვევა, იმ

სამოთხეში გეძირავს, აფერადდება სამყარო მზისფერ სხივების ჩქერში, ეს სამოთხეა მინაზე, ამ სამოთხისთვის იღწვის სული ჩვენი და სიმშვიდეს მასში ჰპოულობს მხოლოდ, რა ცოტა რამე სჭირდება, რა რთულად ჰპოვებს მხოლოდ.

ახლა მზე არის გარეთ და ლაღად ჭიკჭიკებს ჩიტი, მისგან სამოთხე მინაზე უფლისგან რგული ისმის.

უფალს რომ დამაახლოვებ

სამყარო მილიმის ზეციდან და რჩევა სიბნელე ჯურღმულში, მე შენთან მოვედი ზეციდან, შენ ჩემთან მოხვედი სულეთში და ახლაც სულში ხარ უშენოდ, არც ერთი ნამი არ არის, უფალთან ერთად არსებობ ჩემში, ჩემს სულში გრძნობებში. როცა მზე ნათობს ზეცაზე, და როცა ზეცა ღიმილობს, ამ დროს შენ გხედავ, ეს შენ ხარ, ჩემში ღიმილი აანთე, სასუფეველს მფენ ღმერთივით, რადგან ღმერთიდან იარე, ჩემთვის, ჩემკენ და ჩემს გამო, გზა გამიხსენი უფლისკენ. განა მადლობა არ მეთქმის ? უფალს რომ დამაახლოვებ.

ცხოვრება

ცხოვრება გვაყრის ნარ-ეკალს, ღიმილით უნდა დავადნოთ, უნდა გავეუძლოთ ტკივილებს, ტკივილმა გაგვაძლიეროს, ტკივილი უფალს გვაახლებს, ტკივილით მადლი გვეფრქვევა, სტკიოდა უფალს ჩვენთვის და, ჩვენ ჩვენთვის დავითმინოთ, რა!

ბნელ და ნათელის ჭიდილი ცხოვრების თანამგზავრია, ბნელი მარცხდება, სინათლე-იმარჯვებს როგორც ნესია.

ცხოვრება გვაყრის ნარ-ეკალს, ღიმილით უნდა დავადნოთ, უნდა გვეუძლოთ ტკივილებს, ტკივილმა გაგვაძლიეროს.

რომ იცოდე

რომ იცოდე, მე შენ როგორ მიყვარხარ, ყველა უფსკრულს დალაზავდი ჩემამდე, რომ იცოდე, მე შენ როგორ მიყვარხარ, თვით ზეციდან ჩამოხსნიდი ვარსკვლავებს, რომ იცოდე, მე შენ როგორ მიყვარხარ, დითირამბებს მიმღერებდი დიღამდე, რომ იცოდე, მე შენ როგორ მიყვარხარ, ღმერთს ჰკითხავდი, დასტურს გეტყვის იცოდე.



გიორგი შამათავა

მეზობლო გმირაბო!

მკითხავენ ვინა ხარ, რა სისხლი გიჩქეფსო, ყველასთან ნარსვდგები და პასუხს გავცემ: მე ხალხთან ერთად მტრის სისხლი მწყურია, მწამს, გამარჯვების დრომასაც ავწევ.

დიდგორში მდგომარე, სისხლში ამოსვრილი, შიგ გულში დაჭრილი დედაჩემს ვიხმობდი, გამექცა ილღაზი ცხენით დაოთხილი, მივდევი სისხლის ღვრით, ბოლომდე ვიბრძოდი.

სამშობლო, ოდითგან სისხლით გაჟღენთილო, თაობის თაობა შენთვის თავს გავწირავთ, მეზობლო გმირებო, ფეხზე ნამოდექით, ჩვენი საქართველო გმირულად დავიცვათ.

ხალხის ცოდვა

შოლტით გვემულს, მძიმე ჯვარი მხრით მოგქონდა ეკლის ჯილა გკანრავდა და სისხლს გადენდა, კაბადონზე მამა ღმერთი ბობოქრობდა, იქვე ახლოს დედაღვთისა ცრემლს აფრქვევდა.

შენს თვალეში ნათლად კრთება გოლგოთის მთა, გზა ფერდობზე ასავალი რა ძნელია, ჯვარია თუ ცოდვა მიგაქვს ჩვენ ცოდვილთა, მის მწვერვალზე აღსრულდება მისტერია.

გაგაკარით ჩვენივ ხელით ლურსმნით ჯვარზე, შენ ნამოგცდა ბოლო სიტყვა თვალცრემლიანს, ჩვენი ხსნისთვის მამა უფალს შეჰლაღადე, შეუნდეო, თუ „რას იქმენ, არ იციან“.

ცად აზიდე ქვეყნის ცოდვა, მაცხოვარო, ნანამები შენი სული ზეცად აღსდგა, ქრისტიანებს დაგვაფარე შენი კალთა და მლოცველი კაცთა მოდგმა ქვეყნად დარჩა.

ერთადერთი ხარ

ცა გაიხსნა და დაინერა შორს - იზაბელა, გული აენტო და ნაბიჯი ძლიერ აჩქარდა, ჩამოვიღვენთე, სიმარტოვემ გული შემიკრთო, ხმამალა უცებ დავიყვირე: ახლა სადა ხარ?

სივრცემ ხმაური გაიტაცა, ხმები გაისმა, ო, სიმარტოვის განსაცდელმა როგორ მანამა, უცებ აღვაპყარ ხელები და ჩემს ახლოს გიხმე, ჩემო იზაბელ, საყვარელო, მოდი, სადა ხარ?

ჩამოვჯექ

გადავიღალე, გადალილი ქვაზე ჩამოვჯექ, გული სიღრმიდან თითქოს ყელში ამოიწურა, ზეცა გამავდა, შავ ღრუბელმა გადაიარა, თითქოს ქვემეხმა კლდეთა შორის ამოიქუხა.

განვიმდა ძლიერ, მე კი პროსპექტს ნელა მივდევი, წვიმის წვეთებმა მხურვალე გულს გადაუარა, სახლის საფეხურს ამოვეყვი ნელი ტაატიო, შენმა ღიმილმა ჩემს გულს დარდი გადაუფანტა.

შენი ხელაბი

გავხსენ სარკმელი და გავხედე ჩვეულ ბილიკებს, შენ კი ნარნარით მიყვებოდი სასახლის ნაპირს, იზაბელ, ჩემო სიყვარულო და უკვდავებამ, უცებ გავხედე ჩვენს ცხოვრებას, სიამით განცდილს.

დასაბამიდან შენ გეკუთვნის ეს წმინდა გული და იმ განვლილ დროს მოგონების ფიქრში ვეველები. მომიახლოვდი, საყვარელო, გულში ჩამიკარ და შემომხვიე უნაზესი შენი ხელები.

შენი სურნელი

შენმა სურნელმა შემოსა, ედემის ბაღში ნაზარდო, შენმა ღიმილმა შემამკო, უკვდავ მწვერვალის სადარო.

განა ძალიან შორსა ხარ, მაგრამ სულ ახლოს მჭირდება, თვით სამარეში, ძვირფასო, ჩვენ მარად ერთად ვიქნებით.

ბესიკ კაიშაური

ჩანახატები

ეს მე ვიყავი!

ისეთი არაფერი მომხდარა, - სხვა დროს რომ არ მომხდარიყო: მძლოლმა გაუჩერა მგზავრს და ჰკითხა: „საით მიდიხარო?“ მგზავრმაც უპასუხა: „აგერ, 8 კილომეტრში, და სოფელიც დაუსახელა.

„აბა, აბა, არავითარ შემთხვევაში... ვერ წავიყვან... სხვები მელოდებიაო,“ და კარების დაკეტვა უბრძანა, თან მიაცხა: „დაელოდე, სხვა მარშუტკა ჩამოივლის და ის წავიყვანსო.“

ასაკითა და ავალობით გამოფიტულმა კაცმა ძლივს მიკეტა მიკროავტობუსის კარი და სვედიან-ეჭვიანი ლიმილით უკან დაიხია.

მივხვდი, რასაც ნიშნავდა ეს ლიმილი: „დალოცვილო, თუ სხვა მგზავრები გელოდებიან და ადგილი აღარა გაქვს, რაღაზე გამოჩერე, მაგრამ...“ იმასაც მივხვდი, ამ „მაგრამის“ მიღმა რასაც იგულისხმებდა ნიხლით გაგადებული მგზავრი:

„...მაგრამ მე ერთ ლარინი მგზავრი ვარ, ხოლო თუ ვინმე დედაქალაქამდე გამოგყვას, 5 ლარს გადაგიხდის და ამიტომაც ის უპირატესია ჩემზე.“

...

მიკროავტობუსი დაიძრა და პირველი რაც შევნიშნე, ეს იყო ხატები, რომლებიც მწარე მდუმარებით დაცქეროდნენ მძლოლს, ხოლო სარკეზე ჩამოკიდებული იყო ჯვარი მაცხოვრის გამოსახულებით, იგი მშფოთვარედ ქანქარებდა და თითქოს ეუბნებოდა მძლოლს: „ეს მე ვიყავი, მე ვიყავი, გაჭირვებული და ავაღმყოფი, შენ კი დამტოვე ქუჩაში უსასოოდ. ეს რა ქენი?! სხვადასხვა რომ იგივე გააკეთოს, როგორ ვიარო ამ სიცხეში 8 კილომეტრი?“

ჯვარმა უმატა შფოთსა და ქანქარს, მაგრამ მძლოლი ვერ ამჩნევდა და რაკი ვერ ამჩნევდა, არც ესმოდა მაცხოვრის ხმა.

გზის პირას ეკლესია გამოჩნდა, მძლოლმა გახედა, პირჯვარი გადაიწერა და რაღაცა ნაიბუტბუტა. მის ცხვირწინ კი ჯვარზე მიღობილი მაცხოვარი ნერვიულად ბოლთას სცემდა და ცდილობდა, როგორმე შეეხსენებინა საჭესთან მჯდომ ქრისტიანისთვის, რომ მგზავრი არ არის საშუალება, არამედ მიზანია... რომ სიტყვა „მგზავრი“-ს ფუძე გზა არის და ამ გზით, ამ მსახურებით მიდიხარ ღმერთთან.

... ასე ჩავედით თბილისში სამი თავისუფალი ადგილითა და დახუნძლული უკეთური ფიქრებით.

ვერც სანატრელი 5 ლარინი მგზავრი ნახა ჩვენმა ცოდვიანმა წინამძღოლმა და ის ერთ ლარინი გლახიც დაკარგა.

...

ამ ფიქრებში მყოფს გამახსენდა თბილისი - ფასანაურის მძლოლი, სახელად თემური, რომელიც სოფელელებისთვის მძლოლიც არის, ფოსტალიონიც, მოკითხვებისა და ამანათების მიმტან-მომტანიც; უანგარო მსახური და იმედოვანი უპოვარ მგზავრებისთვის.

ერთხელ თემურმა თქვა: თუ ადგილი მაქვს, ყველა მგზავრს ვუჩერებ, სულ რომ ერთ კილომეტრში მიდოდეს, რომ არ გაუჩერო, მერე იმაზე ფიქრი მომკლავს, „ვაითუ, სხვა-მაც არ გაუჩეროს და ასე ფეხით მიმავალს ან მანქანა დაეჯახოს, ან ცუდად გახდეს და რამე დაემართოს, ხომ მკაცრად მომეკითხება უფლის სამსჯავროზეო.“

მე შევესწარი ამ ფაქტს: თემურმა სახლამდე მიიყვანა მცხოვანი ქალბატონი, მადლობა უთხრა მგზავრმა და ჩავიდა. მძლოლმა ლიმილით გახედა, ცოტახნით დაელოდა და ის იყო დაძრა ავტომანქანა, ქალი შემობრუნდა და ნუხილით ჩვენკენ გამოემართა: „ვანიმე, ბილეთის ფული არ გადამიხდიაო!“

„აბა, ბებო, უფასოდ გინდოდათ მგზავრობა, ჰო?“ - გავეხუმრე მე.

„თბილი ბებოა, უფასოდაც რომ ემგზავრა, რა მოხდა მერეო?“ - თქვა გულღმერთიანმა მძლოლმა და განაგრძო გზა.

ამას ჰქვია ადამინობა, რომელსაც მართვის მოწიბობასთან ერთად უნდა სთხოვდნენ და უმოწმებდნენ იმ პირებს, ვისაც მგზავრთა მომსახურებას ანდობენ.

გარდაცვალებისთვის ვამზადები!

ამას წინათ, კარგახნის უნახავ თანაკლასელს შევხვდი ქუჩაში და მოვიკითხეთ ერთმანეთი.

„კარგად ვარო“ - მიპასუხა ჩემს კითხვაზე და „შენ როგორ ხარო?“ - რომ მიკითხა, ვუპასუხე: გარდაცვალებისთვის ვემზადები -მეთქი.

„ვანიმე!“ - ჯერ მისმა თვალებმა იყვირა, მერე შეშფოთებულმა შეჰკვივლა და მიკითხა: „რა ხდება შენს თავსაო?“

ჰოდა, რა ხდება ჩემ თავს, ამაზე მინდა მოგიხროთ ამ წერილში.

ის ხდება, რომ სინანულის ჟამი დამიდა! „განა ისეთი რა დაამავეო?“ - მიკითხავეთ იმ ჩემი კლასელივით. მეც არ დაგიმალავეთ და გეტყვი: ღმერთთან არ მყოფობას ვჩივი და ვნანობ.

ბედნიერება, რომლისკენაც მე ვისწრაფი, მხოლოდ ამ ქვეყნიურ მიზნებისკენაა მიმართული, ხოლო ამ გზაზე მავალი ღმერთს ისე ხშირად ვშორდები, რომ ნებით, თუ უნებლიედ, მავინწყდება... სიკვდილი.

მოდით, თქვენ განსაჯეთ, როცა მე სხვას განვსჯი და განვიკითხავ, განა მახსოვს ღმერთი? მე რომ ღმერთი მახსოვდეს, ისიც ხომ მემახსოვრება, რაც მან გვეთხრა წმინდა წერილში: „როგორც განიკითხავ სხვას, ისე განიკითხავ შენო“ მშასადამე, თუ მინდა არ განმიკითხოს და არ დამსაჯოს ღმერთმა, ამიტომ მაინც არ უნდა განვიკითხო მოყვასი (თორემ მისი სიყვარული სად შემიძლია!). ჰოდა, რაკი განვიკითხავ, არ მახსოვს არც ღმერთი და არც სიკვდილი, არც სხვა მოყვარს და არც ჩემ სულს ვუფრთხილდები, რადგან არაფრად ვთვლი იმ მოსალოდნელ სასჯელს, რომლის შესახებაც წინასწარ მაცნობა ღმერთმა.

როდესაც, „მამაო ჩვენოში“ ვეუბნები ღმერთს: „ისე მომიტევე ცოდვები, როგორც მე ვპატიობ სხვებსაო“ - ვპატიობ?! -

როცა არ გახსოვს ღმერთი და არ გახსოვს სიკვდილი, ეს იმას ნიშნავს, რომ არ ემზადები გარდაცვალებისთვის. ხოლო როდესაც გარდაცვალებისთვის არ ემზადები მოდის შეჭველი სიკვდილი.

როდესაც სიკვდილი არ გახსოვს, - ვერ ეღირსები გარდაცვალებას!

როდესაც ვინმეზე გავიგებ ხოლმე: „გარდაიცვალაო“ სულ იმას ვფიქრობ: „ღმერთო, ნეტავ თუ მართლა გარდაიცვალა-მეთქი.

როდესაც ვინმეზე იტყვიან: „მოკვდაო“ ერთი სული მაქვს ვკითხო: „შენ რა იცი, რომ მოკვდა? იქნებ ისე იცხოვრა, რომ გარდაიცვალა-მეთქი“.

როგორ შეიძლება არ ემზადებოდე გარდაცვალებისთვის, როცა ყოველდღიურად ვუახლოვდებით სიკვდილს!

თუ არ ემზადები სიკვდილისათვის, მაშინ უბრალოდ, ბრმად და უგუნურად უახლოვდები სიკვდილს;

თუ ემზადები სიკვდილისათვის, მაშინ გაცნობიერებულად, გონივრულად და ნაყოფიერად ხარჯავ კუთვნილ დროს, ენერგიას და სიცოცხლეს;

თუ არ ემზადები სიკვდილისთვის, - კვდები! თუ ემზადები სიკვდილისთვის - გარდაიცვლები!

არა თუ წელი, არა თუ დღე, წამიც არ გვაქვს იმის გარანტია, რომ არ მოკვდებით და ამ დროს, სრული უპასუხისმგებლობა: არ ვემზადებით გარდაცვალებისთვის!

თუ გიყვარს სიცოცხლე, როგორ შეიძლება არ ემზადებოდე გარდაცვალებისთვის, ამ დროს ხომ სიცოცხლის თითოეულ წუთს უფრთხილდები და ახმარ ისეთ საქმეს, მარადიულ სიცოცხლეს რომ განაპირობებს.

ქრისტეს სიტყვები მახსენდება იოანეს სახარებიდან: „ვინც ჩემს სიტყვებს ისმენს და ჩემი მომავლინებული სწამს, მას აქვს საუკუნო სიცოცხლე და სამსჯავროზე არ მიდის, არამედ უკვე სიკვდილიდან სიცოცხლეში გადავიდა.“

სწორედ ეს არის გარდაცვალებისთვის მზადება: ისმინო ქრისტეს სიტყვების, იწამო ღმერთი, აღასრულო მცნებები ღვთისა და ნება ღვთისა...

მე სიკვდილისთვის ვემზადები! ეს იმას ნიშნავს, რომ ვმოქმედებ, რათა ჩემი ცხოვრება ცხოვრების გზით წარემართოს და ვრეალიზდეს სამქვეყნოდ, რომ საიმქვეყნოდ დავიმკვიდრო სასუფეველი.

და კიდევ, როგორც ერთი წმინდა მამა გვიჩვენებს: „ვიდრე ხილულად მოკვდებოდე, მოაკვდინე ცოდვები!“.



ბადრი სულაძე

საწუთრომ თეთრი პერანგივით სუფთა ნისლებით, უკულმაც ბევრჯერ მატარა და მატარა - ნალმით...

ხმა ჩამესმოდა: - ჭუჭყისგანაც თუ დაღაირჩინე გული, როგორც ქათამა სახლი...

თანდათან ხახვის კვალიც ვავლე, ყანაც ვარჩიე, დედის ხელებით ქვაც ვამტვრიე

შაქარყინულად... და ეს ჭიდილიც, უსასრულო, აღარ მამინებს, -

მონმენდილ ცაზე - გზაც რომ მალე, კვლავ გატყვიურდა...

რას გადადგულდა ნეტავ ასე, ღამის სახეზე, საცრისოდენა თვალები რომ მიუგავს

შემიღილს, - მე ხომ შევძელი დაკეტილი კარის გაღება, ხან რომ მძიმდება და ზურგს უკან ვიხურავ ხვეწმით...

იქ, უღრან ტყეში რახანია, ცხოვრობს ალქაჯი,

ხისტი ხელებით ისევ რომ თლის ბედის ცივ მშვილდებს...

ჩემი სახლიდან მთვარე მოჩანს, როგორც ზამთარში, შალის ძაფისგან მოქსოვილი დედის სიმშვიდე...

მოისხეს მხრებზე მთებმა თოვლის თეთრი ქათიბი, ზეცას რომ ღამით შეუკერავს

სახელდახელოდ, - და გეფიქრება, ალბათ სულშიც მკვეთრად დათბება,

დარდს რომ ვერ მალავ, თვალებივით ფართოდ გახელილს...

თოვლის ქუდები დაიხურეს სახურავებმაც და სახლებს თითქოს პოდუმზე უწვედეთ

გასვლა, - სულ აღარ ახსოვთ გაცრეცილი ცა ნუხანდელი,

მონატრების და მარტოობის უწყვეტი ვალსით...

რა უსიცოცხლო ღამეა გარეთ, სახეს რომ მალავს, არ მენახებო; გაზაფხულობით თუმცა კი ვბარე,

რქა ვერ გამართა ნავენახეზმაც... ყველა ირემი გამექცა მთისკენ, გულის კედლებში რაც კი ვამწყვდიე,

ახლა ღამესაც სარეცლად ვირჩევი, რომ წამით მასთან მაინც დავწყვილდე;

რომ ნაფუკიდოთ ერთმანეთს ცეცხლი, ნაცარმიყრილი კერის ღველფიდან, თორემ ვინ იცის, რამდენჯერ შევრცხვი,

მწყერიც რომ ნატვრის ხეზე შეფრინდა... ფაცერში თევზი ველარ ჩერდება, გონების თვალსაც გაკვრია ლიბრი,

ჭანჭურის ხეზე გამეფდა ფერი, თოვლის სითეთრით ანთებულ ხედის, - როცა ფიქრებად ღამენათევი, ჩამოფრთხილდნენ ქათმები ხიდან...

ვით მორღვეული ჟამის თერძები, თოვლის მიმართაც ბევრის მკადრებნი, მოურიდებელ ჟინით ეძებენ, დაკარგულ მიწას - სველ ნისკარტებით...

ეძებენ ხორბლის დაკარგულ მარცვლებს, ზეცაც ღრუბლით რომ უკმევს უეცრად, - და პოულობენ ფქვილივით გაცრილს მას, რაც უფლისგან უკვე მიეცათ...

ფორიაქობენ სრულ სითეთრეში, გადმოსულები მიწაზე ციდან, - რაც ჟამთა ქროლვის პირნათელ რაშთან

გადამტერების მეტადრე ცდაა...

დაკარგულ სივრცეს რად უნდა ძებნა, რთულად შესაცნობ ხმით და კრიახით, როცა ცისგანაც იხსნება გზები,

კართან მომდგარი უფლის კარნახით...

უნდა ნავეშალო რუხიც და მწვანეც, გზა უნდა დათმოს შავმაც, ყვითელმაც, რადგან ყოველთვის მადლივით მწამდა, სამყაროს თეთრად

გადაფთვებაც...

როცა ფიქრებად ღამენათევი, ჩამოფრთხილდნენ ქათმები ხიდან, -

ჭანჭურის ხეზე გამეფდა ფერი, თოვლის სითეთრით ანთებულ ხედის...

შემოდგომაზე ცაც იჯაზნება, მთები რომ ბგერებს ნთქავენ ვოკალურს, როცა ზუზუნებს ქარი ფანჯრებთან და არახუნებს ქვაბებს მოკალულს...

ფოთლები ყვითელ ჰამაკში წვანან, ტყეების ყველა წამის სახეად, - როცა დროც თამაშ-თამაშით წავა, მაგრამ თავიდან ჩაისახება...

ნოყიერ საკვებს კვლავ მოხარშავენ, მოკალულ ქვაბებს როცა ძებნიან, - და მეც კვლავ უნდა

ამოვფართხალდე, ამ უეცარი მოძალებისგან...

როცა დღეები არვის არ სცნობენ და გაუმართავთ ქართან მარულა...

გზებიც როდემდე უნდა ანცობდნენ, ან დილის ნისლი სად გაპარულა...

..... ვარ უმთვარეო ღამის მტვირთველი, მეც ამ მთებივით მაინც უცვლელი, - თუმცა მევსება ქარის ზვირთებით, გამოშიგნული მთვარის მუცელი...

უკვდავება სხვა რა არის

რამინ მიქაბერიძის
საიუბილეო წიგნისთვის

რამინ მიქაბერიძის უკვდავი ხელოვნების დასახასიათებლად სიტყვა „თვითმყოფადი“ ძალიან ცოტას ნიშნავს.

რა დიდებულია მისი ჰანგის მოსმენის შედეგად მოგვრილი გარინდება.

რა ღრმადქართულია საუკუნეთა სიღრმიდან დარხეული, რამინის ყელში გამოვლილი და მისთა ბაგეთაგან წამოსული სიმღერა, რომელსაც ოდენ სიმღერას ვერ დაარქმევ, ის ლოცვაა, ის წინაპართა სულის ღაღადისია და სიამაყის მომგვრელია, წელში გამმართავია, საკუთარ ჯიშს რომ შეგაყვარებს ისეთია.

რამინ მიქაბერიძეს თვალდახუჭულმა უნდა უსმინო.

ასე უფრო შეიგრძნობ იმ გარდასულ აჩრდილთა თრთოლვას ლამის მეხრეებად, ეულ მეურმეებად და თორ-აბჯრიან მეომრებად რომ ჩალაგდნენ ჟამთა ავბედით ტრიალში.

დგას იგი სცენაზე მომღერალ ძმათა საიმედო გუნდში და ელოდები, აი, ახლა, აი, ახლა შეაშველებს, ახლა შეანებებს იგი თავის განუმეორებელ ხმას ანსამბლს, შეანებებს უზუსტესი, უნახესი, უნატიფესი სინარნარით.

საქართველოში სიტყვა „გალობა“ სიტყვა „სიმღერის“ სინონიმად იქცა და ეს შემთხვევითი როდია. გალობა ხომ ბუღბუღის გრძნეულ ხმათა შეკონებასთანაა დაკავშირებული და სამი უკვდავი მომღერლის - ვანო სარაჯიშვილის, ჰამლეტ გონაშვილის და რამინ მიქაბერიძის სახელთან სწორედ რომ გალობა ასოცირდება.

ისინი კი არ მღერიან, გალობენ ამ სიტყვის ყველაზე დიდი მნიშვნელობით.

განა ისე დიდი დრო გავიდა მას შემდეგ, რაც ქართული ჰანგის გადამრჩენ-მაძიებლები კარდაკარ დადიოდნენ ძველმოდური ჩამწერებით მხარზე, იქნებ კიდევ არსებობს სადმე „დედას ლევანას“ და ძმათა მისთა სიმღერის თუნდაც ხორკლიანი ჩანანერებით.

დღეს კი... დღეს, როცა ასე გულუხვად გვთავაზობს თანამედროვეობა ხმათა დაფიქსირების ათასგვარ საშუალებას, რატომ არ დევს ყველა ოჯახში ვანო სარაჯიშვილის, ჰამლეტ გონაშვილის და რამინ მიქაბერიძის მიერ გაცოცხლებულ ქართულ ჰანგთა მფრქვეველი მაგნიტოფონ-აპარატები!

რატომ, რატომ იღვრება ასე უმონყალოდ თბილისის ერთი მშვენიერი უბნის ფანჯარა-სარდაფებიდან შიქასტა-ბაიათები?

ჩვენ, ქართველები ათასწლეულთა ულმოებელ დგანდგარში სიმღერამაც გადაგვარჩინა.

სწორედ ამიტომ, რომ ჩვენს სიმღერაში ძალიან ხშირად ძალისმომგვრელ ჰანგთან ერთად, სევდაც გაკრთება, ის სევდა, რომელზედაც ილია ბრძანებდა „ერთი დიდი ტირილია და მაინც სიმღერას ეძახიან“.

მაშ, წინ, ძვირფასებო, ვანო სარაჯიშვილისკენ, ჰამლეტ გონაშვილისკენ, რამინ მიქაბერიძისკენ, ანზორ ერქომაიშვილისკენ.

რამინ მიქაბერიძე ყველაზე კარგად ხედავს.

მისი მზერა სწორედ რომ მზის ჰანგისკენ მიმართული მზერაა.

რევაზ მიშველაძე

თერძი (? - დაახლოებით 1250 წ.)

თერძის ზუსტი სახელი და გვარი, დაბადების თარიღი უცნობია. ფიქრობენ, რომ დაიბადა ავსტრიაში. თერძს ეკუთვნის ეპოსი კარლ დიდი. თერძი თავის იგავებში ამორალურობაზე და გარყვნილებაზე წერდა.

ჩიტი და მიმინო

დილაადრიან მწვანე ტოტზე ერთი ჩიტი გალობდა. ის სიმღერაში ისე გართული იყო, რომ სულ დაავიწყდა ირგვლივ ყველაფერი. ჩიტი ასე იჯდა და მღეროდა, მანამ სანამ მიმინო არ დააცხრა და ბრჭყალებში არ მოიგდო. ჩიტს ხმა ჩაუწყდა და სააბოლოდ როდესაც მოკვდა, სააბოლოდ დადუმდა. ასე განცხრომით ცხოვრობენ მიწიერი ადამიანები, რომელთაც ღმერთი დავინწყებული ჰყავთ და იმას აკეთებენ, რაც გაუხარდებათ, მანამ სანამ ყველანაირი შევლა უკვე გვიანი იქნება, სიკვდილი მოაწვეს და მოახრჩობს. ადამიანების განცხრომით ცხოვრებას უფრო ცუდი ბოლო აქვს, ვიდრე ჩიტს, რომელიც თავისთვის მღეროდა. ჩიტი რომელიც გალობდა და საკუთარი თავი დაკარგა, ის ამ დროს თავის ქმუნვას იქარვებდა, მაგრამ მიწიერს, რომელიც განცხრომაში ცხოვრობდა, სიკვდილის დროს ადამიანთათვის წარმოუდგენელი და მრავალმხრივი სადარდებელი უჩნდება.

კურდღელი და ლომი

კურდღელს, რომელსაც ლომის წინააღმდეგ ბრძოლა სურს - მე ვერ ვუნოდებ გმირს, ის შეშლილია. ვინც ისეთ ძალის წინააღმდეგ იბრძვის, ვისაც ვერასდროს დაამარცხებს, და უცილობლად მოკლული იქნება, ამტკიცებს რომ ეშმაკით შეპყრობილია. ვინც პატიოსნად არ ცხოვრობს, ის ღმერთის წინააღმდეგ იბრძვის და შემდეგ მისი სული გადარჩენის უფრო შეუძლებელია, ვიდრე ლომთან მებრძოლი კურდღელის.

თარგმნა ჰარლი ჰამპტონმა.



ბათუ დანელია

ილია ჭავჭავაძის პრემიის ლაურეატი

უნდა გველოდო, აფხაზეთო!

უნდა გველოდო, აფხაზეთო, უნდა გველოდო, როგორც არ უნდა გაინელოს უსაშველოდრო! ო, უჩვენობით გულმოკლულო, მაინც დიდგულო, სიზმარში შენს წინ დაჩოქილი, ლოცვებს ვკითხულობ. მე მინდა, ღვთისგან მონიჭებულ წმინდა უფლებით, ანგელოზები დაირაზმონ ერთხელ უკლებლივ და დაგვაბრუნონ შენს ტკბილ მკერდში ჩასახუტებლად, რომ სხვამ ვერ შეძლოს შენი გულის დასაკუთრება... ცა ზაფხულისა რაზე დარობს, ზამთრის - რაზეთოვს, თუკი ჩვენ აღარ გველოდები, შენ, აფხაზეთო?! არ დაუდვია ღმერთს ჩვენს შორის საზღვარ-მიჯნადა - ქართველი - აფხაზს, აფხაზი კი ქართველს ნიშნავდა. სად გაგონილა ცა უმზეო, ზღვა - უხმელეთო და აფხაზეთი - უქართველო?! - უნდა გველოდო! ჩვენ უსიკვდილოდ დავბრუნდებით სულის ფრთებისთვის, მოვალთ, მოგივალთ და მწუხარე იერს შეგიცვლით, ისე მოგივალთ, როგორც მწყურვალს წყალი კოკიდან და შენთვის დაღვრილ სისხლის ვარდებს უხვად მოგიტანთ... სხვებმა რაც უნდა მოგიტანონ ძვირფასეული - და რაც არ უნდა დაამშვენონ შენი სხეული, და რაც არ უნდა გაინელოს უსაშველოდრო, უნდა გველოდო, აფხაზეთო, უნდა გველოდო!



იოანე ქართველი

დაღამდა, მახსოვს რომ მახსოვხარ, და შენზე ფიქრებთან ვჩერდები, გულს თითქოს არ ვიცი რა უნდა, ვნებდები, სიჩუმეს ვნებდები. გზები ხომ საოცრად ბევრია, ირგვლივ ილიმიან ვერხვები, არ ვიცი, მე გზა ამერია, თითქოს გულს რა უნდა ვერ ვხვდები. ვინ იცის დაკარგვის შიში მაქვს, სიხარულს ველოდი ცრემლიდან, მოდიხარ ნისლისფერ ბინდიდან, ვხვდები რაც გულს უნდა მეც მინდა. მე ვიცი მახსოვხარ, სადა ხარ? მოვდივარ ვერ ვუძლებ ამ წამებს, ამ ბედნიერების დანახვა მოუნდათ ვერხვებს და ამ ღამეს. მოვდივარ!

შენ წახვედი... სიჩუმეა უფრო, ჩამოღამდა, გაილია ეს დღეც... სადღაც მიდის დრო და შენზე ფიქრები არ მშორდება ვსევდიანობთ ისევ, მე და შენი სიყვარულის ზღაპარი; ჰო, ვიხსენებთ განშორების წამებს, რა თბილი და რა სასტიკი იყავი, მომეხვიე... გეხვეოდი ყელზე, ცრემლიმილა ტუჩთან ბოლო ამბორი ვერ იტევდა ტკივილებს და წუხდა, შენ წახვედი, ვიცი არ დაბრუნდები, მეც არ მოვალ ჩვენს სიყვარულს ვფიცავ!

მე არასდროს დავიღვლები შენი ცქერით, ძველებურად გეტყვი, ჩემო: მივდივარ! გულს არ გატკენ დამიჯერე გეფიცები, გრძობებს ვიცი, ჰო, ღმერთამდე მივიტან. შენ სიყვარულს, უცნაურ და ფაქიზ განცდას, განა წლები დააკლებენ რაიმეს; მაშინ როცა ორი გული, მზესაც გასცდა, ივლის ყველგან, ნუ მომიშლი ამ იმედს. ჰო და იცი, სად გავყვებით გზებს და სივრცეს? - იქით, სადაც მხოლოდ სიყვარულია; შეგიყვარებ, ვით ანგელოზს ისე გიცქერ, ახლა ღამის გათენება რთულია... თქმა იმისა, რომ გაფრინდა სიყმანვილე, შენს თვალებში ისევ ბავშვის ფერია, მე როდესაც უშენობით ვიპირილე სევდა, დარდი ახლა უფრო ძნელია... და დრო მიდის, დრო არ იცდის არც რა მინდა, მხოლოდ მინდა ძველებურად გინდოდე, ისევ ისე მინდა იყოს ღამე წმინდა, დრომ იაროს, თუნდაც საიქიომდე!


მილოცვა

საქართველოს სახალხო მწერალს, მრავალი პრემიებისა და ბოლოს შ. რუსთაველის პრემიის ლაურეატს, ნობელის პრემიის ნომინანტს, დავით აღმაშენებლის პრემიის და ოქროს ორდენის კავალერს ეპოქის დიდ მოაზროვნეს დიდ მოაზროვნეს და ქართველი ხალხის, ერის მზრუნველ მამას რევაზ მიშველაძეს, არა თუ მთელი საქართველო, ყველა მსოფლიოში ლიტერატურის მოყვარული და მოაზროვნე იცნობს, როგორც ბრძენ, ენამჭევრ ერისკაცს, და ყველა თაობისათვის საყვარელ მწერალს, „მწერალთა გაზეთის“ საქართველოს მწერალთა კავშირის მთავარი ორგანოს რედაქციას უდიდეს მადლობას გიხდით თქვენი გაზეთის მკითხველი ყოველი საინტერესო ნომრის შეჯერებული სამეცნიერო-ლიტერატურულ-პოლიტიკური თუ ღვანდომოსილი ადამიანების პუბლიკაციების გამოქვეყნებისათვის.

გვსურს განსაკუთრებული აღფრთოვანებით აღვნიშნოთ, 2023 წლის 15 მარტის 3(299) „მწერლის გაზეთი“, საიდანაც შევიტყვევებ ჩვენი სასიკადალო მწერლის რევაზ მიშველაძის დაჯილდოების შესახებ ჯემალ გაბელიას წერილიდან „ეპოქის შემქმნელი სახალხო მწერალი და დიდი მოაზროვნე“ - დავით აღმაშენებლის ორდენის და პრემიის მინიჭების თაობაზე.

გულმხურვალედ გილოცავთ, ბატონო რევაზ, ბრწყინვალე მიღწევას და გისურვებთ დიდხანს სიცოცხლეს და წარმატებებს ცხოვრებაში და შემოქმედებით საქმიანობაში.

„მწერლის გაზეთისა“ და რევაზ მიშველაძის ნაწარმოებების მკითხველთა ჯგუფი. აფციანურების, პირველების, ქოქიაშვილების, ცერცვაძეების, ჭარელიშვილების, ელიზბარაშვილების, ასიტაშვილების, გეთიაშვილების, ცომაიების, გოგიაშვილების, დათაშვილების, ბერიძეების და ბევრ სხვათა - ყველა პატრიოტ გვარ-ტომთა მკითხველის სახელით.



რობერტ ადარი

მზიური დათაშვილი-აფციანური

ვულოცავთ!

ბატონ რობერტ ადარს ისრაელის საერთაშორისო საქველმოქმედო ორგანიზაცია „გულთა კავშირის“ პრეზიდენტად არჩევას!

ბატონო რობერტ, საქართველოს მწერალთა კავშირი გილოცავთ ისრაელის საერთაშორისო საქველმოქმედო ორგანიზაცია „გულთა კავშირის“ პრეზიდენტად არჩევას! ორგანიზაცია, რომელიც თქვენ, თანამოაზრე სახელოვან მეცნიერებთან, კულტურის და მწერლობის ცნობილ მოღვაწეებთან ერთად დააარსეთ, ემსახურება ქართულ-ებრაული მრავალსაუკუნოვანი თანაცხოვრებისა და მეგობრობის, კულტურულ-ლიტერატურულ, სახელოვნებო, სამეცნიერო და საერთოდ, საზოგადოებრივ კავშირ-ურთიერთობების შენარჩუნებას და განმტკიცებას! გისურვებთ კვლავაც წარმატებებს! ღმერთმა დაგლოცოთ და გაგაძლიეროთ!

ლ ე ხ ა ი მ ! საქართველოს მწერალთა კავშირი

ვინ გითვრებდა დარდით გარიჟრაჟს, აღარც იმ ნიავს ეცოდინება, რომ გადაგექცა ერთ დღეს ქარიშხლად. მაინც ხომ სულ სხვა იყო აპრილის, ქარტახილიც და დართა სიამეც, ყველა ამინდი იყო ნამდვილი, რაც გაზაფხულზე გამოიარე. მეც სულში შენი სევდა მიტირის, ვერ მიმღვრევეს თვალს სხვა წყალთა დინება და გამოზრდილი გულში ტკივილიც არ მემეტება დასავინყებლად.

საქართველოს მწერალთა კავშირი და „მწერლის გაზეთი“ თანაუგრძობს მწერალთა თათბირის დოლოქს მამის **თაბაზ დოლიძის** და თანაუგრძობენ განსვენებულის ოჯახს

საქართველოს მწერალთა კავშირი და „მწერლის გაზეთი“ თანაუგრძობს მწერალ მელანო ზუკაიშვილს მამის **ზაქარია ზუკაიშვილის** გარდაცვალების გამო

„მომცნე ფრთენი და ავფრინდე, მივხვდე მას ჩემსა ნდომასა, დღისით და ღამით ვხედვიდე მზისა ელვათა კრთომასა“

„მომცნეს ფრთენი და ავფრინდე, მივხვდე მას ჩემსა ნდომასა, დღისით და ღამით ვხედვიდე მზისა ელვათა კრთომასა“.

ვფიქრობ, მე-12 საუკუნეში ალბათ საქართველოში ვერაფერს წარმოიდგენდა რუსთაველის გარდა, რომ შეიქმნებოდა „ლითონის ჩიტი“. შოთას გონება ნათელი დადასტურება იმისა, რომ სხვა გენიოსებთან ერთად რუსთაველმაც დიდი ხნით ადრე განსაზღვრა გრანდიოზული მნიშვნელობის მოვლენა. და სამართლიანად მიმაჩნია ისიც, რომ თბილისის აეროპორტი დღეს ატარებს შოთა რუსთაველი სახელს.

გენიალურმა პოეტმა რომ 7 საუკუნით ადრე განსაზღვრა საფრენი აპარატები, ბრწყინვალედ ადასტურებს თავად 850 წლის დაუჭკნობელი მგოსანიც „წუთისოფლის წიგნში“.

აი, ასრულდა ნადილი, „ლითონის ჩიტი“ ვიფრინე, გავინავარდე ზეცაში, ძალმომეტებით ვილხინე,

ჩემს ხელით ტურფად დაწული რითმები ცაში მოვფინე,

ვარს კვლავთან მიახლოებით ქართველი მეტად ვაბრწყინე.

უფრო კარგი კი ისიც იქნებოდა, რომ იქვე, აეროპორტის ცენტრალური შესასვლელის თავზე, სადაც აწერია „შოთა რუსთაველის სახელობის აეროპორტი“, როგორც შევთავაზებ თბილისის მერიას, ენეროს შოთას სიტყვებიც

„ღმერთმა ქმნას შინა მოვიდეს ძე ჩემი გამარჯვებული“.

იმ მიზნით, რომ უცხოეთში სასწავლებლად, სამუშაოდ, სამეცნიერო, საგამომგონებლო ღონისძიებებში, სპორტულ შეჯიბრებაში მონაწილეობის მისაღებად გამგზავრებული ახალგაზრდები თავიანთმა გამცილებლებმა მშობლებმა დალოცონ რუსთაველის სიტყვებით

და სამშობლოში დაბრუნდნენ ისეთივე გამარჯვებულები, ოქროს მედლით დამშვენებულები, როგორც 1973 წელს არა მარტო საჭიდაო ხალიჩიდან, არამედ ირანის შაჰთან ვაჟკაცური გადანყვებით გამარჯვებული დაბრუნდა სახელოვანი თედიაშვილი ლევანი.

ახლა, როდესაც მიმდინარეობს ახალი ბალებისა და სკვერების შენება, შემოვიდვარ ინიციატივით ერთ-ერთ ბაღს ენოდოს „მგოსნების ბაღი“, ერთ-ერთს კი „რუსთაველის პარკი“, და ვიძლევი სიტყვას საქვეყნოდ, წარმოვადგენ იმდაგვარ ხედვას და იდეას, რომ იგი, დარწმუნებული ვარ, ღია ცის ქვეშ „ვეფხისტყაოსნის“ მუზეუმადაც გადაიქცევა.

აი ასეთი ქმედებით, იდეებით, ოქროს მედლებით, გამოგონებების წყალობით შევძლებთ გადავაქციოთ ჩვენი ჩამორჩენილი ქვეყანა მძლავრ განვითარებულ სახელმწიფოდ. მსოფლიოს ჭკვიანი ხალხის მიერ 21-ე საუკუნის იდეების საუკუნედ გამოცხადებაც ამ მიზანს ემსახურება - რადგან იდეები და გამოგონებები განვითარების საფუძველთა საფუძველია.

პატივცემულო მკითხველო, თუ მიიჩნევთ, რომ ზემოაღნიშნული რუსთაველური ფრაზის დედააზრი უცხოეთში გამგზავრებულებს (ყველას თუ არა) უმეტესობას მაინც გონებაში ჩინებულად ჩაებეჭდება სამშობლოს საკეთილდღეოდ აეროპორტის შესასვლელი დავამშვენოთ შოთას სიტყვებითაც.

„ღმერთმა ქმნას შინა მოვიდეს ძე ჩემი გამარჯვებული“.

თუ დამეთანხმებით იმაშიც, რომ პოეზიის ქვეყანაში უნდა გვექონდეს შოთა რუსთაველის სახლიც, ბაღიც, მუზეუმიც და სკოლაც, მივმართოთ ხელისუფლებას აღნიშნული სახვალის საკითხების განსახორციელებლად.

თაბაზ ქვლივიძე



ნატალია ზღვისპირელი

მინდვრის ყვავილო, შენც ხომ ზაფხულის თვალს არ გჭრის უხვი მზე და დიდება და ქარიშხალიც იმ გაზაფხულის, არ გემეტება დასავინყებლად. არ გინატრია შენც ხომ ვერსალის ბაღის ამინდებს ჰყოლოდი მძევლად და ამოსული გზად ნარ-ეკალში, ბევრჯერ წასულხარ ბედის საძებნად. არ გიმზერია სეტყვა სარკმლიდან, ელვა იყო თუ ქარი გდევნიდა, თავს გადახდენილ ყველა წარღვნიდან დაბრუნდი, როგორც ახალ ქვეყნიდან... არავინ იცის შენი სახელიც, ბაღს მოფენილი ია-ვარდით, მაინც არა ხარ სახლის ყვავილი და ერთნაირიც არ გაქვს ამინდი. მოყვები ნიავს, რომელ მხარიდან, დანამდვილებით ხარ თუ არცა ხარ, უჩინმაჩინის ქუდი გახურავს, ყველას არ ძალუძს შენი დანახვა... ან მთვარის შუქზე ვისთვის ინვოდი,

